المطبخ النراثى الأردنى





إعدادجمعية بيت التراث والفنون

المطبخ النراثى الأردنى



إعداد جمعية بيت التراث والفنون / الفحيص

المملكة الأردنية الهاشمية رقم الإيداع لدى دائرة المكتبة الوطنية (905 / 2 / 2023)

642

المضاعين: اليدا سليم مخائيل

المطبخ التراثي الأردني / اليدا سليم مخائيل المضاعين، حنان مصطفى عمر دعمش، السلط جمعية بيت التراث والفنون. 2023

268) ص.

ر. أ. : 2023/2/905.

الوصفات: /الطبخ//اعداد الطعام//المأكولات الشعبية//التراث//الأردن/ يتحمل المؤلف كامل المسؤولية القانونية عن محتوى مصنفه ولا يعبر هذا المصنف عن رأي دائرة المكتبة الوطنية أو أي جهة حكومية أخرى.

المطبخ التراثى الأردني

رقم الإيداع لدى دائرة المكتبة الوطنية: 2023/2/905

إعداد وتحرير: اليدا مضاعين - حنان دغمش

تصميم وإخراج: إحسان حسين

الناشر : جمعية بيت التراث والفنون / الفحيص

الطبعة الأولى 2023

تم إعداد هذا الكتاب بتمويل من الوكالة الأمريكية للتنمية الدولية (USAID) من خلال مشروع استدامة الإرث الثقافي بمشاركة المجتمعات المحلية (SCHEP) والمنفذ من قبل المركز الأمريكي للأبحاث (ACOR)، بالشراكة مع جمعية التراث والفنون. تدير الوكالة الأمريكية للتنمية الدولية برنامج المساعدة الأمريكي الذي يقدم مساعدات اقتصادية وإنسانية في أكثر من ٨٠ دولة حول العالم.

محتوى هذا الكتاب هو مسؤولية جمعية بيت التراث والفنون ولا يعكس بالضرورة آراء الوكالة الأمريكية للتنمية الدولية أو حكومة الولايات المتحدة.

مصدر الصور:

جمعية بيت التراث والفنون / الفحيص، جمعية هوا الفحيص للثقافة والفنون، الفنان الاستاذ رمزي ناري، الأنسة ميرية حتر، والفنان فؤاد حتر.

© جميع حقوق الطبع محفوظة لجمعية بيت التراث والفنون/الفحيص لا يجوز نقل أو نسخ أو ترجمة أي جزء من هذا الكتاب بأى طريقة كانت دون إذن خطى من الجمعية.

الفهرس

كلمة رئيسة الجمعية / اليدا مضاعين	0
المقدمة/الدكتور أحمد شريف الزعبي	٧
تقديم/الأستاذ رسمي محاسنة	٩
كلمة المدير التنفيذي لمشروع المطبخ التراثي الأردني / الأستاذة حنان دغمش	١.
تاريخ المطبخ الأردني / الأستاذ نايف النوايسة	11
تاريخ القهوة العربية / الأستاذ جميل مضاعين	18
المنسف الأردني / الأستاذ نايف النوايسة	19
الطبخات التراثية الأردنية	۲۳
الحلويات التراثية الأردنية	1.9
المُونِة	139
بعض الأكلات التراثية التي دخلت على المطبخ التراثي الأردني	170
القيمة الغذائية للأكلات التراثية الأردنية	191
الأغاني التراثية الأردنية	190
الأمثال والأشعار التراثية الأردنية	۲۰۳
العادات والتقاليد المستخدمة في الأكلات التراثية الأردنية	717
مصطلحات تقال في الأكلات التراثية الأردنية	771
الأدوات المستخدمة في المطبخ التراثي الأردني	770
النباتات والأعشاب البرية	777

أسماء الأرض	777
صور زيارات توثيق المطبخ التراثي الأردني	781
نبذة عن الجمعية	757
صور عن فعاليات جمعية بيت التراث والفنون	789
أسماء فريق العمل والمتطوعين	YOV
شكر لكل من ساهم في إنجاز هذا المشروع	177
المصادر و المراجع	770

من المعروف بأن التراث ينقسم إلى نوعين هما: التراث الثقافي المادي والتراث الثقافي غير المادي؛ وهو عبارة عن الإرث الذي خلفه الآباء للأبناء من حضارات وعادات وتقاليد وأعراف، وتركت آثاراً ايجابية على المجتمعات المحلية وغير المحلية، وله قيمة وطنية وعالمية، وينتقل من جيل إلى جيل عبر الأزمان مع الحفاظ على جوهره وخصوصيته الوطنية.

درجت جمعية بيت التراث والفنون في الفحيص على تقديم برامج مميزة وذات قيمة عالية للمجتمع المحلي، وخصوصاً فيما يتعلق بالتراث المحلي، لذا ارتأت إدارة الجمعية بأن تعمل تحت بند التراث الثقافي غير المادي على تجميع كل ماهو موروث عن الأكلات التراثية الأردنية الأصيلة من حيث أنواع الأكلات وآلية طبخها، وماذا قيل عنها من أشعار وأغان وأمثال شعبية وقصص وحكايات، ثم توثيق كل ذلك وأرشفته بطريقة علمية اتبعنا فيها كل أساليب البحث التراثي المعروفة، لتصبح مادة سائغة دسمة مُيسرة للباحثين من أساتذة وطلاب، وباحثين مختصين في مجال التراث الشعبي وكل ما يتعلق بالتاريخ الاجتماعي الأردني.

أتمنى أن نكون في هذه الجمعية قد وُفقنا في إنجاز هذا العمل على النحو الأمثل، وشاكرة بشكل خاص الوكالة الأمريكية للتنمية الدولية (USAID) من خلال مشروع استدامة الإرث الثقافي بمشاركة المجتمعات المحلية (SCHEP) والمنفذ من قبل المركز الأمريكي للأبحاث(ACOR) على دعمهم هذا المشروع ولكل من بذل جهداً في إنجاحه أو قدّم دعماً لإنجازه أو ساعدنا برأي أو مشورة حتى يرى عملنا النور على الوجه الأكمل، والشكر الخاص لفريق العمل الذي تولّى مهمة التخطيط والإعداد والتهيئة وإنجاز المشروع وفق معايير الجودة المطلوبة.

واخيراً لايفوتني أن اشكر جميع الأفراد في المجتمعات المحلية في أنحاء المملكة الأردنية الهاشمية الذين زودونا بكل محتويات هذا الكتاب والتي تعبر عن آرائهم وليس بالضرورة تعكس اراء جمعية بيت التراث والفنون وسمحوا لنا بنشرها تحت عنوان «المطبخ التراثي الأردني» اتمنى أن ينال إعجابكم وأن يزيّن مكتباتكم الأسرية ومؤسسات المجتمع المدنى والرسمى وذات العلاقة.

رئيسة جمعية بيت التراث والفنون ألبدا مضاعين

المقدمة

يُساعد الطعامُ الإنسانَ على الاستمرار في الحياة، لذا حرِص هذا الإنسان أينما كان على أن يكون طعامه لذيذًاً ومفيداً وخاليًا من المواد التي تؤثر على صحته، ومن أجل ذلك يكدح الإنسان طوال عمره لتأمين لقمة العيش له ولأفراد أسرته.

ومن صفات الطعام الشعبي أنه مُغذِ وقليل التكلفة، فهو من إنتاج البيئة، وتتعاون الأسرة جميعها في إنتاجه، وكان يشترك في صناعة الخبز التي كانت وما زالت من أساسيات وجبات الطعام في مطبخنا الأردني مهمة جميع أفراد الأسرة؛ من الرجل إلى المرأة إلى الأبناء الذكور والبنات، وكان لكل فرد منهم واجبٌ محددٍ، فعلى الرجل مهمة حراثة الأرض وحصاد الزرع والبيدر ونقل القمح إلى المطحنة، وعلى المرأة والبنات عمليات التغمير وغربلة القمح، أما الأبناء الذكور فعليهم نقل المحصول إلى البيدر، وعليهم عملية الدراس، فهذه مراحل عمل متكاملة؛ عنوانها التعاون التام.

وللقمح قدسيته، لذلك كان اسم الله يترافق مع كل المراحل السابقة سواء عند البذر أو بداية الحصاد ونقل المحصول إلى البيدر وعند الكيل وإخراج نصمد الخليل (سيدنا إبراهيم عليه السلام) لأول فقير، وكان ممنوع على الجميع أن يدوسوا الخبز، فهذا يعد من المحرمات، لذلك يسمون القمح والطحين والخبز بالبُر والنعمة.

لقد صنع الإنسان الأردني العديد من أنواع الطعام؛ فرغيف من الخبز وقليلٍ من الطعام يكفي الشخص، فيحمد الله على نعمه. كما عمل من القمح الرشوف وعيش لبن وطبيخ السميدة والمنسف والمقطعة وأذان الشايب (الشيشبرك) والبسيسة واللزاقيات والرقاقة والغميعة ونحو ذلك.

كما اشتق من الحليب اللبن الرّائب والمخيض واللبن الجامد (الجبجب) والجميد والزبدة والسمن.

واستطاع الأردني أن يُدخل أكثر من مادة في طبخاته بطرق فنية ومقادير معينة، فمثلًا يدخل في (صناعة المنسف الذي تم رفعه لمنظمة اليونسكو لإدراجه على القائمة التمثيلية للتراث الثقافي غير المادي للبشرية العام الحالي ٢٠٢٢)، السميدة واللحم واللبن أو الجميد واللوز. ونقلت الأمهات عن الجدات كيفية عمل الأطعمة التراثية، واللواتي نقلنه إلى البنات منذ عشرات بل مئات السنين، كما كانت الأسر تنقل خبراتها إلى جيرانها وأصدقائها، فتعم تلك الأكلة إذا كانت طيبة ومستساغة على مساحة واسعة من الوطن، وربما تتخطاها إلى أقطار أخرى.

ولاستدامة بعض المواد واستعمالها في غير موسمها، فقد عمدوا إلى تحويلها إلى شكل آخر، فقاموا بعملية التجفيف، فجففوا البندورة والكوسا والباميا، ومن الفواكه العنب والتين. كما عمدوا إلى عملية الطبخ على النّار، فحولوا العنب والتين والخوخ إلى مربيات لتمدهم بالطاقة خاصة في أيام الشتاء الباردة، وعملوا (الخبيصة) وهى عنب يضاف إليه النشا وبعض المكسرات، فتكون لديهم بعض مواد الحلويات الشعبية.

ودخلت في غمرة التكنولوجيا وجبات من أقطارٍ شتى عربية وأجنبية كالكبسة والكُشري والشاكرية والبيتزا واللزانيا، وكذلك الوجبات السريعة كالشاورما والبُرغر وغيرهما، وتراجع الطعام التراثي الشعبي إلى حد ما، وصار من الضروري جدًا توثيق هذه الأكلات، من أجل الحفاظ عليها واستدامتها.

تضمن هذا الكتاب عناوين كثيرة أخرجته من قيد الكتب العادية التي لا تلفت انتباه المهتمين إلى مقام الكتب الأكثر أهمية لأنه درس المطبخ الأردني من زوايا وصفية وتراثية وقيمية عديدة، حتى أنه يُؤشِّر إلى مفهوم نُطلقه هنا هو (علم اجتماع المطبخ، أو علم اجتماع الاقتصاد المنزلي)، وهذه إضافة نوعية نُسجلها للجمعية التي قامت على إعداد هذا الكتاب المهم ليُزين واجهات المكتبات الثقافية والتراثية، ويُقدِّم المعلومة المُوثِّقة عن الطعام التراثي الأردني وفق أساليب بحثية وميدانية دقيقة.

ومن العناوين التي أثرتْ مادة الكتاب الغزيرة: مُقدمات أضاءت طريق البحث أمام القارئ لباحثين قادرين، بالإضافة لكلمة رئيسة الجمعية والمديرة التنفيذية لمشروع الكتاب، كما تضمن هذا العمل جملة من المواد المهمة مثل: الطبخات الأردنية التراثية، والعلويات التراثية، والمُونِة، والعادات والتقاليد المُصاحبة لهذا الطعام، الحكايات الشعبية للأكلات التراثية التي سجلها التاريخ الاجتماعي الأردني على مر السنين، والأغاني، والأمثال والأشعار، والمصطلحات التي لا يجوز تجاوزها عند الحديث عن هذا الموضوع، والأدوات التي كانت تستخدم للطبخ وهي ميزة من مزايا أمتنا العربية بأنها امتلكت رصيداً من الحضور المدني الإنساني بوفرة أسماء الأدوات واللوازم في كل عصورها وشؤونها، والطقوس الدينية التي تُعدّ شارةً ورمزاً لهُوية ثقافية لها خصوصيتها، والأكلات التي أصبحت جزءاً من التراث الأردني وهي التي نُقيّدها ونحصرها في هذا المشروع لنُمكّن المؤسسات الثقافية الوطنية والعالمية من الاطلاع عليها وتسجيل قيمة ودور المجتمع الأردني في اسهاماته في رحلة التراث الإنساني عبر العصور.

كما تضمن الكتاب: أسماء فريق العمل والمتطوعين، وشكر لكل من ساهم في إنجاح المشروع، ونبذة عن الجمعية، وصور عن فعاليات المطبخ التراثي الأردني، وأسماء المصادر والمراجع، ندعو الله تعالى أن يكون هذا العمل الثقافي مما يفيد الناس ويُقدم المنفعة لكل من ينشدها على مستوى الأردن وخارجها، وما أردنا بهذا الكتاب إلاّ الإسهام مع المتنورين واضاءة شمعة على دروب الثقافة الايجابية الجادة، والله ولي التوفيق.

وفي الختام، لا بد من الإشارة إلى ما يلي:

- ١ بالرغم من أنّ فريق العمل سعى جاهدًا لتوثيق هذا العدد من الأكلات التراثية الشعبية، إلاّ أن هناك العديد منها لم يسمح الوقت المحدد لانتهاء المشروع بتوثيقها وأرشفتها، آملين بأن تكون هناك تكملة لهذا المشروع الهام بحيث نتمكن من إضافتها وتسليط الضوء عل كل مايتعلق بمطبخنا التراثي الأردني في الطبعات القادمة.
 - ٢. كتبت مواد هذا الكتاب باللهجات المحلية وتمت مراجعتها من قبل متخصصين في ضبط اللهجة.
 - ٣. لم يتم التغيّير على ماتم جمعه من أفراد المجتمعات المحلية من محافظات المملكة الأردنية من مواد ومعلومات عن الأكلات التراثية الاردنية.

الدكتور أحمد شريف الزعبى

تقديم

يُمثل المطبخ الشعبي أحد عناصر التراث المهمة، التي تُعبّر عن هُوية الشعوب، وواحد من مفردات الخصوصية لها، ومن هنا تأتي أهميةُ التوثيق خاصة، وإننا نعيش عصر الايقاع السريع، وتشابك وتداخل المعلومات.

إن ما تقوم به جمعية التراث والفنون، من خلال مشروع المطبخ الشعبي، يُصنّف في إطار المسؤولية الوطنية، بتوثيق الأكلات الشعبية الأردنية، والتعريف بها، سواء للأجيال الجديدة، أو للباحثين، سواء من حيث نشأتها، أو التطور الذي حصل عليها، مع ملاحظة أن هذه الأكلات مرتبطة بالطبيعة الجغرافية والمناخ الأردني، ويمتزج فيها بشكل واضح المنتج النباتي بالمنتج الحيواني على الأغلب، وطبيعة المكان، مما يعطيها النكهة المميزة، والفوائد الصحية، إذا ما تم صنعها على طريقة جداتنا.

إن هذا الكتاب الذي يُعدّ إضافة نوعية حقيقية للمكتبة الأردنية، جاء بجهود جماعية، وبحوث ميدانية، وتدقيق ومراجعة للمعلومات التي تمّ أخذها على الأغلب من أفواه الكبار والإخباريين دون الاعتماد على مصادر غير موثوقة، حيث انتشر الباحثون في مناطق المملكة من الشمال مرورًا بالوسط إلى الجنوب، وبذلوا جهودًا مضنية في سبيل الوصول إلى المكونات الأصلية للطعام الأردني الشعبي، وأساليب الطبخ، إضافة إلى العادات والممارسات والطقوس المرافقة لها.

إن هذا الجهد هو بمنزلة قاعدة بيانات للأكلات التراثية المعروفة أو التي لم تعد معروفة عند فئة قليلة، كما أنه يفتح الباب أمام مزيد من الدراسات، فضلاً عن نقله لهذا العنصر إلى الأجيال الجديدة، وكذلك يمكن توظيف ما يحتويه من معلومات في الترويج السياحي للأردن، وأن تكون هذه الأكلات التراثية ضمن قائمة الطعام في المطاعم والاستراحات السياحية. وفي الوقت نفسه يمكن أن تكون مصدرًا مهمًا من مصادر الاقتصاد المنزلي.

ويأتي الكتاب ضمن الجهود الواعية بأهمية موضوع التراث، وتأكيد واحدة من أهم مفردات الخصوصية والهُوية الأردنية، وتعزيز مفاهيم الانتماء، وتعميق دور الثقافة والمعرفة الوطنية في بناء الوطن والإنسان على سوية حضارية عالية، وصولًا إلى استراتيجية وطنية عنوانها الحماية المستدامة لتراثنا الثقافي المادي وغير المادي.

الأستاذ الصحفي رسمي محاسنة

مشروع المطبخ التراثي الأردني

تنبع أهمية العناية بالتراث الثقافي غير المادي من ارتباطه المباشر بالهُوية الثقافية، لاسيما في الوقت الذي تشهد فيه المجتمعات تغيرات اجتماعية وثقافية واسعة؛ تصاحبها تحولات تكنولوجية، وتأثيرات تيارات العولمة الاقتصادية والثقافية على الهُويات والخصوصيات الثقافية، وحركة الهجرات واللاجئين والتغير المناخي.

فهذه الظروف والظواهر تعرّض التراث الثقافي غير المادي لأخطار التدهور والزوال والتدمير، ولاسيما بسبب الافتقار إلى الموارد اللازمة لصون هذا التراث، وحماية الهُوية والخصوصية المبدعة للمجتمعات المحلية.

وتُعد أساليب الطبخ وعادات الغذاء المرتبطة بالأطباق الشعبية أداة من أدوات التعبير عن الهُوية الفردية والجماعية وبناء الشخصية، فعلى سبيل المثال: يعبّر المَنْسف عن روح التضامن والتكافل الأردني، وغدا هذا الطبق، على اختلاف طرق تحضيره، أداة من أدوات التعريف بالأردن وكَرِم أهله ونخوتهم وتضامنهم الاجتماعي. كما ويحمل دلالات ثقافية وفنية تعبّر عن غِنى الفضاء الثقافي الذي تشكل عبر الأجيال حول هذا الطعام.

وأما بالنسبة لمشروع المطبخ التراثي الأردني، الذي ينفذ بتمويل من الوكالة الأمريكية للتنمية الدولية (USAID) من خلال مشروع استدامة الإرث الثقافي بمشاركة المجتمعات المحلية (SCHEP) والمنفذ من قبل المركز الأمريكي للأبحاث (ACOR)، فإنه يهدف إلى حَصْر وتوثيق الأكلات التراثية الشعبية الأردنية ورَصْد التطورات التي حصلت على هذه الأكلات.

ويعتمد المشروع على عملية المسح الميداني من أقاليم الشمال والوسط والجنوب، من خلال المقابلات مع ربات البيوت والممارسين لهذا العنصر من كلا الجنسين الذين يشكلون مصدرًا أوليًا للمعلومات، لغاية بناء قاعدة معلومات من الرواة لهذه الأكلات التراثية مسبقًا، وجمع الروايات المحلية حول كل ما يتعلق بها: أسماؤها، ومكوناتها، وتقنيات إعدادها والمناسبات التي تقدم بها، وما يرافقها من ممارسات وطقوس.

يسعى المشروع إلى إحياء الأكلات التراثية التي لم تعد موجودة، أو قَلَّ استخدامها، أو لا يعرف عنها سوى الاسم فقط. فضلاً عن تشجيع المطاعم السياحية للتركيز على تقديمها كوجبات أساسية من ضمن قائمة الأطعمة لديهم للزائرين سواء المحليين أو الأجانب.

كما ويسعى المشروعُ إلى توثيق الذاكرة الشفوية المتعلقة بالأكلات التراثية وأرشفتها حسب المنهجيات والأصول العلمية المعاصرة لغايات الإسهام في نشر ثقافة الاهتمام بالتراث الثقافي غير المادي، ولفت الانتباه إلى أهميةِ وضرورة الوعي بحمايته وصونهِ، وتحديداً في مجال الأكلات التراثية.

وإضافة لما ذُكر فإن المشروع يهدف إلى تقديم مادة علمية للباحثين لإجراء بحوث ودورات متقدمة في مجال التراث الشفوي والأكلات التراثية، وتوفير مادة ثقافية للاستفادة منها وإعادة إنتاجها في برامج الترويج والأنشطة الثقافية من خلال إنتاج فلم توثيقي عن المطبخ التراثي الأردني، وكتاب يتضمن الأكلات التراثية ونبذة تاريخية عن المطبخ الأردني.

ولتحقيق أهداف هذا المشروع تَمِّ تدريب فريق بحثي محلي يتكون من (١٠) أشخاص من كلا الجنسين على تقنيات جمع التراث الشفوي وإجراء المقابلات الميدانية، وقد تمَّ جَمْعُ ما يزيد عن (١٠٠) رواية تتعلق بالأكلات التراثية في المناطق المستهدفة وشكّلت المادة الأساسية لهذا الكتاب.

المدير التنفيذي للمشروع الأستاذة حنان دغمش

تاريخ المطبخ الأردني

من البديهي أن يرتبط تاريخ الإنسان منذ الأزل بالطعام، وتطورت أنواع الطعام مع تطور المجتمعات الإنسانية حتى عَدَّ البعض هذا التلازم بين البشر والأكل من مظاهر الحراك الحضاري عبر العصور التاريخية، فضلاً عن الطعام ذاته الذي يُعدُّ ضرورة بيولوجية لجميع الكائنات.

ويقتضي المقام هنا أن نتعمق في تاريخ المطبخ ورصد كيفية تطوره من فجر البشرية حتى الآن؛ فإذا كان الطعام ضرورة لكل الكائنات، فلقد أصبح منذ مجيء الإنسان قائماً على أصول لا بد من مراعاتها ويتطلب أدوات متطورة لطهوه، وطرائق لإعداده.

وأجزم هنا بأن تاريخ المطبخ على العموم قد ارتبط بالنار حين اكتشفها الإنسان فأوجد لها المواقد بأشكالها المختلفة، واهتم أيضاً بالزراعة فعرف قيمة الأرض، لذلك قام بصنع أدوات الطبخ وأوعيته، مثلما أعد للأرض أدوات الفلاحة وجني المحصول وتخزينه.

يرصد تاريخ المطبخ الإنساني تطور أصناف الطعام من السمك إلى اللحوم المختلفة من الأغنام والطيور، واكتشاف الطحين وخبز الخبز، وعصر بعض بذور الثمار كالزيتون والعنب والذرة، وكل هذا يعني بأن الإنسان استخدم الأرض للزراعة وتعلم الحراثة والحصاد وجني المحصول، وتراكم مع كل هذه التطورات العديد من المأثورات الشعبية والطقوس المتعلقة بالطعام، بالإضافة إلى ذلك قام بتربية الحيوانات الغليظة للعمل، والمواشي للأكل والاستفادة من لبنها، كما دجّن الطيور.

ويتضمن تاريخ الطبخ إشارة مهمة وهي اختصاص المرأة في عملية الطبخ، أما دور الرجل فيذهب إلى الحصول على المواد المراد طبخها ووضعها بين يدي المرأة لتقوم هي بوظيفتها، ومما لاحظناه في تاريخ الطعام هو أهمية ظهور اللمسات الأنثوية في كل طبخة، ويجمع الباحثون في شؤون التراث وعلم الاجتماع على أن تدني مستوى الطعام في زمن ما يعود إلى تدني مستوى المرأة الاجتماعي والحضاري آنذاك.

يعود تاريخ هذا المطبخ إلى آلاف السنين قبل الميلاد، ومنذ عُرف الخبز واللحم واللبن والخضروات أصبح للمطبخ قيمة غير مذكورة في التاريخ البشري، ويرى كثير من المهتمين أن المنسف الأردني بصورته القديمة هو من أقدم أشكال الطعام الأردني المرتبط بتاريخ الأقوام الذين سكنوا في الأردن كالمؤابيين والأنباط والعمونيين والأدوميين.

شكل جلسة طعام المنسف الحالي، تشبه حلقة المنسف زمن الأنباط؛ ثلاثة عشر شخصًا بما فيهم الملك، ويبدو أن مائدة السيد المسيح عليه السلام تتشابه معها، فالحواريون مع المسيح ثلاثة عشر شخصًا، ونحن نعرف أن هناك تزامنًا بين فترتي المسيح والأنباط.

ندرك من هنا عمق الجذور التاريخية للطعام الأردني والذي يشمل اليوم كل الأصناف المحتوية على اللحوم والحبوب والألبان والخضروات.

الأستاذ نايف النوايسة

غاريخ الفهوة العربية



نحكي عن تاريخ القهوة، اكتشافها، استعمالاتها، معانيها، القهوة العربية و كيف انتقلت حتى وقتنا الحاضر.

قبل ٤٠٠ سنة اكتشفوا القهوة في اليمن يقال: كانت الغنم لما تطلع على شجرة معينة باليمن وتوكل هذا النبات ترجع نشيطة، من هناك وجدوا أنه القهوة بتعطي حيوية ونشاط للجسم وبلسوا يستعملوها العرب ولأنه إنْتِخْربش القهوة كانوا يجيبوها من اليمن ويخزنوها، لأنه ما في أسواق قريبة، والبدو برحلوا من منطقة لمنطقة وصعب يروحوا على المدينة يشتروا القهوة لأنها كانت تُباع بالمدن مِش بالأرياف؛ فالقهوة وجدوها مشروب بِيعطي نشاط ذهني وجسدي للبدوي بزمانه واستعملت القهوة على طبيعتها بدون إضافات وكانوا يشربوها بعد طقوس معينة.

القهوة هي شجرة والشجر يطلّع ثمر يابس جداً لونه أخضر فاتح (زيتي)، وكان لما يتحمص على النار يقلّب لونه على شقار أو على سواد إذا حمصته أكثر من اللازم، كان البدوي يُوخذ معه القهوة وين ما راح، ويحمصها بوعاء اسمه محماسة (زي صحن) إلها إيد بحطوها على النار، وهي من حديد وبحطوا إشْويّة قهوة فيها، وإلها إيد محماسة زي الملقط الطويل بَحرك فيها حبات القهوة إمْشان ما تنحرق لأنه بصير طعمها مشْ كويس إذا نُحرقت، لازم يِظل يحرك ويحمس فيها عَبين ما تصير شقرا مايلة للسواد وبُوخذها من المِحماسة وبَديرها بوعاء خشب، هذا الوعاء اسمه المبراد أو اللّي بِبَرد القهوة من الحرارة، بخليها من ١٠ إلى١٥ دقيقة بالمبراد، بعدين بَجيب المهباش وبدقها بيه.

أدوات تجهيز القهوة اللّي هي:

المحماسة وكان الرجل هو اللّي يِحمس القهوة وليست المرأة، والقهوة من اختصاصات الرجل، وممنوع تعملها إلاّ إذا كان الرجل غير موجود، والسبب إنه كانت القهوة رفيقة الرجل، وكان الرجل يتغنى بمواصفات القهوة، وكانوا أصحاب الحلال، والشيوخ العرب كان عندهم شخص مخصص للقهوة بنسميه الصوينع (وله أسماء ثانية منها الفداوي، القطروز، وهسع بيسموه القهوجي) وظيفته يسوِّي القهوة ويقدمها للضيوف، وكانوا يتغنوا بتصنيع القهوة، وقد ما هي مهمة كان البدوي يعمل فيها شعر وقصايد بكل أدوات القهوة بالمحماسة وإيد المحماسة والدلّة والمهباش (النجر)، البن هو اسم القهوة باللغة الإنجليزية، إجت اسمها من القهوة وهي أصلًا كلمة عربية، الإنجليز والأجانب ما كان عندهم قهوة لحتى جنوب أميركا الجنوبية، فيه عندهم شجرة قهوة وصاروا يستعملوا والأجانب ما كان عندهم قهوة لحتى جنوب أميركا العادات اللّي كانت دائماً ترافق العربي وين ما سكن والمهباش (النجر) عبارة عن ساق شجرة ويفضل أن يكون من البطم أو السنديان القوي، كانوا في صُنّاع يصنعوا المهباش ويحفروا عليه على الداير ويحفروه من النص بالجرن، وإله إيد من الخشب وهذي يصنعوا المهباش ويحفروا عليه على الداير ويحفروه من النص بالجرن، وإله إيد من الخشب وهذي لدق القهوة داخل النجر، فنوع المهباش لما يدق بيه البدوي يدق القهوة يترنّم على صوته، لأنه فيه لدق القهوة داخل النجر، فنوع المهباش لما يدق بيه البدوي يدق القهوة يترنّم على صوته، لأنه فيه





نغمات موسيقية وكان في ناس متخصصين بتغنوا بدق المهباش وبتشعر إنه بدق على الطبلة تقريباً، فالبدوي بالصحراء عنده شغلتين مهمات عَشان يعزم الضيوف على بيته اللّي هو دقة النجر والنار يعني مثلًا بالصحراء بِكون الضيف ماشي في الطريق ما في مواصلات ولا مطاعم بِدّه يوكل أو يشرب فإذا شاف نار من بعيد بعرف إنه في معزب وفيه واحد مُوقِد تارا النار بِتْدل على أهلاً وسهلاً وصوت النجر وللي يدق النجر بسموه عزّام، يعني كان يعزم الناس أي يدعوهم، طريقة صناعته النجر مهمة جدا، ولي يدق النجر بسموه عزّام، وبعدين صار في فئة من المجتمع الأردني يصنعوا النجر بُوخذ وقت اِكْثير، يعني بِنشفوه وبعدين بحرقوه وبعدين يدهنوه بزيت معين اِمشان ما يتصطح ويعيش عشرات السنين، ووزنه ثقيل عَشان يكون قوي وعَشان كمان يِتحمل الدق، وبعدين بِحطوا القهوة بالعْرام بالنجر، العرام (قد كف اليد)، وبُوخذ على قد كف إيده على قَدْ طبخة القهوة، وما يطحن أو ما يدق القهوة ليومين وثلاثة، ما بصير نسويها غير كل يوم بيومه اِمْشان القهوة فيها زيوت، وهذي الزيوت ما تتطاير لأنه فيه فائدة من الزيوت، فيدقها ويديرها على الدلة، حكينا عن الرجل هاي شغلته لازم يشربوا القهوة من فائدة من الزجل، واختلفت هاي العادات في زماننا هذا، صارت المرأة هيه اللّي بتساوي قهوة والرجل بشرب منها، وبعد ما يدقها بالمهباش بعرامه وبديرها على دلة القهوة.

ودلال القهوة أنواع:

وحدة لغلي القهوة ووحدة للقهوة عَشان تركد بيها ووحدة ثالثه عَشان تصب بيها القهوة، هلا صبة القهوة هذي بِتكون أصغر حجماً عَشان ما تبرد وعَشان يدير إلى الدلّة الصغيرة من الكبيرة أول بأول بس قبل ما يدير بكون حط عليها بهار (هيل).

الهيل بِيدقُّوه وبفْغشوه وبَسهمو ما بدقوه ناعم، بس اِتْرضرض بالمهباش، بس يِفْغشو بوخذ منه أُكَمِّن حبة، بَحط عشر حبات أو أقل على الدلة، وهذا البهار مِنْحُطه زيادة ويترافق مع القهوة لأنه البهار كان يجينا من الهند والمناطق الأسيوية الشرقية، ويجينا بهار غير بهار الأكل فكان ييجي مع التجار، ووجدو إنه البهار بنكهة إكْويسة وبطيّب القهوة أكثر من لما تكون لحالها.

وفيه ناس دخّل على القهوة بعض من عود الطيب وفيه ناس دخّل إِشْوية زعفران (الهيل والزعفران ريحته وأكلة طيبة)، والقهوة لما إجت من اليمن إجت معانا لأنه إحنا أصلاً من اليمن من مأرب، لما فاض سد مارب قبل الميلاد ميلاد السيد المسيح هاجرت قبائل الغساسنة إلى مناطق الشام وسكنوا الأردن، وجابت عاداتها وتقاليدها من اليمن ومن ضمنها القهوة، وكانوا لما يشتروها يحطوها بكيس صغير أو خريطة مصنوعه من الصوف إِمْشان ما تعرق القهوة، لأنه مِش اِكويس إذا عرقت القهوة، لانها بِتْرطّب، فهذا الصوف يمتص الرطوبة من الجو إِمْشان ما تدخل على القهوة لأنه القهوة حساسة، وهون وصلنا لعند لدُلال، هلا لدلال والفناجين دخلنْ علينا بصناعة من الصين، وهم بتْغنوا بفنجان



الصين، وهذا الفنجان كان يعني حجم معين قَدْ قبضة الإيد، والقهوة لأنها منبهة لعقل الانسان وإذا يشرب منها إكثير بالليل بِظل صاحي ما بنام، فكانوا ما يُكثروا القهوة، كانو يصبّو القهوة (اسمها صبة قهوة) يعني قليلة جداً، اليوم بشوف صبايا وشباب (يِفَلِلو) الفنجان كامل، كأنهم يشربوا عصير، وهذا لا يجوز وكثرتها خطر على الإنسان، وقليل منها يكفي الإنسان، وهلا في عادات أكتسبتْ على مر الزمن لا يجوز وكثرتها ولمين تتقدم القهوة، وفيه عادات وتقاليد وكرامة، وفيه ناس ما بِقدروا يجاوزوا هاي العادات بِشُرب القهوة وإذا تجاوزوا هاي العادات يعتبر شخص مِش سَوي أو بِفْهَمش، فَحطُوا شروط على مر الزمن للقهوة مين يحمسها ومين يُصبها وكيف تِنْصب ومن وين تِنْصب من الشمال لليمين أو كبير القعْدة أو لما يبجي ضيف جديد تتجدد القهوة من أول وجديد، لأنهم ما بِشربوا من القهوة ما تنفس القهوة مباشره للضيف، بِنْصب فنجان إلك بِتشربوا، والضيف يتفرج عليك، بعدين بِنْصُب القهوة للضيف، وهذا مِشْ أنانية، هذا إمْشان يقول للضيف إنه قهوتي اللّي بِدّي أقدمها مضمونة مِشْ مسمومة، وأنا بَشرب منها قبلك، لأنه كانوا زمان ما حَدْ يعرف حَدا، فَمْشان أطمْنك يا ضيف أنت من علي، وممنوع أسالك عن اسمك إذا أجيتْ علي، وممنوع أسالك عن حاجتك، أنت بِتكون معزز مكرم، وِمْشان أطمنك أنا ما بِدّي أغدر فيك، بَذوق علي، وممنوع أسالك عن حاجتك، أنت بِتكون معزز مكرم، ومْشان أطمنك أنا ما بِدّي أغدر فيك، بَذوق الفنجان بالأول وبَشرب الفنجان قِدًامك بعدين بَطمنك.

خلينا اِنْكمّل عادات القهوة كيف الناس استخدمت هاي العادات عَشان اِتْفك مشاكلها، يعني زمان القهوة قدموها تقريباً بحياة البدوي والعربي لدرجة إنه إذا تقدمت القهوة وما رضي يِشرب عار على صاحب البيت، فيَترجاه يِشرب قهوته ويطلب اللّي بِدّه إياه عَشان هيك لَهَلاّ بالعرس بِروح بِحطُّوا الفنجان قِدام الجاهة أو كبير الجاهة، وما بِرضي يشرب القهوة إلا لما يطلب، لأنه إذا ما أعطيتني طلبي ما بِدّي اشرب قهوتك، وهذا عار بحق صاحب البيت لأنه الضيف رفض يشرب قهوته، هذه القهوة يسموها البدو فكاكة النشب وفكاكة الحروب والمشاكل، فتخيّل قدّيش مهمة بحياة العربي والبدوي، وهلاّ الضيف إن فات قعد عند معزب فهو اسير وأذا قام شاعر، يعني شُو ما قدمتْلُه حسب إمكانياتك، بِدّو يُوكل، وإذا قام شاعر، لأنه ما كان في إعلام زمان، كان الضيف يقول أنا على قهوة فلان، يعني أنا زرت فلان زمان وما قصّر، وهذا رجل كريم، فكانوا يتفاخرون لما يفوت الضيف، فالضيف إله عادة بالبيت لما القهوة بِدْها تِنصبْلُه، بِنصبْلُه أول فنجان وبِشرب بعد المعزب وبِنْصبلُه ثاني فنجان وثالث فنجان ويشرب، في أصول لشرب القهوة، لأنه العرب بِيقولو إحنا أهل اليمين وليس أهل اليسار حتى عندنا بالكتاب المقدس إغوانا بالإسلام، بقولوا اللهم اجعلنا من أهل اليمين وليس من أهل اليسار حتى عندنا بالكتاب المقدس بيقولوا: الخِراف على يمينه والجِداء على يساره لأنه دائماً نقول «وجلس عن يمينه الأب» لأن اليمين عند الشرقيين هو مركز العضلة، ودايماً بإيدك اليمين بتقدم القهوة مش بالشمال.

بهاى المعلومة تم الجمع بين الدين والعادات يعنى مِشْ بالساهل الناس بتْفرقها، فبعد ما وصلو أجاويد





الله أول فنجان بِصبّوا للضيف هذا حق اله وإذا ما هز الفنجان من أول مرة معناته فارس، إذا شرب أول فنجان وهزّه معناته اكتفى بالضيافة، وإذا شرب الثاني وما هزّه معناته الضيف كريم، وسموهن فنجان الضيف والسيف والكيف، وفنجان الضيف حق مكسب للضيف، وفنجان السيف إنه فارس وخيّال، وفنجان الكيف يعني إنه شيخ (متعود على القهوة)، وما بِصير انو يشرب الرابع بصير قلالة حيا، بَسْ ثلاث وبعد الثالث ما إله.

هاي جزئية من الموضوع، والقهوة من يوم ما وجدت بالعالم العربي خاصة منطقه اليمن والجزيرة العربية وانتقلت إلى بلاد الشام وصارت تنصنع بالعالم كله بتركيا وغيرها ما انقطعت نهائياً عن العرب، فمن جيل لجيل موجودة القهوة.

فالبدوي اللّي عايش في الصحراء ما غَير عليها إشي إلاّ الأدوات كان يجيب الدلال أو المحماسة من الشام أو من مصر، وهلاّ في تيرموسات للقهوة، كان زمان ما فيه عَشان تظل القهوة ساخنة، وبعدين بطلت الناس يدقوا المهباش، الناس اللّي تغيرت مِشْ القهوة، صارت ثقافتنا بالأردن وصار بالعالم نسكافية وكابتشينو وأسماء مختلفة للقهوة والأتراك أضافوا عليها سكر وصاروا يسموها القهوة التركية، فصارت الناس تتفنن بشرب القهوة، وهلاّ الإمكانيات اختلفت يعني زمان القهوة كانت شحيحة ما يصبوا الحثير، والقهوة رمز للضيافة مِش للشبع، بعدين مِشْ كل واحد يشرب ثلاث فناجين لازم يكون فارس وشيخ تَشرب الثالث وهزة الفنجان تعني (كثر الله خيرك)، وهزته معناتها شكراً ومِشْ قصة حاب أتفنن بفنجان القهوة، كل العالم برغبوها، انحكى شعر عن القهوة وكيف طريقة تحميس القهوة في قصيدة بقول (حماس يحمسها وحمسه على أفن وتعصيكي بيدك يوم حمست عصاها).

حتى إيد المحماسة إلها استعمالات أخرى بالقضاء العشائري واسمها البشعة (يعني الواحد إذا عامل عَمْلِه وأجى قدام القاضي وشاكين بأمره إنه عاملها بقولوا يا ولد البشعة تبين).

البشعة: إيد المحماسة يحمّيها على النار تاتْصير حمرا وبقولوا مِدْ لسانك وبِلذعوا على لسانه، هاي اسمها البشعة واستخدمت هاي الطريقة بالقضاء العشائري لغاية الستينيات.

هلاً البرازيل صارت أهم من اليمن وتقدموا عنهم فيها، وشرق أسيا كمان بزرعوا قهوة وإفريقيا وصارت تجارة القهوة مهمة بالعالم كله ما عليها خوف، وصار في خوف على باقي المواد الغذائية أكثر من القهوة.

حوار باللهجة المحلية مع الأستاذ جميل مضاعين

المنسف الأركني



الفنان التشكيلي جمال صويص جمعية بيت التراث والفنون

المنسف

لكل بلد نمط سلوكي يعرف به، فالتحية الهندية والطاجن المغربي واللباس الشركسي وغيرها بطاقات تعريف تَسِمُ ممارسيها بميسم خاص، ويأتي المنسف الأردني في هذا السياق هويةً سلوكية تقدم الأردني تقديماً حسناً.

ماذا عن كلمة المنسف؟

أُعيدت هذه الكلمة إلى ثلاثة آراء:

الأول: الوعاء الذي يوضع فيه الطعام الخاص بالمنسف.

الثاني: طريقة تناول هذا الطعام من الوعاء.

الثالث: طريقة وضع هذا الطعام في الوعاء ويكون في العادة على شكل (عُرمة الحَب).

ومع وجاهة الآراء الثلاثة فأنني أميل إلى الرأي الأول فهو الأجدر بحمل كل تفاصيل هذا الطعام ومكوناته، وهو عبارة عن صحن دائري كبير له كرسي وثلاث حلقات، وكان يُصنع من النحاس، وينبغي أن يتسع لدائرة الآكلين الذين يصل عددهم إلى ثلاثة عشر فردًا، وعند إجراء الحسابات يكون قطر المنسف مترًا واحدًا.

تسمى الدائرة حول المنسف (طارة)، وحينما نشاهد طريقة الأكل وتفاصيلها الدقيقة نصل إلى نتيجة مهمة هي: أن هذا طعام ليس أكلاً وحسب وإنما هو طريقة مثالية للتعبير عن الكرم، يقابلها المُكَرَّم بسلوك حضاري مهم أثناء الأكل، فعليه أن يأكل بثلاثة أصابع من يده اليمنى في حين يضع يده اليسرى على ظهره، ولا يكثر من التلحيس والتلّمط، ويأكل بسرعة حتى يُخْلي ساحة المنسف للطارة الثانية، وعدد أفرادها أيضًا ثلاثة عشر شخصًا، والطارة الثالثة مثلها.. الخ.

تَبرزُ حضاريةُ المجتمع الأردني من خلال طبيعة الاصطفاف حول المنسف وكأنهم في مهمة عسكرية، إذ يجب أن يكون الجالسون حوله قد تموضعوا على (ركبة ونصف (ومُواركًا) أي أن يجلس الآكلون متلاصقين بأوراكهم)، وأن يأكل الواحد مما يليه، وأن يُصب الشراب على (الموأكل) أي على المكان الذي يأكل منه الشخص حتى لا يتأثر بقية الطعام.





مكونات المنسف:

- الشراك الذى يُبسط في قاع المنسف وهو خبز رقيق يُخبز على الصاج.
 - العيش وهو جريش القمح، ويطبخ بالماء حتى ينضج.
- اللحم المطبوخ بالماء أولاً وبعد اقترابه من النضج يُضاف له مريس الجميد، ويُفضّل لحم الضأن الصغير، وبخاصة للضيف الكبير وصاحب القدر الجليل.
 - يُوضع رأس الذبيحة بوسط اللحم على المنسف.
- تُوضع مطايب الذبيحة وهي الكبدة والكلى والطحال على الرأس، إكراماً وتقديراً وإشعاراً للضيف بأن ذبيحته بكاملها أمامه، وهي ليست من اللحم البيّات أو من اللحم المشكوك به.
- أما الجميد وهو الإقط في التراث العربي أو الزعاميط في تراثنا الشعبي، فيُجبل من الجبجب ويُنشّف على سطوح بيوت الشعر أو الصخور المجاورة لهذه البيوت أو في أماكن مُعدّة لذلك، وبعد حين دخلت الآلات الحديثة على تصنيع الجميد، ويُحول الجميد إلى سائل ويطبخ به اللحم بعد أن يُنضج بالماء قليلاً، ويسمى مزيج هذا الماء مع سائل الجميد بالشراب أو المريس أو الملحمة أو الموقة أو الحساء.

حديثاً استبدل سِّدر المنسف المصنوع من معدن الألمنيوم بصحن النحاس، كما استبدل الأرز بالعيش، والدجاج بلحم الضأن، والجميد المصنّع من مكونات عديدة بالجميد الكركي المعروف، وأُضيف إلى المنسف الصنوبر أو الفستق أو اللوز، والبقدونس.

أصول المنسف:

يرجع المنسف في جذوره إلى حِقب تاريخية قديمة إلى ما قبل الإسلام.

وصورت سورة المائدة في القرآن الكريم منظر الحواريين مع السيد المسيح عليه السلام وعددهم ثلاثة عشر على هيئة المنسف الذي مرّ توصيفه قبل قليل، وجاء في المصادر التاريخية النبطية أن الملك النبطي يُقري ضيوفه الـ ثلاثة عشر ويقوم على خدمتهم كما نفعل اليوم في طعام المنسف، ويجلسون طارات طارات وكل طارة بالعدد نفسه.

وأذهب إلى أن المنسف من ابتكارات الأردن من قديم الزمان ولا يمكن الابتعاد كثيراً به فهو أحد خصوصيات هذا البلد، وهو متصل حضارياً ووجدانياً بالمائدة الأردنية.





آداب المنسف:

- أن يجلس الأشخاص حول المنسف مُواركين.
- أن يأكل مما يليه، وان لا يمد يده إلى مواكل الآخرين.
- أن يأكل الضيف بثلاثة أصابع من يده اليمنى ولا تمس أصابعه شفتيه ولا يعلق بها شيء من لعابه حتى لا يتلوث الطعام.
 - أن لا يُعطى اللسان إلاّ للشاعر بين الآكلين.
 - أن يُشارك أحد المعازيب الآكلين في طعامهم لطمأنتهم بأن الأكل لا يثير الشك.
 - أن يأكل الشخص بسرعة كُلْ بسرعة وقُومْ بسرعة، كُلْ أكل الضباع وقُومْ قُومة السّباع.
- أن لا يلحس الضيف أصابعه التي أكل بها بعد كل لقمة، ولا يفعل ذلك إلا بعد الانتهاء من الأكل.

ومن المعروف أن المنسف الذي أُعد من لحم الضان هو للضيف المعتبر، ولحم الجدي لمن هو دون ذلك، ولحم الدجاج للأقل مستوى، كما أن المناسف البيتية في هذا الزمان تقوم على لحم الدجاج لمواجهة الأعباء المعيشية الصعبة.

والمنسف هو تعبير عن الكرم، وفيه تكمن خصوصية محمودة للمجتمع الأردني إن لم يُبالغ فيه، وهو شكل من أشكال الاجتماعات العائلية والعشائرية.

الأستاذ نايف النوايسة

الطبكات النراثية الأردنية

المنسف

المنسف من الأكلات الأردنية المشهورة، ومعروف عند جميع العرب إنه الأردنيين هم أهل المنسف. ومِنْقدمها للضيف تعبيرًا عن الاحترام والتقدير والاكرام.

المكونات:

لبن جميد بلدي بتسوى من حليب الغنم البيضاء، لحمه بلدية، خبز أسود أو رز أبيض، سمنة بلدية.

المعدات:

طناجر كبيرة أو قدر، سدور، مصافى.

طريقة الطبخ:

بِنْجِيبِ اللحمة البلدية مِنْغسلها إكُويس من الدم إمْشان ما يحل على الجميد، ومِنْحُطها في الطنجرة إمشان تنسلق إكُويس، وبِنْحط عليها ورق غار، بَعدين مِنْكون إمجهزين لبن الجميد ممروس وجاهز، وبِنْديره فوق اللحمة وبِنْخليه يِغلي معها، عَشان يُلوخ ويِسْتوي ويطلع طعمه، في العادة ما بِنْحُط ملح لأنه اللبن مالح، مِنْد إنْضيف لبن حسب الحاجة، أهم شَي ما يكون خفيف، ومِنْجهز خبز من طحين بلدي قمح وبِنُخبزه في الفرن ونْفِتُه في جاط أو سدر، مِنْصفي اللبن وبِنْديره على الخبز المفتوت، ومِنْحركه حتى يُلوخ مع بعض، ومِنْجيب اللحمة ومِنْحطها فوقه، وهِيك بِكون جاهز للأكل.

مُمكن إنْساوي المنسف من الرز بدل فتة خبز القمح الأسود بنحطه في طنجرة، طبعًا بِكون منقوع ومِنْصفّيه وبِنْحط عليه أحيانا ميّة اللحمة، وأحياناً ميّة عادية، وهِيك بِكون جاهز للأكل، ويقدم في المناسبات والأفراح والعزايم (الأعراس، والعزاء، والجاهات).









هو أكله تراثية قديمة بعملوها في الأعراس والعزاء.

المكونات:

جميد، لحم غنم، برغل خشن، مردقوش، كركم، بصل، بهارات مشكلة، فلفل أسود، ملح، مَيْ.

طريقة الطبخ:

بِنُمرُس الجميد وبِنْحُط هَاللحم والبصل والمَرْدقوش والكركم والبهارات المشكلة والفلفل الأسود، وبِنْحليه يِغلي حتى تِسْتوي اللحمة، بَعدين مِنْجيب البرغل وبِنْحطه في طنجرة وبِنْحطه بِسِدر فاترة وبِنْحُط عليه ملح، وبِنِتْركها حتى تِسْتوي، وبِنْبَلش نِدْعَك فيه بالمعلقة، بَعدين بِنْحطه بِسِدر وبِنْزِيْنه باللحمة وأقراص الكِّبة، وكَّبة معمولة على شكل إهْلالات، وكِّبة عادية طبعًا الكِّبة بِعملوها من البرغل الناعم المنقوع مع بصل ومَرْدقوش ونعنع ناشف، وتِنْدَعك إمْنيح مع إشْويّة ملح لتتماسك، وبِعْملوها على شكل أقراص كبيرة وبِحْشوها لحمة مفرومة وجوز وصنوبر، بعدين بِقفْروا (بِسْقوا) عليها بالسمنة البلدية، طبعًا بِنعْمل بسِدِر نحاس والسِدِر بِشيلوه شخصين أو أربعة أشخاص حسب الحلقات الموجودة على السدر.





الفْويرَة أو فتّة الشراك

المكونات:

جميد بلدي (المريس) خبز اشراك وسمن بلدي وحواجة وكركم حسب الطلب ولوز وصنوبر.

طريقة الطبخ:

بَمرس الجميد زي شراب المنسف، بَخليه على نار حامية وبَحُط عليه الحُواجة والكركم، لما يِغلي أو يسخن بَطَفّى النار تحته وبَحُطه على جنب.

بَجيب خبز الشراك بَفِتّه قطع إزْغيرة وبَحُطه بصينية وبَشرْبه بالشراب لحد الشراك يِتشرّب اِمْليح، بَخليه اِشْوي ينقع بالشراب، وبَحط جنبه جاط بيه شراب للي بحب يزيد اِشْويّة شراب، بَحب نُوكل العيلة كلها مع بعض أحسن بصير الأكل أبرك وبيه إلفة أكثر بين أفراد العيلة.

الشَّاكْريَّة الأردنية

المكونات:

اللحمة البلدية، والجميد، والسمن البلدي، والبرغل، والحواجة والكركم، وبصل، واللوز، والصنوير، حسب الطلب.

طريقة الطبخ:

بسلق اللحمة مثل طريقة المنسف وبَصفي الميه عنها وبغسلها وبَحط مية اللحمة على جنب، وبفرم البصل فرمة ناعمة، وبَجيب طنجرة ثانية وبحط إبْقاعها إشْوية سمن بلدي وبَقلي بيها البصل لما تتذيل ويصير لونها ذهبي، وبعدها بدير اللحمات عليها وبَقلّب بيها بمعلقة، وبَظل أقلب لما تتقلّى اللحمة وبَرُش عليها الحواجة والكركم على بين ما يتحمرن، وبعدها بدير البرغل على اللحمة وبَقلّب اللحمة والبرغل مع بعض على بين ما يتْخلّطن مع بعض إمْليح، وبعدها بدير المريسة وبخليها على نار حامية لحد ما تُبلّش تغلي وبوطي النار إشْوية وبَخليها تستوي على مهلها لما يعقد الشراب مع البرغل، وبديرها بصنية أو صحفية الفخار بتتاكل بالمعلقة، وبيه ناس بحط عليها لوز وصنوبر حسب الطلب وكانوا زمان بفضلوا الأدوات الفخارية لأكلة الشاكرية مثال الطهطوش.





الرَّشُوف

المكونات:

عدس، رز، مريس الجميد، كركم، حواجة السمن، سمن بلدي.

طريقة الطبخ:

عدس إبْنِغليه أوْ تَيسْتوي الرز بِنْحُط المَريس وِبِنْحط ملحة وكركم إحْواجِة وسمن بلدي، وَبْتِسكب الرَّشوف، وَمُمْكن يِتْأَكل شُرُب أو فَتْ خبز معه أو إغْماس، كُلْ حَدا حسب رغبته هو من الأكلات الشعبية التراثية اللّي كانوا الناس بياكْلوها في فصل الشتاء عَشان فيها عناصر غنية للجسم.

وِبيه مَثلُ مرتبطِ بالرَّشوف بِيقول: (يا مَحْلى قِدْر الرَّشوف كل ما بَرَد نِهْجم عليه)، ووقت الحصيدة يُقعدوا يغنوا بيها.


من أول هاي الأكْلة على زمان إجدودنا وهي أكلة عادية مِشْ للمناسبات.

هي أكْلة أردنية ومنتشرة بالأردن كلها وما اختلفت طريقة طبخها عن زمان أول لهذا الوقت اللّي أحنا فيه، وِكانت تنْطبخ بطنجرة أو فخار وتِتْأكل بمعالق عادية، وكان يِنْطبخ على الحطب، مثلاً بِفوتْ عليك ضيف إذا ما عندك إشى ينْطبخ، إبْتطْبخها.

الرَّشوف كَمان بِنْطبخ إذا فيه مريس زيادة من المنسف عَشان المريسة ما تِنْكب، وهي أكلة فلاحية كانوا البدو يعملوا جَريشة، يعني يطحنوا قمح وَيِحُطوا معها قمح وبنفس الطريقة يِطبخوها في بعض المناطق بالاردن بضيفولها حمص وبسموها بالكرك شوربة حامضة.



الرَّشُوف



الرشوف شوربة تراثية قديمة معروفة في وادي موسى والطفيلة من زمان. وتحضر من مواد بلدية مثل جريشة القمح البلدي والعدس واللبن أو الجميد.

المكونات:

جريش القمح، عدس، سمن بلدي. بصل. لبن أو جميد.

طريقة الطبخ:

اِمْنِنْقع الجريشة في الماء وبِنُسلق العدس لِيِسْتوي زين، بعدين مِنْسيّح السمنة في حلّة على النار لقلي البصل فيه ونْعود لَنْصفّي العدس وبِنْحطه على البصل بالجريشة وبِنْحط فوقهم اللبن أو الجميد وبِنْدشّرهم على النار لَيسْتوا، كان زمان اِنْحط اللبن الجميد المروس، وألْحين تجاري، عُودَان بِنْحط السمنة البلدية في قلاية أوحلّة ولما بدو بنْحط فوقها البصل بعد مَنْقطعُه، ومِنْدَشْره لما يخمر.



البَلاوَة

أعتبرها أكلة صحية معروفة عندنا من زمان، ورثناها عن آبائنا وأجدادنا ومشهورة في المناطق الريفية الجنوبية مثل الشوبك وادي موسى والطفيلة اللى بنْزرع فيها القمح.

المكونات:

قمح، لبن مريس، زيت زيتون، أو سمن بلدي.

طريقة الطبخ:

بِنْجِيبِ القمح ونُجِرشُه على الرْحاة، بِنْبثه من البيثة اللّي فيه اللّي هي قشرة القمح، وبعدين مِنْخليه في المنخل، وبعدين نَضعه في الماء الحامية، تغلي لمدة نصف ساعة، بعدين بِنْجيب القدر ونْحُط فيه مياه ساخنة، بعدين نُمرس الشّعاجيل ومِنْصفّيه في خَشانُه من أثر اللبن وبِنْصُب اللبن على الماء اللّي البتغلي في القدر، وبعدين مِنْحرْكه مع بعض لما يغلي الماء واللبن، وبعدين بِنْحُط الجريشة عليها، وبِنْظل اِنْحرك فيها لَمِنْها تِتْشرّب كل اللبن والماء وتْصير طرية اِشْوي زَي الرز، وبعدين اِنْزلْها عن النار ومِنْخليها تُبرد وبِنعْمل عليها ميجار وبِنْحط فيها زيت أو سمنة بلدية، وتِتّاكل في الأيدي.

كانت تِنْطبخ على الحطب، والْحين على الغاز، تِتْقدم في الأعراس وعزائم الحصادين وفي المناسبات مثل رمضان ولمّة الأسرة.



المُجدِّرة الحمراء بالبرغل (الرز والفريكة)

المكونات:

العدس حب بلدي إن أمكن، والبرغل، وزيت الزيتون، وكمية من البصل، وملح.

طريقة الطبخ:

بجيب هل العدسات بنقيهن وبغسلهن، بكون حاط مي بالطنجرة وعليها إشوية ملح بمليها أكثر من نصها وبحطها على النار لما تغلى بسقط عليها العدسات، وبتْظل تغلي المي والعدسات على بين ما يستوين وبَحط عليهن رشة بهارات، وبعدها بجيب البصل وبفرمه نص دائرة أو على شكل هلال وبقليه بالمقلاية بزيت الزيتون، وبِظل أقلي بيه لما يصير لونه بني غامق محروق، وبعدين بَصفّي الزيت عن البصل، وبديره على العدسات وبِظل البصل بالمقلاية وبحط عليه كاستين ميّة، وبرجع بَحطّها على الغاز حتى تغلي المي مع البصل ويصير لون المي بني، وبصفّي البصلات من الميّ وبَحط الميّ على العدسات على شان يصير لون المجدرة بني أو أحمر، برجع بفرك البصل المحروق مع البرغلات فرك إمليح، وبرد بَسقّط البرغلات على العدسات مع البرغلات وبَزيد كمية المي على شان تغلي العدسات مع البرغلات ويستوين إمليح، وبرش كمان شوية إبهارات، ممكن أحط عليهن دبس البندورة حتى يصير لونه أحمر غامق، بنفس الطريقة بنعمل مجدرة الرز أو الفريكة بدون البصل المحروق، وبعدها بَتْتقدم المجدرة في صحن لكل واحد، ممكن نحط جنبها سلطة الحراثين أو لبن رايب أو لبن مخيض ومخللات وزيتون.





الفَتيتْ

طعام معروف عند البدو وكثير كانوا يعملونه زمان ويسمونه فتيت أو هفيت لأنه يُفت الخبز، ويُهفت بالرشوف.

المكونات:

جريش القمح، بصل، لبن، ملح، فلفل أسود، بهارات، حمص حب أو عدس (حسب الاختيار)، خبز شراك، سمن بلدي أو زيت زيتون.

طريقة الطبخ:

يطبخ رشوف الجريشة، جريشة القمح بسمن وبصل وميه ويوم يقرب يستوي بحط عليه اللبن والحوايج ملح وفلفل وبهارات لما بستوي فيه ناس بحطو معه حمص حب أو عدس.

نفِت خبز الشراك بصحن أو صينية ونشرب عليه الرشوف لما يتشرب الخبز وبعده نقدمه بسمن ونقدمه للضيوف أو لأهل البيت.

فيه ناس يحط بدل السمن زيت زيتون وبعضهم بالربيع وقت الحليب بحط بدال السمن زبدة بلدية.



ٳڶؠ۠ۺٙۅٞٙڟٙ

من أول ما وَعينا على الدنيا وهِيْ موجودة هَالطبخة، كانت أمي بِتْسوّيها وكان بِيه طَهاطيش (فخار) وهاي طنجرة.

المكونات:

عدس أو برغل أو جريشة، سمن بلدي، بندورة أو مريس اللبن، ملح.

طريقة الطبخ:

بِتْجيب المَيّة وَبِنْحُط عدس بالطنجرة تَيغْلي مزبوط، بعدين في ناس بِطْبخها على برغل أو جَريشة وبِتْساوي إمْجدّرة، وعُقُب ما يِسْتوي ويُخلص إذا بِدّك إتْساويلها صَلصة، بي ناس بِعمل على بندورة، أو مريسة، والمريسة أزكى، ومع سمن بطلع أزكى، وطبعًا بتْتملّح، وبتْطلع أزكى أكلة.

بالنسبة للصَّلصة تِتْحمّر مزبوط أوْ بتْحُط عليه معلقة سمن بلدي.

والمشوط بِتْتسمى أكلة الفقير لأنه الناس كلها كانت فقيرة.

كانوا يستخدموا طهاطيش وقطعة زَي المِصفاية بطناجر كبيرة، والطهاطيش أحسن من طناجر التيفال. وهَسًا الناس ما بستخدموها لأنها بتُغلب.

المْجَلِّية أو (المْجَلَلة) المْعانيَة

هي أكلة شعبية تراثية معانية، أخذناها عن آبائنا وأجدادنا من زمان (قديمة)، وهي أكلة شعبية في معان، كنا نقدمها في الأعراس والمناسبات وذلك لتوفر المكونات، وتكاليفها رخيصة.

المكونات:

خبز قمح، سمنة بلدية أو زيت زيتون، بصل، ملح، مريس اللبن أو عصير البندورة.

طريقة الطبخ:

اِبْنِعجن طحين القمح وبِنْوزعه لَقِطع (أرغفة) خميلة وبِنُخبزها بسرعة بدون إضافة خميرة عليها. ثم نَمرس اللبن الجميد بالإيد، ولِحين يِصير سائل بِنْصفّيه وما منحطه على النار، وإذا كانت المُجَلّية بالبندورة، اِنّقي البندورة المِسْتوية ونْقَطعها وبِنْحُط عليها البصل المفروم والَميّه وتُطبخ على النار لمدة ساعة.

نَدق الخبز بواسطة قطعة حديد ثقيلة عَشان نِتْخلص من الزوائد الناشفة في الخبز اللّي حرّقتْها النار، وبَعدين بنْقطعها إلى قطع صغيرة.

بِنْحُط الخبز في مَريس اللبن أو سائل البندورة وبِنُتْركها لمدة ربع ساعة، عَشان يِتْشرّب الخبز السائل، وبَعدين بِنْقلّب الخبز واللبن أو البندوره لمدة ربع ساعة عَشان نِتْأكد من الخليط إنّو صار قابل لتناوله بشكل سلس.

بَعْدين اِبْنِفرد الخليط بشكل مِسْتوي وبْنِعمل حُفرة في الوسط (تجويف) بقطر ٢٥سم وبِنْحُط السمنة البلدية الذايبة في الحفرة.

بِنْقلّي البصل لَحين يِذبل ويِصير لونه ذهبي غير محروق وبِنْوزعه على سطح المُجَلّية لَحين يِغطيه بشكل كامل. تؤكل باليد.

سميت بهذا الاسم لأنه لما تُجلل المُجلّية بالبصل المفروم المحمر بالسمن البلدي، وتُقدم في الأعراس والمناسبات والأعياد والعونة، وهي عندما يقوم أحد سكان الحي بإنشاء بيت جديد، وكان السكان يهبون لمساعدته. وكان صاحب البناء يقدم لهم المجلية.



الكعاكيل

طبق من اشهر الأطباق المعروفة بمناطق الشمال وأهم ما فيه أنه مكوناته بسيطة وغير مكلفة ومتوفرة تقريبا بكل بيت.

من أهم مكوناته عشبة الدنيبلة وعشبة (الجعدة) بيلقطوها من الأحراث والجبال بوقت الربيع وبينشفوها ويخزنوها خصيصا لعمل الكعاكيل ولعلاج المغص.

المكونات:

بيض، طحين، بصل مفروم ناعم، عشبة الدنيبلة وعشبة (الجعدة)، ملح، كركم، فلفل أسود، لبن مخيض.

طريقة الطبخ:

بنفقس البيض وبنحط عليه البصل المفروم ناعم والجعدة وبنخلطهن وبنرش فوقهن ملح وفلفل أسود ورشة ورس (كركم) وبنصير ننزل الطحين أول بأول لحتى يشتد الخليط وتصير ماسكه بنكون سخنا لبن الشنينة عالغاز وبس يغلي نبلش نضيف الخليط قدر كرة صغيرة وبصير حبات جوات اللبن وهيك لما نخلص كل العجينة ونتركهن يغلن على نار هادية ربع ساعة وبس يستوي بنقدمهن مع الجرجير وفجل وصل أخضر.

ملاحظة: قبل استعمال الجعدة بالخليط لازم ننقعها بمية ساخنة عشان يروح المرار منها.



الفَطيرة الكَرَكية

المكونات:

الخُبز العَويص والسمن البلدي والبصل مفروم مقلّى بالسّمن، الجَاج أو اللحمة، لمن مريس.

طريقة الطبخ:

بِنْفِت الخُبز العويص خصوصي للفطيرة بالسدر وبكون الجميد على الغاز بِعلّي بِندّير الخبز المَفتوت على شراب الجميد وبِنْرد نديره على السدر ونفرده على شراب الجميد وبِنْرد نديره على السدر ونفرده على كل السدر وبنعمل حفرة بالنص وبنحط بيها السمنة البلدية ونشرّب على داير السدر السمنة البلدية وبنحط البصل المقلي على وِجة الفطيرة بنخلي شوية شراب لحاله بجاط على جَنْب للي بحب يزيد شراب ممكن اضافة الجاج أو اللحمة واللوز والصنوبر حسب الرغبة على الفَطيرة وتتاكل بالإيد وهي اكلة شتوية لانها دِسْمَة وبتنعّمل لما تجتمع العيلة والمناسبات الاجتماعية.





الرْقَاقَة أو ألمَكْمُورة

المكونات: جاج، زيت زيتون، بصل، ملح، فلفل أسود، كمون، طحين قمح. كركم (ورس)، طحين أبيض، حبة البركة، سمسم.

طريقة الطبخ: نغسل الدجاج (مُمْكن دجاجة ونُصْ لصينية متوسطة وَنُقطُّعه لقطع صغيره ونتركه على جَنب، وَنضع طنجرة على الغاز وَنْحُط فيها زيت أصلي (زيت زيتون)، وَبِنْحُط البصل المفروم عليها مع رشَّةْ ملح وفلفل ووَرْس وَشْويّة كمون وَبنْقَلبْها اِشْوي، بعد هيكْ بنْضيف الجاج وَبنغطّيه ونِتركُه يستوى نُصْ استواء). بنرْجع نجيب طُنجرة وَنْحُطْها عَالغاز وفيها اِشْويّة زيت أصلي، وكمية كبيرة من البصل (عشر روس بصل كبار)، هُونْ البصل هو يلَّى بجيب طعم الرْقَاقة، البصل هُونْ بنفُرُمه فَرْم وَسطْ لا ناعم ولا خشن، وَنُرُش عليه ملح وفلفل ووَرْص وماجى اختياري ونخليه تَايذبل. في مِعْجن بنْحُط طحين أبيض مع طحين قمح ثلثين بثلث (طحين قمح وهو بيعْطى طعْم أطيب لصينية الرُقَاقة، وِنْرش على الطحين قِزْحة وسُمسُم، وفيه ناس ما بتْحِب تُحُط قِزحة وسمسم اِمْشان تِرق العجينة بسهولة)، بَسْ القِزْحة والسمسم بتْضيف طعم أطيب، وَبنْرُش على الطحين اِشْويّة ملح ونْبَلّش نِعجن بماء فاترة اِشْوِيّه اِشْوِيّه لَحَتّى ما يتماسك الطحين، وَبنْضل نِضيف مَيْ اِشْوِي اِشْوِي لَحَتّى العجينة اِتْبُطّل إِتْلزق بِالمِعْجِنِ، هاى العَجْنة عويصة لأنها بدون خميرة، بعد هيكْ مِنْقرِّس العجينة ومُنكَّوِّن القُرْصات وبْندْهن وَجهه بالزيت الأصلى وَبنتْرِكْهن يرْتاحن اِشويّه، وقت كل ما ارْتاحت العجينة أكثر بنقْدر نِرقْها براحتْها، هونْ عدد القُرْصات متروك للِّي اِبْتعْملها، يعني مُمْكن أعمل ١٢ قُرْصة أو ١٥ أو مُمكن أكثر حسب ما بتْحبوها أو حسب عمق (ارتفاع الصينية). بنْرُق أول قُرْصة وَبنْخليها سميكة اِشْوى لأنها بدْها تكون عَ الوجه لما نِقلب صينية الرقاقة، وَبنجيب الصينية يَلِّي بدْنا أُنْحُط الرّْقاقَة، فيها وَبندْهنْها زيت مع جوانبها ويفضل اِتْكون ارتفاعها عالى، وَبنْحُط فيها أول قُرْصة رَقّيناها وَبنْوّزع عليها اِشوَيّة زيت وبصل من يَلَّى حُسْناه مع بعضه، بعد هيكْ بتْرق القُرْصة الثانية وبتْكون أرَقْ من الأولى وَبنْحُطها فوق الرَّقاقة الأولى بالصينية مع شَدْ جوانب الرقاقة الدائرية، وترتيبها على شكل طبقة تغطى الرقاقة الأولى وَتُوزِعْ عليها خليط الجاج مع البصل مع توزيعه بالتساوى على الرقاقة إمْشان يكون الجاج إِمْقَسّم على منطقة العجين، وَبنْضَل اِنْكرر الخطوات لَحَتّى اِنْخلّص القُرْصات كلهن، وِنْخلّص كمية اللحم والبصل يَلّى عملناه، وَبنضْغط عليها بأيدينا اِمْشان نِتْأَكد أنها بتْمِد عَ قَد الصينية وتْغطى الجوانب.

بِنْحمِّي الفرن قبلْ بِوَقت، وَبِنْعطِّي الصينية بِقصدير، وَبِنْحطُها بالفرن، بعد ما بِقصر لِحرارته وَبِنْترُكها تَايِتْحمَّر جوانبها وقاعها، بِنْشيل القصدير عنها وَبِنْحمِّر الطبقة يَلِّي على وِجهها وَبِنِقْلِبها في سِدِر أو صينية أوسع. ملاحظة: بِصِير نُطْبخ الرْقاقة بِجاج أو بِلَحمة خاروف اِمْقَطِّعة أو جاج مع لحمة مفرومة، لكن اِرْقاقة بجاج هي الأكثر انتشارًا.







عيش اللَّبَنْ

هاي أكلة تراثية قديمة نشأت في أماكن تربية الحلال والأغنام في الجنوب والبادية، كل عيلة عندها غنم وبتزرع قمح بتطبخ هاي الأكلة.

المكونات:

القمح الجريش (القمح المجروش) واللبن المخيض.

من بداية حلب الأغنام وترويب الحليب للبن الرايب وخض اللبن في السعن (الخضاضة) وإنتاج اللبن المخيض والزبدة وبعدها بنقشد الزبدة وبنعمل سمنة بلدية.

طريقة الطبخ:

نوضع القَمِحْ في القدر ومعه لبن المَخيض وبينطبَخ على النار أو الحطب، وبس يستوي القمح بِنسكب في صواني وبِنحط عليه السمن البلدي.







الأرُز الحامض

هي أكله تراثية شعبية تشتهر بها مدينة معان منذ القدم، ولها انتشار واسع، ومتوارثة عن الآباء والأجداد، وجاءت تسمية الأرز الحامض بهذا الاسم لحموضة لبن الجميد، ولا يُطبخ بأي نوع أرز، فهي نتُطبخ بالأرز السعودي (أبو بنت).

المكونات:

أرز خاصة أبو بنت، لبن الجميد، عدس حب، كركم، سمن بلدي، زيت قلي، البصل للزينة، ملح بشكل بسيط.

طريقة الطبخ:

يُنقع الأرز في ماء ساخن ساعة زمن، يُخْلط لبن الجميد بعد مرسه بالأيادي، سَلْق العدس بطنجرة، ثم يُصفى اللبن بمصفاة ناعمة وتُوضع على النار، ويوضع عليه ماء حسب كمية الأرز.

يُغسل الأرز من النشا، ويوضع عليه العدس المسْلوق ويوضع فوق اللبن، ويُخْلط بالأيدي، ويوضع عليهم معلقة كركم وملعقة ملح، ثم يوضع على النار لمدة ثلاث دقائق، وعندما يبدأ بالغليان يُوطّى الغاز على نار هادية إلى أن ينضج أو يَستوي الأرز ثم نضيف السمن البلدي.

نبدأ بتقشير البصل إلى سيور أو شكل هلال، ونضعه على سِدِر ونَرش عليه قليلاً من الملح حتى ينزل ماء البصل منه، ويصبح جاهزاً للقَلي، ثم نضع الزيت بِمقلاة على نار هادئة ونبدأ بِقلي البصل في المصفاة حتى يتصفى من الزيت ثم نبدأ بتجهيز الأرز على سدور جاهزة للتقديم. وتُؤكل بالأيدى أو بالمعلقة.

لا بد من الإشارة إلى معلومة كان قديماً يُستخدم قدر من النحاس لكافة الطبخات، وكان يُطْلى القدر بالطين للتخفيف من التصاق السخام به (السواد الناتج عن الحرق)، كون الطبخ كان على الحطب. معلومة أخرى ٩٠٪ من الطبخات يستخدم لها القشيم (الشحم)، حيث يوضع الشحم على النار حتى يصبح لونه ذهبى ويحفظ في أوانى نحاسية ويستخدم بدلاً من الزيت.





الششْبَرَكْ

أكلة تراثية شعبية معانية قديمة أصلها تركي شيش (لحم) برك (طحين) كنا نطبخها بأيام الشتاء لأنها أكله مالحة وتطبخ بالمناسبات وغير المناسبات.

المكونات:

طحين قمح، بصل، لبن جميد، لحمة مجرومة خشنة، ملح، سمن.

طريقة الطبخ:

أول اشي منعجن الطحين بالمي مع رشة ملح بدون خميرة يعني (عويص) وبنخلي العجينة ترتاح نص ساعة.

بنفرم البصل ناعم ومنقليه مع السمن بالطنجرة وبنزيد فوقها اللحمة المجرومة الخشنة وبنظل نقلب لحين تستوي اللحمة، وبعدين بنرش البهارات والملح والكركم والفلفل الأسود وبنحرك الخلطة شوي، وبعدين بنصفى الخلطة بصفاية ناعمة عشان إنزل الزيت عنها وبنحطها على جنب.

بنجيب العجينة وبنقطعها طابات كبيرة ونبدأ نرقها على الطبق، ونقطعها بفنجان صغير دوائر صغيرة، وبنحشي العجينة بالخليط اللي حضرناه وبنطبق العجينة على بعضها على شكل قطايف أو أذان الشايب.

بنمرس لبن الجميد بعد ما كسرناه ونقعناه بالمي الفاترة وبنصفيه بالمصفاية الناعمة مرتين، وبنضل نحرك فيه على النار لحين يغلي، ونجيب الششبرك وبنسقطه حبة حبة باللبن المغلي عبين ما يستوي حوالي ساعة وبعدين بنديره بالسدر وبنوكل باليد.

ملاحظة: هذه الأيام صارت الناس تشويه بالفرن أو يقلوه بزيت القلي.







العيْشْ

أكلة شعبية كانت منتشرة على نطاق واسع في منطقة الأغوار الجنوبية خصوصًا في المناسبات العامة مثل الأفراح (وجبة غداء العرس)، أو وجبة عادية في المنزل، وما زال البعض يقدمونها في مناسباتهم الاجتماعية، ولها اسم مميز وهو العيش وهو الاسم الدارج والوحيد لها.

المكونات:

الجريشة (جريشة القمح)، اللحم، البهارات، اللبن البلدي، خبز الشراك.

طريقة الطبخ:

نِنقع الجريش لخمس ساعات أو طول الليل نطبخه الصبح بطريقة السلق المعروفة، وبِنضِفله الزيت البلدي أو السمن البلدي والملح والبهارات المخصصة لمثل هذا النوع من الطعام، بدل الرُز. نطبخ اللحم مع اللبن بنفس طريقة المنسف المعروف.

توضع الجريشة بعد ما تستوي في (السدر أو الصحن الكبير)ونضع خبز الشراك فوقها، ونضيف اللحم فوق خبز الشراك، ونسكب اللبن المغلي مع اللحم (الشراب أو المرقة كما يسمى) ويقدم للضيوف مثل المنسف تمامًا.

يتم تقديم هذه الأكلة الشعبية بشكل واسع في مناسبات الأفراح، أو تكون بشكل مستقل، إنما تقدم جنبًا إلى جنبٍ مع المنسف حيث يتم إعداد المنسف العادي ويتم إعداد منسف العيش ويقدم للناس، والذي يرغب بالمنسف العادي يتوجه إليه والذي يرغب بمنسف العيش يتوجه إليه.

هي أكلة شعبية لها طقوسها، وتُعرف بعض العائلات بها ولا تخلو مناسبة لديهم من وجود منسف العيش.

أما وظيفتها الاجتماعية فإنها أكلة شعبية جامعة للناس وتحيي فيهم الأصالة والذكريات القديمة التي مارسها الآباء والأجداد، إضافة إلى كونها تكرِّس عادات الكرم العربى الأصيل.



الصيّاديَة العَقْبَاويّة

هي أكلة تراثية شعبية عقباوية ظهرت في الثلاثين من القرن الماضي متوارثة عن الأهل والأجداد عنصرها الاساسي السمك، ومش كل الناس في العقبة بيعرفوا يطبخوها عشان بدها فن بالطبخ والبهارات الخاصة بها.

المكونات:

السمك مثل: الفتل/الشك/الجمبري/البوصية/الشيراني/الحُريّدة، السلطان ابراهيم، الصيادة، والحريدي الرز السعودي مع شوية رز مصري، البصل شوال، فلفل أسود وملح وكمون وليمون وزيت القلي. الأيام هاي صاروا يحطوا عليها ثومة وفلفل حلو للزينة ومكسرات وبهارات سمك، وكمان سلطة عربية وسلطة بطحينية جمبها وبقدونسية (وهي بقدونس مع شوية طحينيه وليمون وثومه مدقوقة مع

تنظيف السمك زمان كنا ننظف السمكاية بالمقشرة (وهي قطعه خشبية مدقوق فيها مسامير قياس النظيام دى ننظفها بالسكينة الحامية.

طريقة الطبخ:

أول شي بِننظُف السمكاية ونخليه يتبل عشان يأكل الملح وإذا كان نوع السمك (الفتل) نسيبه يتصفى من المية والدم ساعة زمان، وبعد ساعة ندير التتبيلة عليه عشان ياخذ الطعم على جنب وبعدين نقطع البصل ريش ونديرَه في الحلة من غير زيت، وننزل المية من البصلة كما هي، ونقلب في كفكير خشب بعد كده ندير الزيت على البَصلة، وهيّه على الغاز ونقلِب كل شوي عشان ياخد لون بني مش محروق وندير عليهم كمون وفلفل أسود وندير شوية مي على البصلة وشوية بهارات عليها وتغلي شوية بعدين نفرم حبة البندورة مقشرة على الخلطة حتي تغلي مع بعضها وبعد ما تبرد شوية، بنجيب المصفاية نصفي الميه أو الخلطة اللي عملناها والخلطة اللي زادت بالمصفاية نعصرها بمعصرة يدوية لها ذراع حتى تصير ميه وتذوب كامل ونرجعها بعد العصر بالحلة.

والخلطة أو المرقة اللي حضرناها نسقط السمك فيها ونخليها تغلي فورة وحدة بس، بعد كده إنْزِل (نصفى) المى باكبشلية حتى نجهز لطبخ الرز فيها وتبقى كمية كافية لطبخ الرز.

نغسل الرز ونصفيه من المي مع شوية زيت قلى ونحطه في الحلة وندير المرقة عليه، عشان يتفلفل



الرز ويستوي مدة نص ساعة نجيب السدر وندير الرز فيه ونحط السمك على وجه الرز ونفرم شرائح الليمون وجنبه المرقة بس الدقة تنحط على السمك نفسه للتزيين، وهي عبارة عن ثوم وكزبرة وفلفل حار وليمون.

نوكلها بالإيد أو بالمعلقة وتطبخ في جميع فصول السنة لكن الأغلب بالشتاء موسم صيد السمك وتقدم في المناسبات والعزائم أو على التواصي والطلب.



الطَّرْطُور

هي طبخة تراثية شعبية معروفة منذ القدم لدى أهل العقبة حصراً، متوارثة عن الآباء والأجداد وتتكون من السمك والطحينية.

المكونات:

بصل، سمك (الأفضل سمك التونة)، طحينية، فلفل أسود، كمون، ملح، زيت قلي، ليمون.

طريقة الطبخ:

أولاً: تخريط البصل إلى شرائح ووضعه في المقلاة فيها زيت للتحمير إلى أن يصبح لونه (بني غامق). ثانياً: نِقْلي السمك نصف قَلْية، وبعد ذلك نقوم بِحَل الطحينية بالماء والليمون أو حامض الليمون ووضعه على البصل مباشرة أثناء التحمير (نْطُشها) نَجعلها تَغلي غَلْوة واحدة ونْسَقُط السمك بها مع التحريك حتى لا تِتْكتل الطحينية، من ٥ إلى ١٠ دقائق مع التحريك بهدوء (بِشْويش).

ثالثاً: نضع كمية مناسبة من الملح والفلفل الأسود والكمون ومن ثم وضعها في وعاء وتصبح جاهزة للأكل. وتؤكل بالخبر.

ملاحظة: مُشْ كل الناس يتقنون طبخها حسب كلام الراوي وذلك لأنها بحاجة إلى (نَفَس بالطبخ) والمقصود أهل العقبة أنفسهم.



صينية البندورة والبطاطا واللحمة

المكونات:

لحمة قطع، وبطاطا، وبندورة ذايبة أو طرية للطبخ، وبصل، وبهارات، وفلفل، وملح، وورق الغار على شان نقيم زنخة اللحمة.

طريقة الطبخ:

نبدا بِسلق اللحمة إذا كانت بحاجة لسلق حسب حجم الخروف أو الجدي، إذا كانت اللحمة مِش بعاجة للسلق بِنجيب صينية كبيرة ألمنيوم ونضع قطع اللحمة بالصينية وبعدها بقطع البطاطا بعد تقشيرها وغسلها وتكون على شكل دوائر وبصفها فوق اللحمة، وبعدها أقطع أو بَشقف البندورة دوائر وبَرُد نضعها فوق البطاطا وبَرُوش عليها البهارات والفلفل والملح وورق الغار، وبَحط بعدها كاستين مية إكبار على شان ما تنشف الصينية خلال الطبخ، وأغطي الصينية بالقصدير وبَولع الفرن وعلى بين ما يحمي إشوي بحط فيه الصينية أول شيء النار حامية بالطبقه التحتا، ولما تغلى بَنقلها على الطبقة الفوقا وأقيم عنها القصدير وبَخليها فوق على بين ما تتحمر الصينية أمليح وبطفي الفرن، في ناس بحبها تِتْشعط نِتفه (أكثر من التحمير)، وبنقدمها للأكل بنفس الصينية أ وكل واحد بِحط بصحن بملعقة كبيرة، وممكن أيضًا تثأكل تغميس بالخبز البلدي.



الغَيثْ الأردني

هي أكُّلة شعبية قديمة كانت منتشرة في مناطق البادية وكانوا يستخدمونها في المناسبات المختلفة وكانت تستخدم للعزايم في رمضان وغيره من المناسبات.

المكونات:

لحم شقف، زيت نباتي، بصل مقطع جوانح، بهارات مشكلة، فلفل أسود، ورق غار، خبز شراك، ملح، جوزة الطيب، مكسرات (فستق حلبي أو لوز أو صنوبر).

طريقة الطبخ:

بِنْغسل قطع اللحم وبِنْحطها بطنجرة الضغط وبِنْحُط عليها زيت قَلي، وبِنْقلّبهم إشْوي إشْوي، بَعدين بِنْحط عليها البصل والبهارات والفلفل الأسود وورق الغار والملح وبِنْخلّيها حتى تِستوي، وِكل ما تقِل المَيْ عنها بِنْزيدها، بَعدين بِنْجيب سِدِر وبِنْحُط عليه خبز الشراك المقطع وبِنْحُط اللحمة فوق الخبز وبنْديّنها بالمكسرات المقلية، وبنْقدموها ساخنة.

المعدات:

طنجرة ضغط، سِدِر، مِقلى صغير، مِغرفة للتشْريب، مِغرفة إمْخرمة.





بطاطا ومريسة وجاج

المكونات:

جاج، بطاطا، حواجة، كركم، مريسة، سمن بلدي.

طريقة الطبخ:

بَعملها من الشراب اللّي بِظل من المنسف بجيب الجَاج وبَقطّعه قطع صغيرة مع العظم، والبطاطا بَقشرها وبَغسلها وبَقطعها قطع مكعبات إزْغيرة، بَقلّي قطع الجاج بالسمن البلدي بقاع الطنجرة على بين يذبل، بعدين بَحط البطاطا وبَقلبْها مع الجاج، وبرش عليه الكركم والحواجة كمان لحد ما تذبل، وبَدير عليها شراب المنسف أو المريس على بين ما تغلي وتستوى، وبقدمها بصينية من الألمنيوم تتنعمس مع خبز القمح البلدي، هاي الطبخة غير معروفة لدى الكثير من الناس.



مريس (أكل الحصادين)

المكونات:

جميد، زيت زيتون أو سمن بلدي، خبز، بصل أخضر أو بصل ناشف.

طريقة الطبخ:

نِنقع الجميد ليلة كاملة بِمَيْ من الحنفية، والصُّبح اِبْنُمرسُه باليدين تَايصير شديد،

إذا كان مَيْتُهُ اِكْثيرة وفيه شوائب بِنْصفّيه بِمُنخل ناعم، بعد هِيكْ بِنْضيف زيت أصلي أو سمنة بلدية، وَبتْاكل بخبز مع بصل أخضر أو ناشف.

في الوقت الحالي نِنْقع الجميد بِمّيْ ساخن وَبِنِخْلطه على الخَلاّط الكهربائي، وَبِساعة بِتْكون جاهزة. كانت هَاي الأكلة مشهورة في الرمثا كجزء من سهل حوان وَبنْقدمها للحصادين لما يجوعوا.



الرقاقة بطريقة ثانية

هي أكلةشعبية أردنية عمرها أكثر من ١٠٠ سنة وبِتنْطَبخ في أي وقت وشهر بالسنة، وأفضل إشي فصل الشتاء لأنها ثقيلة ومكوناتها ثقيلة، بَس زاكية وبِتتأكل.

المكونات:

طحين قمح بلدي، جميد بلدي، سمن بلدي، بصل.

طريقه الطبخ:

مِنْجيب الطحين البلدي ومِْنديره في جاط وبِنْحط معاه إشْويّة ملح ومِنْدير عليه مَيْ فاترة، ومِنْظل نعجن فيه حتى تِمسك العجينة في بعضها، بَعدين مِنْرُق العجينة على المرقّة لما تصير رقيقة زَيْ شكل الورقة مِنْقطّعها شرائح ومِنْحُطها ومِنِفْردها على سدور إمْشان تنشف وما تْذوب عند الطبخ.

بِنْكُونَ مارْسِينَ اللبن ومِجَهزينه، وبِنِحْطه على الغاز وبِنْخلّي بَسْ يِغلي مِنْدير عليه العجينة المرقوقة المُقطّعة ومِنْخلّيه نصف ساعة إمْشان يِسْتوي الطحين، وبِنْحط معلقة سمنة وملح، بعد هِيك مِنْطُفّي عليه، ومِنْقطّع بصل ومنقليه في القلاية وسمنة بلدية، بَسْ يِسْتوي إمْنِفرد الرقاقة ومِنتُركها في سدور ومِنْحُط فوقها البصل اللّي إمْوشّح في السمن. ويُقدم في جميع الأوقات والفصول، بَسْ في الشتاء أزكى إشى.

المعدات:

طناجر، قلايات، مفرمة، سدور أو جاطات للتقديم.

مَطابق

المكونات:

طحين أبيض، طحين قمح، سمسم، حبة البركة، ملح، زيت زيتون، بصل، فلفل أسود، كمون، شومر، ينسون (اختياري).

طريقة الطبخ:

نَعجن عجينْ عويصْ مُكوّن من طحين أبيض أو نَخلط طحين أبيض مع قمح بنسبة نصْ اِبْنُص أو ثلثين أبيض مع ثلث قمح مع رشَّة ملح.

نضيف ماء فاتر على الطحين وَشُويّة اِشْوي حتى تتماسك العجينة وتَصير شديدة مِشْ رخوة.

في ناس بِتْحُط معها قِزْحة وسُمْسُم وشُومر وينسون اختياري، وفي ناس ما بِتْحُط كل واحد ومزاجه، وبعد ما عَجّنا العجينة بِنتْرُكها تِرْتاح عَ جَنب، وبعد هِيكْ بِنقْرَّصْها وبِنتْركها تِرْتاح.

بِنْحُط بطنجرة زيت زيتون عَالغاز وَبِنفْرُم عليها بصل فَرْم ناعمْ مع رَشَّةٌ ملح وفلفل ووَرْص وكمون اختياري، بعد هِيكْ بنْقلَب البصلة تَاتِستَوي.

بِندْهَن كمية من زيت الزيتون على سِدر وسيع أو طاوله أو رَخامة المطبخ، وَبِنوخِذ قُرْصة وبِنْفُرها تَاتْصير وَسيعة وَمْدوَرة ومِشْ رقيقة إِكْثير وبِنْوزّع فوقها بَصل وزيت من الخليط يَلِّي حُسْناه، وبِنْطبِّق جوانبها على بعض كل جَنْبين مِنْطَبَقْهن على بعض لَحَتّى يِصير شكلها مربع، وَبِننْركُها على جَنْب، بعد هِيكْ بِنُوخِذْ قُرْصَة ثانية وَبِنرُقْها وِبنوسِّعها وَبِنْحُط فوقها بصل وزيت وَبِنْوَزْعه عليها تَايْغَطيها، بعد هِيكْ بِنُوخِذْ قُرْصَة ثانية وَبِنرُقْها وَبنوسِّعها وَبِنْحُطْها بِلُب القطعة المَرْقوقة وَبِنْسكّرها على بعض؛ كل جنبين اِقْبال بعض على بعض تَايْصير شكلها مربع، هُونْ يَابِنْمِد المربع يَلِّي عملناه وَبِنْرُقّة اِشْوي وَمِنِشُويه يَابِترجع تِعمل كَمان قُرْصة نِمِدْها وَنُرقْها وَنُحُط عليها زيت وبصل وترجع نِجيب المربع يلًي وَمِنشُويه يَابِترجع تِعمل كَمان قُرْصة نِمِدْها وَنُرقْها وَنُحُط عليها زيت وبصل وترجع نِجيب المربع يلًي عملناه وِنْحُطه بِسِدر الشَّوي المدهون بالزيت وَنِشْويه بالفرن الحامي على نار متوسطة لَكَد ما يتْحمر أطرافه ومن تحت، بعد هِيكُ بنْحَمّر وجهه من فوق.

بنقدم المطابق لحاله مع سلطه أو سلطه خيار بلبن أو لبن رايب أو بنعمل جنبه صينية جاج مع بصل. بِنْجيب جاج مَغسول وَمُصفَّى وَمُقطَّع، وَبِنُفْرم بصل فَرْم ناعم وَبِنْرُش ملح وفلفل ووَرْص على البصل وَبِندْعَكُ البصلة فيهن، بعد هِيكُ بِنْحُط الجاج على البصل وبِندْعَكُه مع بَعَضه وبِنْضيف عليه زيت أصلي وَبِنْحُطُّه بِفُرن تَايِسْتوي الجاج وَبِنْحَمْره بعد هِيكُ من فوق. نُقدم المُطابِق مع صينية الجاج، وحديثاً صاروا يزينوه بالخيار المقطع والفليفلة الملونة والليمون والبندورة المقطعة.



البُخَارِي

هي اكلة شعبية تراثية معانية معروفة بكل محافظات المملكة وانتقلت لنا من الآباء والأجداد، زمان إِنْطُبخها في أغلب الأعراس والمناسبات، وبتتْأكل باليد أو بالملعقة.

المكونات:

لحمة، بصل، حمص حبة كبيرة، فلفل حار، قرفة، ملح، زيت قلي، رز سعودي، بهارات مشكلة، قرنفل، عصفر، فلفل أسود، كمون، بهار قهوة.

طريقة الطبخ:

أول اِشي نُفْرم البصل ونْحُطه أو اِنْديره بالطنجرة مع اِشْويّة زيت قَلي (زمان كانوا يِذوْبوا اللّية ويستخدموها بدل الزيت) حتى يِتْذبّل، بَعْدين اِنْدير فوقه الثوم المقطع ونْحرك مع البصل لَحين يِتْحمّر، وبَعدين بِنْدير الحمص المسلوق والفلفل الأخضر الحار، وبَعدين مِنْحُط البهارات المشكلة والقرنفل المطحون، ونْقلّب حتى يتْشرّب الطعم، وبَعدين اِنْطفّى النار تحته.

ثاني إشي اِبْنُسلق اللحمة وبِنْدير عليها كل البهارات المشكلة اللّي حضرناها مع الملح، وبعد نَقع الرز بِنْغسْله إمْليح ومِنْصفّيه من المَيْ، وبعَدين بِنْجيب الطنجرة اللّي فيها البصل والحمص والثوم وبِنْحُط في قاع الطنجرة اللحمة المسلوقة ونْدير فوقه الرز، وبَعدين اِنْدير فوقه اللحمة المبهرة وبِنْخلّيها على النار وبِنْغطّي على الطنجرة لَحين ما يِسْتوي الرز، وبعد ما يِسْتوي بِندير الطنجرة في السِدر.

كانوا بِياكلوا البُخاري باليد والملاعق ويِنْحط على (إيدامه) بدون سلطة أو لبن أو شُوربة، والْحِين يُقدم البخاري مع سلطة أو لبن ومع الزينة لوز وبقدونس وصنوبر، وناس بطبخوا الدجاج بدل اللحمة.





جَاج وبَصل

أكلة تراثية

المكونات:

دجاج مقطع، بصل مفروم على شكل هلال، بهارات، ثوم حب أو مطحون، ملح، ورق غار.

طريقة الطبخ:

بِنجيب صينية وِبنْحط بيها الجاج المُقطع وبصل والثوم وبِنْحط عليها البهارات وملح وورق الغار. وبِنُخلطهن إُمليح بالصينية وبِنْحط شوية مَي على الصينية، وبَلف الصينية بالقصدير وبَحطها بالفرن، أول إشي على نار حامية على بين ما تغلي أول غلّوة، وبعدها بَوطّي على نار هادية، وبخليه على بين ما يستوي الجاج، وبعدها بَقيم عن الصينية القصدير وبَحُطبها بالطبقة الفوقى من الفرن حتى تِتْحمّر، بَقدمها بالصينية، وكل واحد بُوخِذ بصحنه أو بيغمس بالخبز، بنْحط جنبها لبن رايب أو شنينة أو سلطة.



السَّطْليَّة

أكلة قديمة كانوا أجدادنا يِسوّوها وهم اللّي بيروحوا مع الحلال، وهاي الأكلة بَسْ جاج وملح وفلفل أسود أو بدون، ونْسويها في سطل فارغ من سطول الزيت أو السمنة.

المكونات:

دجاج، ملح، فلفل أسود، وإذا في خضار بندورة وبطاطا.

طريقة الطبخ:

أحط الدجاج عليه ملح وفلفل أسود، ومِنْكون إمْجهزين السطل والنار واقدة، وبَسْ تِجّمّر النار نغرز السيخ في وسطها وبِنْكون حاطين الدجاج في السطل ومْسوْيين لِيه من فوق تعليقة إمْشان يِمسك السيخ فيه، بِنْحط السطل في وسط الجمر، إمْعلق في السيخ، من خليّه من ساعتين لثلاث ساعات، بَعدين إنْجهز أكل الدجاج.

المعدات:

سطل سمنة أو زيت، وسيخ حديد.

عَصِيْدَة السّميد

المكونات:

جریش قمح، وزیت زیتون، وبصل، وعصیر بندورة.

طريقة الطبخ:

بنجيب البندورة الحمرا الذايبة وبعدها نغسلها ونعصرها ونحط العصير على جنب.

بنقطع البصل ونحط زيت الزيتون بالطنجرة وبنقلب البصل تايذبل وبنضيف عصير البندورة ونتركه بس تبلش تغلي البندورة بنحط جريش القمح.

بندشره يغلي على نار وسط تايستوي الجريش ويعقد مع البندورة.





طبيخ البُرغُل مع العدس

يشبه المجدرة لحد كبير بين أن نعمله بالبرغل بدل الرز وانه البرغل يحتاج وقت نقع أقل من الرز. مكونات الطبق سهلة ومتوفرة وكلها بتكون من مونة الدار.

المكونات:

برغل، عدس حب، بصل، زیت زیتون.

طريقة الطبخ:

بنغسل العدس الحب ونسلقه بالمي مع البصل المقلي بزيت الزيتون ونحط عليه الملح بنحط البرغل مع العدس ونقلبه مع بعضه تايغلي كويس بعدين بنوطي النار تحته تا تنشف المي. بنقلي البصل المقطع شرحات مع زيت الزيتون لما بستوي. بنحط البرغل بصينية ونحط البصل المقلى فوقه ويقدم للأكل.





إسْميدة العَدَسْ

المكونات:

100 غرام عدس مقشور أو برتقالي 100 غرام، برغل أبيض ناعم ٣٠٠ غرام، بصل أحمر مفروم ناعم، ملح، فلفل أحمر، بودرة كمون، زيت نباتي عباد الشمس، زيتون، بقدونس مفروم ناعم، بصل أخضر مفروم، سلطة بندورة مفرومة ناعمة، حبة بصل مفروم، ملعقة كبيرة زيت الزيتون، فلفل أحمر، ملح، بقدونس مفروم، ملعقة عصير ليمون.

طريقة الطبخ:

إبنسلق العدس على نار هادية ثم نخرج العدس المسلوق بدون ماء البرغل الناعم ومِنْريحه ١٥ دقيقة، ابنعجن العدس باليد جيدًا ونتركه جانبًا، نقوم بتسخين الزيت في المقلاة ونَقلي البصل المفروم حتى يصبح ذهبيًا، ونعجن المزيج مع البصل والزيت جيدًا، ونزيد الملح والكمون والفلفل الأحمر حسب الرغبة، تحضر باليد ووضعها في وعاء يتم تخزينه بالبصل الأخضر المفروم والبقدونس وتقدم مع السلطة.



امْقَرّطَة

المكونات:

لبن وعجبن عويص (ما بْتِخْمر) ولحمة وفلفل وبهارات وحْواجِة وكركم. مكان انتشارها الأردن وفلسطين وكانت منتشرة جداً في الفحيص.

الأدوات المستخدمة فيها طناجر أو طناجر فخار ومعالق شبه الأدوات المستخدمة في الوقت الحالي، وكانت المقرطة إِبْتنْعمل من زمان أول من ٤٠ أو ٥٠ سنة.

طريقة الطبخ:

مِنْحُط مريسة وكركم وِحْواجِة وفلفل وسمن بلدي، بعدين مِنْحُط العجينة بِنْرُقها بِمَرق خشب وَبِتْنحط اللحمة بالعجينة، مِنْقَطع العجينة ومِنْحُط فيها اللحمة وِمِنْسكُرها من الجْناب ومِنْحُطها باللبن، حتى تستوي مِنْفرغها ومِنْحط عليها سمن بلدي. المَرَقْ هي عَشان أرق العجينة بيها.

المْقَطَّعَة

المكونات:

طحين أبيض أو مخلوط، عدس حب، ملح، لبن شنينة أو لبن رايب.

طريقة الطبخ:

نعملُ عجينة عويصة ونُقرّصها ونتركها ترتاح، العجينةُ هُونْ في ناس اِبْتِعملها من طحين أبيض أو طحين أبيض مخلوط بطحينِ قمح مع رشّة ملح وماء فاتر، وبْنِسلق عدس بِنّي لَحتّى يِسْتوي، وَنُتركه على جنب، وَبُنْرش طحين على السِّدر وَبْنُوخذ القُرْصية الأولى وَبْنرقها وَبْنرشها طحين، بعدْ هِيكْ بِنْلفها مثل السندويشة وَبِنْقطعها بالسكين الماضية (الحادة) لَقِطع صغيرة، وَبِنْضل اِنْرُش طحين عليها اِمْشان ما تُلزّق ببعضها، بعد هِيكْ بِنَّخِلْ قطع العجين اِمْشان يِنزل الطحين منها، بعد هِيكْ بِنْجيب طاسِة فيها تُلزّق ببعضها، بعد هِيكْ بِنَّخِلْ قطع العجين اِمْشان يِنزل الطحين منها، بعد هِيكْ بِنْجيب طاسِة فيها يمنع الرايب أنّه اِيفَرْفط في الطبخ)، وبِنْدُب العجينة على اللبن المطبوخ مع العدس يَلِّي سلقناه بالأول. لازمْ اِتْكون كمية العجين مناسبة لكمية اللبن المطبوخ وإذا كانت كمية العجين اِكْثيرة بِتْعَجِّن الطبخة. بعد هِيكْ بِنْقَطّع بصل شرائح وبِنْقلبه في زيت زيتون على النار، لَحَتّى يْصِير ذهبي اللون، أبِنْطيشه على وجه المقطعة، وَبِنِخْلِطها وَبِثْتَاكلْ بالملاعق وهيْ ساخنة، وكانت تُسكب بِسِدر واسع، وكل العائلة تُوكل منه.

فيه ناس بِعْملوها بدون شَنينة أو رايب، كانوا يِعملوا المُقطِّعة لكن بِدبُّوها اِبْمِّي مغلية مع العدس البني المسلوق، وْيِغْلوها رُبع ساعة تَاتْصير، أُبِقْلوا بصل شَرْحات بالزيت حتى اِيْصير لونه ذهبي، وبعد هِيكْ اِيْطشُوا البصل على وِجه المُقطَّعة مع عصير ليمونة.



البَنْزينَة

أكلة تراثية عقباوية قديمة، كنا نطبخها في الأيام العادية وهي أكله صحية اِبْتِنعمل من الطحين والعدس المجروش، وكانت نسوان العقبة يتْرَزقْن منها زمان.

المكونات:

طحين بلدي، بصل، سمن بلدي، عدس مجروش، ملح، فلفل اسود، كمون.

طريقة الطبخ:

أول حاجة إِمْنِعجن الطحين بالمَيّه والملح ونْسِيبُه يِرتاح نُص ساعة أو أقل، بَعدين اِنْركّب العدس يِنْسلق على النار، وبَعدين بِنْجيب العجينة اِنْرقها رَقْ رقيق ونْقَطعه بالسكين شرايح رفيعة، وبعد ما يِسْتوي العدس بِنْحط الكمون والفلفل الأسود وملح وبِنْدير شرايح العجينة في الحَلّة، ولَما نِتْأكد إن العجين اِسْتوى، وبَعدين اِبْنفرم البصلة ناعمة وبِنْصفرها (بِنْخليها اِمْحَمرة) ونْطُشها على وجه الحَلّة، وبَعدين بِنغْرُفها في صينية أو صحن، وبِتتاكل بالمعلقة، وبِتْاكل جَمْبها اِمْخلل أو بصل أخضر وجرجير من الحفاير. الأيام هاي نادر ما حَدْ يُطبخها.



مْدَمَّسْ عَدَسْ

المكونات:

عدس حب، زیت زیتون، بصل، ثوم، فلفل حار.

طريقة الطبخ:

بَنقِّي العدس وبَحطه بالطنجرة بندير عليها مي لفوق العدس بشوي للسلق على نار حامية وبِظل يغلي لما يذوب إكْثير، وبصفيه بالمصفاية وبَحط العدس على جنب وبخلّي الميّه لأني بِدي أرجع استعملها، وبَجيب الطنجرة وبحط بيها زيت زيتون وبقْلي البصل المفروم ناعم، وبعدها بحط الثوم المفروم وبعدها بفرم زر فلفل حار وبَحطه على البصل والثوم وبقليهن مع بعض لحد ما يتذبلن، بدير العدسات المسلوقات وبقليهن إشْوي مع البصل والثوم، وبَدير عليها الميّه المصفّية وبخليه يغلي عشر دقايق إلى ربع ساعة إذا كانت الميّه قليلة بَزيده كاسة وبحط البهارات وبظل يغلي لحد ما يعقد العدس ويصير كثيف، وبقدمه بصحون وبَرش عليه سماق بلدي أو بعصر عليه ليمون، بحط جنبه زيتون ومخلل ويتاكل تغميس بالخبز البلدى القمح المشروح.



شوْرَبة العَدسْ (مرقة)

المكونات:

عدس مجروش ومنقى وزيت زيتون وبصل مفروم ناعم وملح.

طريقة الطبخ:

نُغسل العدس ومِنْحط ميّ بالطنجرة لحد نصها أو أكثر إشْوي، مِنْخليها تغلي على النار، وبعدها بَحط العدس وبَخلّيه يغلي حتى يسْتوي وكلما نقصت المي عليها بَزيدها إشْوي، وإذا بدي إياها مرقة بكثر المي عليها، وإذا بِدْي إياها ثقيلة بقلل المي، بعدها بقلي البصل بزيت الزيتون لحد ما يذبل، وبعدها بَحُطه على طنجرة العدس، وبَخليها تغلي لحد ما تسْتوي، ممكن نحطها بالصينية الألمنيوم بفت بيها خبز القمح البلدي ومنْزيد عليها الشوربة بِتصير أكلة جماعية وبِرُش عليها ليمون أو سماق، وبحط جنبها البصل الأخضر وجرجير وفجل وزيتون ومخلل.





شُورَبة الفَريكة

المكونات:

قطع لحمة أو جاج، فريكة ناعمة منقية ومغسولة، بصل مفروم ناعم، ملح وبهارات وحواجة وسمنة، ميّه وسمنة نباتية.

طريقة الطبخ:

إبنسلق اللحمة أو الجاج، وقبل ما تِستوي بِشْويّة بدير عليها الفريكة بعدما إنْقيها ونغسلها بالميّه، ونِقلي البصلة مع السمن بالمقلى ونْديرها على الشوربة ونْخلي الشوربة تغلي على نار حامية لحد ما تِستوي، ونْقدمها بزبادي، ويمكن نُطبخها بدون لحمة أو جاج.



الفريكة المُفلفلة

المكونات:

مرقة لحمة أو دجاج، سمن بلدي أو سمن نباتى.

طريقة الطبخ:

بجيب الطنجرة بحط بيها ميه أو مية اللحمة أو الجاج إذا متوفر لأنه بعطيها طعمة أزتشى أنا بعاير بالعين وبحط سمنة بلدية مرات بخلطها بسمنة نباتية عادية حتى أخفف من الدسم حسب الرغبة بسموها (الجحادة لأنها ما بتشبع من السمنة) بخليها لحد ما تغلي مع المية على نار حامية بحركها بالمعلقة الخشب وبعدين بوطي النار من تحتها وبتضل على النار على بين ما تستوي الفريكة برش شوية ميّ رش على وجه الطنجرة على بين ما تستوي مليح وبعدها بطفي الغاز بتكون جاهزة للأكل.





كباب الكفارات

المكونات:

لحم عجل مفروم، زيت زيتون، بصل، ملح، فلفل أسود، برغل.

طريقة الطبخ:

بِنجيب لحم عجل مفروم (كل كيلو لحم عجل بِدُّه ١كغم برغل ناعم تَبَعْ التَّبُّولة).

بِنُحط الطنجرة عَالغاز، وَبِنْحط فيها زيت زيتون وَبِنْضيف بصل مفروم (قدر ٥روس كبيرة مفرومة) وَرَشّةْ ملح وَرَشّةْ فلفل، وَبِنْحوسهن على الغاز لَحَتّى تِذبل البصلة، وبعد هِيكْ بِنْضيف البصل المُذبّل واللحم للبرغل وَبِندعَكُه لمدة ربع ساعة.

بعد هِيكُ اِبْنِعمل من عجينة البرغل واللحم أقراص، وَبِنْحط في قاع الطنجرة قَدِر ٥ملاعق زيت زيتون الأبار، وبعد هِيكُ إِنْبِصُفْ أقراص الكباب داخل الطنجرة فوق بعض لَحَتّي تخْلص الكمية كلها، بعد هِيكُ بِنضيفْ ماء فاتر للطنجرة حتى اِنْغَطّس كل أقراص الكباب وِنْحُط الطنجرة على نار متوسطة لمدة ٢٥ دقيقة إلى نصف ساعة. ونْصُب الكباب في سِدر واسع وتؤكل باليد.



الكبيبات المعانية

هي أكلة شعبية معانية من أصول تركية، أساسها البرغل، كنا نِعْملها في المناسبات والعزائم.

المكونات:

برغل، حمص حب مِسْتوي، لحمة مجرومه خشنة، بصل، زيت زيتون، بهارات وملح، مريس اللبن، جريش ناعم.

طريقة الطبخ:

أول إشِي بِنْحُطِ البرغل في الزيت لأربع ساعات، وبعد ما تُخلص الأربع ساعات بِنِدْعك أو اِمْنُفرك بالإيدين لَحين يِصير البرغل والزيت زَيْ العجين، بِنقْدر اِنْقوّرها بدون ما تِتِفتت.

وثاني إشي بنْقلّي البصل واللحمة المجرومة والبهارات وبنْصفّيها من الزيت.

وبِننْقَع الحمص لِسِت ساعات وبَعدين اِبْنُسلقه لَحين يِصير جاهز للحَشو، بِنْقطّع العجينة (البرغل) لِطابات صغيرة قَدْ حجم البيضة وبِنْقوّرها من الوسط، وبَعْدين نِحْشيها في اللحم والبصل والحمص.

وبِنْحُط مريس اللبن وشْويّة زيت على نار هادية وبِنْحرّك لَحين تِغلى، وبَعْدين بنحط حبات العجين في المريس و بنتركها على نار عادية لنصف ساعة و بعدين على نار هادية لمدة ساعة لحين يستوي، وبِنْحُطها في صحن نحاس وتُؤكل باليد. وهاي الأيام صارت الناس يِقْلوها ويِشْوها وصاروا يُحْشوها بالمكسرات مع اللحمة.

هي أكلة في الأصل أكلة تركية تم العمل بها وإعداها على مدار خمسة قرون خلال الحكم العثماني، وأجادت المرأة المعانية هذه الطبخة بشكل رائع، ويقتصر طبخ الكبيبات على النساء ذوات الخبرة كونها تتطلب اتقان كبير ومهارة عالية.

جاءت التسمية من ضغط المادة في اليد لتكون حبة محشوة متماسكة مع بعض

بعض النساء المعانيات يقمن بإضافة الطحين إلى البرغل كي تتماسك العجينة إلاّ أنها تُفقد الكبيبات نكهتها.



الحُباب الرَّمْثاوي

المكونات:

حمة إحوار مفرومة، زيت زيتون، رفيعة قمح، برغل، ورس، لية خروف، نبات المرقدوس المجفف، بصل، ملح، فلفل أسود.

طريقة الطبخ:

بِنْحُط الطنجرة على الغاز، وَبِنْحُط فيها زيت أصلي (زيت زيتون)، بعد هِيكْ بِنْضيف للطنجرة بصل مفروم عَ قَدْ كمية اللحمة، وِنْرُش عليه ملح وفلفل ووَرْص وكمون، وفي ناس بِتْحُط اِشْوية غَسْلة (نبات المَرْقدوش المجفف)، بعد هِيكْ بِنْضيف لحمة اِحْوار مفرومة مع اِشْوية لِيَّة خاروف (لِيَّة الخاروف هون اِمْشان تعطي طَراوَة للكباب)، بِنْقلِّب البصل واللحمة عَ الغاز لَحَد ما تِسْتوي وِبِنفْردْها في صينية لَحَتّى تُبْرد، (في ناس ُهُونْ بِتْحُط اللحمة والبصلة بعد ما تُبْرد في الثلاجة اِمْشان تِجْمد اِشْوي الليّة وما اِتْحُلْنا في حَسْوة الكبة.

بِنْجِيب رفيعة قمح وَبِنْضيف إلْها اِشْويّة بُرغل اِمْشان اِتْصير الكِبّة أَطْرى اِمْشان اِيصير الكَباب مِتْفتح (ناشف)، وَبِنْظيف أَلْها اِشْويّة وَرْص بدون فلفل (اِمْشان ما تْصير الكِبّة زرقا)، بعد هيك بِنْجيب مَيْ فاترة وَبِنْضيفها على الرّفيعة اِشْوي اِشْوي وَبِندْعكُها ببعضها باليد، وَبِنْضل اِنَّضيف الميْ اِشْوي اِشْوي اِشْوي الله فاترة وَبِنْضل اِنْضيف الميْ اِشْوي اِشْوي اَسْوي الله فاترة وَبِنْضل النَّفي المُسْويّة مَيْ عَشان الله عَلَى الرّفيعة اِمْلاقة ببعضها وَبِنقُدر اِنْشكّلها، وبعد هيك بِنمْسح إيدينا بِشْويّة مَيْ عَشان نقدر نِتحكم بالعجينة بدون ما تُلزق، وَبِنوخِذ قطعة من العجينة وَبِنغطّي الباقي اِمْشان ما تِنشف، وَبِنبْلسٌ نُوخِذ قطعة قطعة من العجينة وَبِنْدحْبرها بِأيدينا وَبِنْجيب كل دحبورة وَبِنْحُطها بِأيدنا اليَسار وَيقة، وَبِنضْغط بِوَسطها، هونْ بِدْنا اِحْفاف الحفرة تكون رقيقة، وَبِنضْغط بوسطها، هونْ بِدْنا اِحْفاف الحفرة تكون رقيقة، وَبِنْحُط بالحفرة كمية مناسبة من اللحم والبصل يَلِي عملناه بالأول وَبِنْلِم أَطراف الحفرة على بعضها عَشان اِنْسكّرها مع الضغط على طرفيها من تحت ومن فوق حتى تُوخِذ شكل الكبّة المعروف.

بعد هِيكُ بِنْصُف الكِبّات في سِدر جَنْب بعض اِمْشان ما يْلَزّق ببعض، بعد هِيكُ بِنْحُط طنجرة عَ الغاز فيها ملح وفلفل ووَرْص وماجي اختياري وَبَسْ تِغلي بِنْسقط الكِبّات وَحْدة وَحْدة بالمَيْ وَبِنطْبُخهم لمدة ربع ساعة بَس اِمْشان ما يفرطن بالطبخ وبس يصيرن بنقضرهن (بتشيلهن) من المي مشان ما يشرب مَيْ زيادة وَيِتْفتفَت.

زمان كانوا يطبخوا الكَباب بطريقة أخرى، كانوا يجيبوا طُنجرة ألمنيوم وَيصُفّوا الكَباب على داير قاع





الطنجرة وِيخَلّوا بالنُّص فاضي وِيصُفّوا الكَباب فوق بعض على الدّاير وِيحُطّوا في الوسط اِشْويّة مَيْ وزيت أصلى وملح ووَرْص.

المَيْ هُونْ بِكون حامي والكَباب رَحْ تِسْتوي على اِهْبال (بخار) المَيْ يَلّي بالوسط، أُوْلَهيكُ سمّوه كَباب اِمْهِبّل.

أما عن كْباب الحِيلِة (التحايل):

هاي الكَباب نفس الكِبِّة السابقة (كباب اللحمة)، اللّي هي تِدْعَكي الرّفيعة، لكن الحَشوة بِتخْتلِف، الحَشْوة هُونْ بِتْكون بُرغل بِنْرُش عليه اِشْويّة مَيْ فاترة وَبِنتركه اِشْوي يتشرب المي بعد هيك بندعكه مع ملح وفلفل وورص وبنتركه على جنب، عَ الغاز بِنْحُط طنجرة فيها اِشْويّة زيت أصلي وبصل مفروم وَبْنزله مع رشّة ملح وفلفل ووَرْص وِشْويّة كمون وِشْويّة شَطّة لَلّي بِحِب الحار، أُوبَس تِتْذبل البصلة بِنْشيلها عن الغاز تَا تبرد وبنخلطها مع البرغل وَبِندْعَكه اِشْويّة أُوْبتصير الحَشوة جاهزة وَبِنحْشي الكِبّة بنفس الطريقة السابقة.

وطَبْخ كَباب الحِيلة مثل طريقة طَبْخ كَباب اللحمة، هذه الاكلة ما زالت منتشرة بشكل كبير، تُطبخ في العزايم الكبيرة وتوضع على وجه المنسف بين اللحم.

أيضًاً الطقوس المحببة والتي كانت منتشرة بشكل كبير تجمع نساء الحي والاقارب قبل تعليلة العريس (حِنّا العريس) لمعاونة بعض في فرم البصل وتَدْعيك الرَّفيعة وإعداد الكَباب وطَبْخه حيث توزع في الليل بعد حِنا العريس على المعازيم.

أيضا تُؤخذ هذه الأكلة وخاصة كَباب اللحمة كهدية للأصدقاء من خارج الرمثا وتُؤخذ في طنجرة مطبوخة حاهزة للأكل.

لكن كَباب الحيلة هنا لم يعد منتشراً فقط يُطبخ عند اشتهائه أو عندما تطلبه امرأة وخاصة (امرأة تتوحم في أثناء حملها) كان كَباب الحيلة يسمى كَباب العرس لأنه كان يكثر عمله في الأعراس نظرًا لأن عدد معازيم العرس كبير وكباب اللحم مكلف وباهض الثمن، لذلك كان يعمل كباب الحيلة ليكفي المعازيم إلى جانب كباب اللحم.

جاءت تسمية كباب الحِيلِة بهذا الاسم لأن الحَشوة ليست لحم فكان هذة الكبة للتحايل على المعازيم في الأعراس ذات العدد الكبير، فكباب الحيلة تدعم كباب اللحم حيث العدد ولا يعرف ما بداخلها إلا حين أكلها.

تؤكل الكِبِّة باليد حصرًاً، ولاحظنا في السنوات الأخيرة إضافة الصنوبر المقلي أو اللوز المقطع شرائح والقلي أيضًا أو الجوز المقطع والقلي لحَشوة اللحم داخل الكِبِّة، وهذا يعد من مظاهر البذخ في هذه الأكلة.

المْقَصَّصة

هي من الأكلات التراثية القديمة بِياكْلوها في فصل الشتاء لأن فيها عناصر غذائية مفيدة.

المكونات:

العجين وهو من مَيْ، طحين، ملح، عدس حب، حمص حب.

طريقة الطبخ:

بِنعْجن الطحين والمَيْ والملح مع بعض َلتْصير العجينة متماسكة، بِنْرقها بالشُّوبك ومِنْلفْها وبِنْقُصها بالسّكين على شكل شرايط، بَعدين بِنْجيب طنجرة وبِنْحُط فيها العدس والحمص وبنِسْلقهم، بَسْ يِسْتووا، بِنّزّل شَرايط العجين على الحمص والعدس لَحَتّى تِسْتوي العجينة. هَسّا بِنْجَهز التِقْلاية اللّي هِيّه بصل بكمية كبيرة مع زيت أصلي (زيت زيتون) أو سمنة، بَسْ يِصير لون البصل أشقر بِحُطّوه على العجينة وهي إنْتِقلي، بَعدين بِطفّوا النار تحتها، وبِقَدموها بصحون وهي ساخنة.



الكُشنة العقباوية

هي أكلة تراثية شعبية عقباوية قديمة، من زمان توارثناها عن آبائنا وأجدادنا، وهي مرقة اِمْسَكَّبة مع السمك والبصل، يوضع فيها النَغاشيش والبَراطيخ من السمك.

المكونات:

بصل، سمك هامور، تونه، الحريده، الغبال، جاجة البحر (الرعنة)، البندورة مفرومة ناعمة، كمون، فلفل أسود، زيت قلى.

طريقة الطبخ:

أول إشي اِنِّضِف السمك اِكُويس، ونْبَهره بالفلفل الأسود والملح والكمون، ونْقطعه ونِتُركه على جنب. الْخرِّط البصل رِيَش ونِقَلبها بالحَلِّة بالكَشَّاية الخشب لَما تِتْبخر المَيِّه منها، بِنْدير اِشْويّة زيت ونْقلِّب حتي تَاخِد اللون البني الحلو، وعَشان ما يعطي مَرار فيها، وبَعْدين بِنْجيب كاسِة مَيْ بِنْديرها على البصل المِتْحَمر، وبعد ما يغلي اِشْويّة بِنْدير عليها الملح والكمون والفلفل الأسود، ونْهَوَّن على الغاز اِشْويّة، وبَعْدين بِنْرجِّع اللِّي صَفِّيناه بالحَلِّة ونْسِيبها على النار، وبعدين بِنْصفي الخَلطَة بالمُصْفاية اليدوية، وبَعْدين بِنْرجِّع اللِّي صَفِّيناه بالحَلِّة ونْسِيبها على النار، وبِنْدير السمك فيها عَشان تاخِذ المَرقة طعم السمك، ونْسيبها تِعْلي فُورتين وتصبح خاثرة، وتِتْسبّك ونْشيل السمك من المَرقة عَشان ما يْدًويش مع الغَلي، و بعد كِدَه نُسْكُب الكُشْنَة في السِدر أو الزبدية، و تُغمس بالعيش (الخبز).





الكراديش

المكونات:

ذرة بيضاء مطحونة أو طحين شعير، زيت زيتون، بصل، بندورة.

طريقة الطبخ:

بِنْجِيب ذرة بيضاء مطحونة وَبِنعْجِنها بِشْويّة مَيْ، هُونْ العجينة بِتْكون طَرِيّة اِكْثير لأنها معمولة من طحين ذرة، لازم اِنْزيد مَىْ تَاتِتَرَنّخ العجينة (اِتْصير رخوة).

مُمكن هُون إِنَّا نُخبِز الكَرْدوش بدون أي إضافات، مثل ما هو بِنوُخِذ مَلاة الكف من العجنة وَبِنْحُطْها بِسِدر مرشوش بطحين، وَبِنرْجع نُوخِذ مَلاة الكف وِنْحُطه بالسِّدِر تَا تُخْلص العجينة، وَبِنُخبِز الكَردوش فى فرن حامى.

أما الناس الكُوبار (على حسب رواية السيدة رقية العزايزة)، كانوا يُحطّوا طنجرة عالغاز وفيها زيت أصلي وبصلة مفرومة. وبعد ما اِنْقَلُي البصلة اِشْوي بِنْضيف بندورة مفرومة وَبِنْقلبهن مع بعض تَا تِستوي البندورة نُصْ سَوْية.

بِنخْلط البندورة والبصلة مع طحين الذرة البيضاء، وَبِنزيد مَيْ أولْ بَاوَّل تَايِصير رَخو وِتْصير البندورة مِنّه وفيه.

بِنْجِيب سِدر وَبِنْرشّه بطحين أبيض، وبِنغْرف باليد من الخلطة وَبِنّطّلْها تَنطيل على السِّدر تَانْعبّيه، وبعدها بنخْبزها بالفرن تَاتِستوي مثل الخبز وَبنُوكلها لَحالَها أو مع شاي.


وأما كراديش الشعير فطريقتها بنفس كراديش الذرة لكن بطحين الشعير، لكن طحين الشعير كان يُتْعب الحَنَك عند مضغه، لَهيكُ لم يستمر عمل الكراديش منه، وكانت كراديش الشعير مرتبطة بفقر الحال وأحياناً يُخلط الشعير بالذرة إمْشان يِصير أطرى.

يذكر أن الكراديش تكلفته قليلة جداً لذلك كان يعتبر طعام الفقراء.





القَرعْ والعدس



والأكلة مفيدة للجسم لأن العدس بيسمونه لحمة الفقير والقرع أيضًا مفيد جدًّا للجسم.

المكونات:

القرع الناضج، عدس مطحون، بندورة، بهارات، فلفل أسود، ملح، زيت زيتون.

طريقة الطبخ:

نقطع القرع إلى قطع مناسبة متوسطة ونغسلها جيدًا. ونفرم البندورة ناعمة فرم طبيخ عادي.

نضع العدس على النار ومع كميات ماء مناسبة حتى يستوى العدس.

وفي طنجرة أخرى نقلي القرع تذبيل مع زيت الزيتون حتى يقارب على الاستواء ومع التحريك المستمر. ونضيف البندورة ونغطى عليه على نار هادئة حتى يقارب على الاستواء.

بعد ذلك نضع القرع والبندورة والبهارات والفلفل فوق العدس ونخلطهم مع بعض ونتركه على النار حتى ينضج كاملًا، ثم يقدم للناس، وهي أكلة مميزة ومهمة ومغذية.

هذه الأيام قل القرع ولكن بعض العائلات مازالت تطبخ هذه الأكلة ولكنها ليست وجبة رئيسية.



الهريسة

المكونات:

قمح، لحم خروف، لبن مريس، سمن بلدي.

طريقة الطبخ:

الهريسة طعام من القمح المطبوخ باللبن وأكثر وقت ينعمل بالقرينة.

يخش القمح ثلاث مرات كل يوم يرش بالماء ويخش وينشر بالشمس وثاني يوم يفرك عن الغواش ويرش ويخش مرة ثانية وينشر واليوم الثالث مثله لما ينظف من الفراش بالقرينة يطبخ الخروف مثل طبيخ المنسف ويطبخ القمح باللبن وبعد ما يطبخ نص طبخة يتابع الطبيخ بتسقية القمح من شراب اللحم يسقى حتى يصير رخو ويظل قاسي يعني يكون بعد ما يستوي ناشف مثل الرز المفلفل.

يوضع القمح المطبوخ بالسدورة ونحط لحم الخروف فوقه ويصب فوقه سمن بلدي ويقدم للضيوف. (ملاحظة) الهريسة هي القمح المطبوخ باللبن وبمرق الذبيحة والتي توضع تحت اللحم كما يوضع الأرز اليوم ويغلب طبخها في طعام القرينة.

ملاحظة: القرينة فهي أول خروف يولد في الموسم يذبح ويطبخ كما هو مذكور وهي عادة متينة في الفقرة.



المبصلة

المكونات:

بصل، زيت زيتون أو سمن بلدي أو دهن حميس، جريش القمح أو برغل، خبز شراك.

طريقة الطبخ:

المبصلة طعام مشهور، من أهم مكوناته البصل، يطبخ لأهل البيت، أو للجيران، أو للضيوف القريبين. يفرم عدد من روس البصل مثل حوالي خمس روس بصل ويقلى بزيت زيتون أو سمن بلدي أو دهن حميس لما يصير لونه أشقر وبعده يرش عليه الكشك ويقلب معه وبعده يضاف عليه الماء ويترك يغلي ويفرم عدد من روس البصل مثل الكمية الأولى فرم ناعم ويمرس باليد (اليوم يبرش بالمبرشة). بصينية يفت خبز الشراك ويصب عليه المبصلة بعد ما بستوى لما يتشربه الخبز وبعده يرش عليه كمية

بصينية يفت خبز الشراك ويصب عليه المبصلة بعد ما بستوي لما يتشربه الخبز وبعده يرش عليه كمية البصل الثانية ويصب عليه السمن البلدي. هذا الطعام كان أكثر شي يطبخ بفصل الشتاء.

ملاحظة: الكشك يصنع من جريشة القمح، أو البرغل، ينقع باللبن المخيض ويطبخ طبيخ خفيف وبعده يعبأ بخريطة قماش حتى يطلع الماء الزايد منه ويضاف له كل يوم لبن جديد لمدة اسبوع بعده بكون قوامه ثقل ويفرد على قماش نظيف للتنشيف ويفرك باليد ولازم ينشف بالظل بعيد عن الشمس وبعد ما يصير يابس بشكل صحيح ينقل للمطحنة ويطحن ويصير جاهز للاستعمال.





المْرَدّد

المكونات:

طحين أبيض، ملح، قمج، زيت زيتون، حبة البركة.

طريقة الطبخ:

اِبْنِعْجِن عجين عويص (بدون خميرة)، في ناس بِتْحُط طحين أبيض، وفيْ ناس اِبْتُخلط بطحين قمح ثلثين اِبْثلث قمح مع قِزحة وسُمسُم ورَشِّة ملح، «بعد ما عملنا العجينة اِبْنتْركها تِرتاح، وبعد هِيكْ بِنْقَرِّص العجينة، وبِنِتْرك القُرْصات بِرْتاحَن.

بِنْسخّن زیت زیتون مع اِشْویّة وَرْص اِمْشان یعطی لون زاهی للعجین، وبعد هِیكْ بِنْبلّش اِنْرُق القُرصات، نِبْدا من القُرْصة یَلّی قَرَّصْناها بِلأول لأنها ارتاحت أكثر، بِنْمدها وِمِنْدَهنها بزیت الزیتون، أبِنْرُد كل جهتین اِقْبال بعض علی بعض، وْبِنرجع نُوخِذ كَمان قُرْصة وِنْرقها وِنْرقها وِنْدهنها زیت زیتون وُنْحُط القرصة الاولی یَلّی طویناها علیها وْنرجع أِنْرُد كل جهتین اِقْبال بعض علی بعض بحیث یِصیر شكلها القرصة الاولی یَلّی طویناها علیها وْنرجع اِنْدیب كمان قُرْصة وِنِفْردها وِنْرُقها وِنْوسّعها وِبِنْحُط اِبْلُبها القرصین یَلّی رقیناهن اِبْلُب بعض، وِنِرْجع اِنْرُد كل جهتین اِقْبال بعض علی بعض مع دهْن زیت الزیتون، بعد هِیك بِنْرَقها وِنُوسّعها عَقَد السِّدر الوسیع، أُبِنْحُطها فی فرن حامی علی حرارة متوسطة، أَبَسْ یِتْحَمّر من تحت ومن الجوانب، وْبِنْحمره من فوق، بعد هِیكُ بِنْحُط الرِّغْفة المخبوزة فوق بعض، أُبِنْقطْهن أُبِنْصُب علیهن قَطَر بارد ومُمكن إضافة السمن البلدي. هذه الأكلة تعتبر من أصناف الحلویات القدیمة وهی علی طریقها للزوال.

ملاحظة: بعض الأسر عندما تعمل خبز ببصل ويزيد عجين منه فإنها تعمل به المُرَدّد كتحلية بعد الاكل.

الرْقيطَة

المكونات:

بقلة (رقيطة)، سمن بلدى، كمون، ملح، بيض بلدى.

طريقة الطبخ:

بقلة إبْتتلقّط في الربيع، إبْتطلع على جبال الطفيلة وبين الزروع وبالأخص جبال الظهرة شكلها زَي ورقة النعنع ومرقطة بلون آخر بْس من الأطراف إمْشرشبة ومذاقها لاذع، إبْتنطبخ هاي البقلة للمرأة الوالدة (النفساء).

بِنْجيب هاي البقلة مِنْغسلها إكْويس، بَعدين مِنْحطها بطنجرة وبِنْسلقها نُص ساعة، لأنه فيها مرار كثير، ومِنْحطها على المُصفاي حتى تِنزل كل المَيْ منها لأنها مرة، وبِنْجيب سمن بلدي ومِنْذوبه في طنجرة، وبَعدين مِنْحط فوقه الرُقيطة، بِنْذبلها ٥ دقائق ومِنْحط إشويّة كمون عليها، ومِنْقلب فيها إمْشان المرار يخف منها، بَعدين مِنْجيب حسب الكمية بيض بلدي ومِنفْقسه في جاط أو صحن كبير ومِنْحطهم فوق الرقيطة، ومِنظل إنْحرك حتى يُلوخن ببعضه ومِنظيف ملح حسب ما بِتحب وبِنقدمها بسدر صغير أو صحن حسب الكمية. تُقدم في ولادة المرأة للاعتقاد السائد بأن هذه البقلة تنظف رحم المرأة بعد أن وضعت مولودها.



قُرُص عجَّة

المكونات:

بصل، ورس، طحين مخلوط، بيض، زيت زيتون أو سمن بلدى.

طريقة الطبخ:

نُفْرِم بصلة وَنُفْركها بملح وفلفل وورْص، وَبِنفْقِس بيض على البصل (عدد البيض على حسب وِسِع الصينية).

بعد هِيكْ بِنخْلِط الخليط كله مع بعض وِبِنْضيف الطحين المخلوط مع الطحين الأحمر إلى الخليط، كل بيضة بِدْها معلقة طحين اِمْعرّمة (مليانة)، بِنْحُط صينية على الغاز فيها كمية من زيت الزيتون، بَسْ يُسْخُن الزيت بِنوْخذ اِشْويّة من خليط العِجّة بطرف المعلقة وَبِنزله بالزيت الساخن، إذا نشفت بسرعة بِتْكون حرارة الزيت مناسبة لعمل العجة، بعد هِيكْ بِنْصُب كامل الخليط على الصينية وَبِنفِردُه بالمعلقة لَيْغطّي كامل مساحة الزيت، بعد هِيكْ مِنْوطّي الغاز وَبِنْضّل اِنْداير الصينية تَايْصير حواف العجّة اِمْحَمّرة، بِنقْلِب في نفس الصينية أو في صينية أخرى وَنِرجع اِنْداير الصينية على الغاز لَحَتّى يصير وَيتْحمّر من تحت، مرة أخرى.

في هذا الوقت صاروا يضيفوا بقدونس مفروم أو كزبرة مفرومة لخليط العِجِّة السابق لإعطاء نكهة مميزة وكمان صاروا يضيفوا ب (كِنْج بَاوْدَر) لزيادة ارتفاعه وَنَفاشِه.

هناك طقوس خاصة في مدينه الرمثا بالنسبة للعجة، تؤخذ في صَباحيّة العروس من أهلها، وهو طبق أساسي في صباحية العروس، ويسمى أيضاً قُرص البَخت، وكان يُعتقد أنه قُرص العِجّة، وإذا كان زَابِط شِكلُه ومتقن فإن حياة العروس ستكون مستقرة، وأيضًا كان يُعمل في النفاس لتغذية النفساء لأنه قمته الغذائية عالية.

فتة اللُّوف

أكله محلية طيبة تنعمل بأخر الشتاء وأول الربيع بالوقت اللي يكون فيه نبات اللوف.

المكونات:

نبات اللّوف، بصل، زيت زيتون، خبز مقطع، ثوم، ملح.

طريقة الطبخ:

بنلقط عشبة اللوف اللي تطلع بالربيع من تحت الشجر ونغسلها ونفرمها.

بنفرم البصل ونقليه مع زيت زيتون لما يستوي بعدها بنحط اللوفات ونحركهن مع البصل والزيت تايذبلن مليح، بعدها بنحط عليهن مي وبنتركها تا تغلي بنفت خبز بالعجنة وبنحط عليه الشوربة اللي سويناها بندق ثوم مع زيت وملح وبنشرب الفتة فيه.



اللُّوف

عشبة لونها أخضر موجودة في الوديان، نعمل منها أكلة بإضافة اللبن تنطبخ.

المكونات:

لبن، ملح، اللوف.

طريقة الطبخ:

بِتْكون بقلة اللوف إمْلقطة وناشفة، وبعد ما تكون ناشفة بنكون مَارْسين اللبن وحاطينُه على الغاز لَيغلي ويكون عاقد وثقيل، أبِنْدير عليه أوراق اللوف الناشفة وبِنتْرك اللبن يطبخ عليه لما يِخثر في الطاسة، وبِنْحط الملح وبِنظل إنْحرك لما يِجهز الأكل.

المعدات:

طنجرة، مصفاي، صدر، كفكير.





الفَطيرَة العَقْباويّة

الفطيرة العقباوية مثل الكعك المعاني بَس بدون سكر، وهي تراثية شعبية قديمة تعتبر من الحلويات أو المخبوزات العقباوية، وهي صحية وبنُحضِّرها في الأعياد والمناسبات المختلفة.

المكونات:

طحين، خميرة، سمن بلدي، حبة البركة وينسون، شومر، كركم، ومحلب مطحون.

طريقة الطبخ:

أول إشيْ بِنِعْجن الطحين بالطشت، ونْحُط عليها مَيْ وينسون وحبة البركة وشومر حب وشْوَيّة كركم وسمن بلدي وخميرة ورَشِّة ملح، وتْسيبيه يِخْمر ساعة، وبَعْدين اِنْجيب القوالب الخشب ونْجيب العجينة ونْقَطعها قِطَع صغيرة، ونْسيبها تِرْتاح على القماشة، وبَعْدين بِنْكَبّس قِطع العجينة بالقالب الخشب ونْحُطْها في الصينية تَبَعَتْ الفرن بَعد ما نِدْهَنها بالزيت، وبَعدين اِبْنُخبزها. بتْتاكل بالأيدي مع بَرّاد شاي (إبريق) مع نعنع.





خُبُز بِبَصَل

المكونات:

جاج، بصل، ملح، فلفل أسود، ورس، طحين أبيض مع قمح، حبة البركة (قزحة)، سمسم، زيت زيتون.

طريقة الطبخ:

بِنْعُسّل الجاج وِنْصفّیه وَنُفْرم بصل بکمیة عدد الجاجات، وَبِندْعَك البصل بالملح والفلفل والوَرْص، بعد هِیكْ بِنْحُطُ الجاج على البصل وَبنِدْعَكُه ببعضه، بعدها بِنْحُطُّه بِفُرن اِمْحَمّی مسبقاً علی نار متوسطة، وَنُتْرُك الجاج یسْتوي وَیُوخِذ لون اِمْحَمّر.

بِنِعْجِن عجِينة عويصة نُصْها طحين أبيض وَنُصها أحمر، مع قِزحة وسُمسُم، في ناس ما بِتحب تُحُط قِزْحة وسُمسُم إمْشان ما يِتشقق الرغيف معها لما تُرْقّه، وفي ناس بِتْحُط طحين أبيض عَ الحل (لَحالُه) إمْشان يكون لون الرغيف أشقر، وبعد ما نِعمل العجينة بِنْقَرّصْها لَقِطع مختلفة الأحجام، بِدْنا هون وَحْدة صغيرة ووحدة أكبر ووحدة أكبر إشْوي، كمان إمْشان نِعمل كل ٣ قُرْصات رغيف خبز ببصل، بعد هِيكْ نتْرك القُرْصات يرتاحَن إمْشان نِقْدر إنْمِدهن براحِتْهن.

وَبِطنجرة عَ الغاز بِنْحُط زيت أصلي (زيت زيتون) وكمية مناسبة من البصل المفروم مع رشّة ملح وفلفل ووَرْص لَحَتّى تِذبل البصلة وَتِسْتوي.

نِبدأ بالقُرْصة الصغيرة، نِدْهن السِّدِر بزيت زيتون وَبِفَضِّل إِنَّا إِنْرُق العجين على طاولة أوسع، وَنْبَلَّش إِنْرُق العُرْصة الصغيرة لَحَتَّى تِصير إِمْدَوّرة ورقيقة، وَبِنْحُط عليها البصل المِسْتوي مع الزيت، وَبِنفْردْها عليها مع الضغط عليها، بعد هِيكْ بِنْسكّر العجينة كلْ جنبين إقْبال بعض بِنْطَبقْهن على بعض، فَبتْصير العجينة على شكل مربع، بعد هِيكْ بِنْرُقّه وَنُتركه عَ جنب، وَبنوخِذ قُرْصة أكبر اشْوي من الأولى وَبِنفْردْها وَزِرُقْها تَا تْصير اِمْدوّرة ورقيقة، وَبِنْوزُع عليها بصل وزيت حتى نغطيها بالكامل، وَبِنْجيب القطعة الأولى يَلِّي عملناها على شكل مربع وَبِنْحُطُها بِلُب القُرْصة الثانية المرقوقة وَبِنْسكّرها كل جنبين اِقْبال بعض، يِنْسكّرهن على بعض وُبِنتْركهم على جنب، وَبِنوخِذ أكبر قُرْصة فيهن وَبِنرُقْها وِنْوَسِّعها لَحَتَّى تِصير اِمْدوّرة ووسيعة وَبِنْوزُع عليها بصل وزيت، وَبِنْحُط القطعتين يَلِّي عملناهِن بِلُب بعض فيها وَبِنْسكّرها المُدوّرة ووسيعة وَبِنْوزُع عليها بصل وزيت، وَبِنْحُط القطعتين يَلِّي عملناهِن بِلُب بعض فيها وَبِنْسكّرها كل جنبين اِقْبال بعض، بِنْسكّرها بِسُدر الشَّوي المُوبي تَرتاح، بعد هِيكْ بِنْحُطها بِسِدر الشَّوي الوسيع، وَبِنْضَل نِضغط بأيدينا عليها وِنْوسّعها وِنْرُقْها تَا تِفْرد معنا وِتْعَبِّي سِدر الشَّوي، وَبِنضْعَطها اِمْشان ما ترجع تِكْمِش، وِبنْكَره نفس الخطوات مع القُرْصات يَلِي عملناهن تَا تِخْلص العجينة كلها.

يعني هِيكُ كل ٣ قُرْصات حَطّيناهِن بِلُب بعض، وعملنا منهن رغيف وسيع، بعد هِيكْ بِنْحُط الرِّغْفِة



في سِدر الشَّوي المدهون بزيت زيتون وِنِشْويها في فرن حامي على نار متوسطة لَحَد ما يِصير قاعتها ذهبية وِبنْحمّرْها من فوق.

بعد ما نُخبز كل الرُّغْفة في الفرن بِنْحُطهن في سِدر التقديم فوق بعض بشكل اِمْرَتِّب وِبِنْحُط عَ الوجه من البصل وزيت صينية الجاج يَلِّي عملناها اول إشِي، وِبِنْرتب الجاج على الرغيف الأخير من فوق ونْرُش سِمَاق ومكسرات للزينة.

حالياً صاروا يِزينوا وِجه الخبز ببصل وشرائح بندورة وفليفلة حلوة ملونة وليمون وخس يِتْقطّع باليد على الأصول ويؤكل باليد كمان مع لبن رايب وسلطة ومخلل.



أقراص نَعْنَع بَرّي

المكونات:

بتتكون من عجين، نعنع بري، بصل، زيت زيتون، ملح، سماق بلدي.

طريقة الطبخ:

بَعجن العجينة ومكونة من ثلثين طحين قمح وثلث أبيض، كانوا زمان بِستعملوا طحين القمح لحاله وملح وخميرة، لكن في هاي الأيام صرت اضيف على العجينة بيضة وحليب وزيت زيتون حسب الرغبة.

أما طريقة عَجْن العجين: بَجيب الطحين بَنخْله بالمنخل وبَحُط الطحن بِلَقن الألمنيوم، وبَفّور الخميرة بكاسة وبَحُط عليها مَيّه ساخنة ومعلقة إزْغيْرة سكر، وبَغطيها على بين ما تفور وبَرش على الطحين إشْوية ملح، وبعد ما تفور الخميرة بَحُطها على الطحين وبَعجن العجين بالميّه الساخنة لحد ماتْصير العجينة متماسكة، صار بي عجنات على الكهرباء صرنا نستعملها، بَغطي لَقَن العجين وبَلُفه بِحْرام على بين ما تخمر العجينة، لما تُنفخ العجينة وتقطيعها بكون سهل بعرف انه العجينة اتْخمّرت.

وبعدها بَجِيب النعنع البري بَغسله، وبعدها بَفُرمه وبَحُطه بِجاطِ وبَفرم فوقه البصل فرمة ناعمة، وبَرُش الملح والسماق البلدي وزيت الزيتون وبَخلْطه كله مع بعض إمْليح.

بعد ما تخمر العجينة بَقطّعها وبَعملها أقراص وبَحشيها بالنعنع، وبعدها بَرُقها بالإيدي على شكل قرص إمدور وشكل مُثلث، كانوا زمان يعملوها رغيف الخبز العادي ونخبزها بفرن الزبل، بعدين صارت تنخبز بالفرن اللّي بالبيت (الغاز)، بَخلّيه لحد ما يتحمر، وبَطلعها من الفرن وبيكون جاهز للأكل.





قُرص الحُمّيضة

الحُمِّيضة من الأعشاب البرية، كنا إنْلقطها زمان من البراري، في كثير أماكن بتعيش فيها الأعشاب البرية، لكن هالأيام قلّت مِشْ مثل أول صار الحرث بالتركتورات وصارت تشلع النباتات البرية من شروشها وبطل بي أراضي فاضية زي زمان، صارت كل الناس إتْعمر وصار عدد الناس إكْثير، ممكن تخلص هاي الأعشاب وتْبطّل تِطلع بالأراضي، لكن صار بيه مزارع إبْنزرع بيها كل أنواع الأعشاب البرية، طبعًا الأعشاب البرية اللي بتعتمد على مية الشتاء طعمها أزكى من أعشاب المزارع.

المكونات:

عجين وعشبة الحميضة وبصل وملح وسماق بلدى أو عصير ليمون وزيت زيتون.

طريقة الطبخ:

بَجِيبِ الحُميضة بَنقبها وبَفرمها وبَحط عليها ملح وبَفْركها وبَعْصّرها من مَيّتها وبَعَسلها بالمَي إمْنيح، وبَرجع بعصّرها إمْليح من المَيّة، وبَحُطها بِجاط وبَفرم عليها بصل فرمة ناعمة، وبَحط الملح والسماق البلدي، أو عصير الليمون بدل السماق، وبخلطهم إمْليح مع بعض، وبِتكون هيك جاهزة الحُميضية للأقراص.

وبعدها بَجيب العجينة، وبَكون إمْجهزها، وبِتْكون خامرة، وبعدها بَقطّعها على شكل أقراص أو مثلثات، وبَحُط الأقراص على سدر الألمنيوم، وبَحُط عليه إشْوية زيت وبَخبزه بالفرن على نار حامية، وبعدين بَوطّيه إشْوي لحد ما تِتْحمر الأقراص، بتتاكل على الفطور مع الشاي.



الكشك المْجَفَّف والطَّرى

المكونات:

سميدة القمح أو سميدة برغل، مبح، فلفل أسود، لبن، جميد مبروش، سمن بلدي، بصل.

طريقة الطبخ:

الكِشْك القديم بِفْرِق عن الكشك الأيام هاي؛ الكشك القديم كانوا يِجيبوا قمح أو اِسْميدة برغل بَسْ الأصل اِسْميدة قمح وبطبخوها في مَيْ مع رشِّة ملح وفلفل، وكانوا اِمْحضْرين لبن وجميد مِمْروس وبِطُبخوه على اِسْميدة، ولازم اِتْكون ثقيلة اِشْوي، وبِيجيبوا اِقْماش وبِفرْدوا على ظهر الحيط/السطح، وبِيعْملوا مثل الكُرات، وبِنَطْلوها تَنْطيل بالإيدْ، وتصير مثل الأقراص وِيتُركوه تايِنْشَف تحت الشمس ويْخَلُوه مدة زمنية حسب شدة حرارة الشمس تَامَيْظلَش فيه مَيْ وتْروح مَيْتُه من مَرّة حتى ما يْطُولُه عَفن بالمستقبل، بعد هيك بِحْفظوه بأكياس خيش أو ورق وإذا ظل في مَيْ مُشْ رَح يِطَولُ رَحْ يِخْرب، ولما يِجُوا يِطبخوه بِطُولُوه وبِنْقعُوه لأنه يابس أصلاً، بِنْقعوه بِمَي اِمْشان يِطْرا ويِصفُّوه ويِذبُلولُه بصلة ونْحُطلُه سمن بلدي مع البصلة ورشَّة ملح وفلفل وشْويّة ورص، وبعد هيك بضيفوا على البصلة المذبّلة الكشك وبخلْطوه، وهيك بصير جاهز.

أما الكشك الحديث بِصير في نفس الطريقة، نُطْبخ السُميدَة بِمَي ورشِّة ملح وفلفل، ولما تِسْتوي نُتْركها تُبرد ومِنْذبّل بصلة بزيت الزيتون مع ملح وفلفل وورص مع السمن البلدي الأصلي (هنا السمن ضروري لإعطاء نكهة مميزة للكشك)، بعد هيك مِنْضيف البصلة المُذَبّلة إلي السُميدة المطبوخة، بعد هيك مِنْضيف اللبن ونْبَلّش نُخْلطها مع بعضها ونِرجع إنْحُط معلقة سمن بلدي لتعزيز النكهة فتصبح جاهزة لاستخدامها في حشو الفطائر لعمل فطائر الكشك، ومُمكن تفريز الكشك لوقت الحاجة.



المعْلاق

المكونات:

معلاق خروف، سمن بلدي أو زيت زيتون، ملح، بهارات، فلفل أسود، بصل.

طريقة الطبخ:

كانوا زمان لما تنذبح الذبيحة وناس موجودة حوالين الذبيحة كانوا يوخذوا المعلاق ويوكلوا السمرا نيّة وبدون غسول لأنها مفيدة للدم وبقولوا بتقوي الدم، اليوم بطلت الناس توكلها نيّة لأنه صارت تخاف من الأمراض، وكانت لما تولد الولادة وفي صباحية العرسان يفطروهم معلاق، لما بَطبخ المعلاق أزكى إشي يكون على الفطور لما بَجيبه بغسله إمْليح بِمَي وملح وخل وبخلّيه يتْصفّى إمْليح من الميّه، وبفرمه قطع صغيرة وبفرم حبتين بصل بفرمهن ناعم وبَقلّي البصل بالمقلى مع زيت مازولا أو حسب الرغبة بالسمن البلدي، بس مازولا أخف على المعدة، بخلي البصلة إتْصير على صفار، وبعدين بَدير المعلاق على المقلى وبالآخر الكبدة السمرا بَحطها لما يِستوي باقي المعلاق، لأنها طرية وبتذوب بسرعة وبظل أحركه بين فترة وفترة لحد ما يستوي، بكون حاط عليه بهارات وفلفل وملح حسب الرغبة، بديره بصينية الألمنيوم أو ستيلس، بِتقدم على الفطور لما بدي أكرم ضيف وبِتغمس بخبز طابون.



الخُبِّيزة

نوع من الأعشاب البرية تنبت في فصل الشتاء وتطبخ في فصل الشتاء بدون أي مناسبة أو احتفالية.

المكونات:

بصل، ملح، زيت زيتون، الخبيزة، فلفل أخضر حار.

طريقة الطبخ:

نُقلب الخبيزة العرق النظيف الأخضر، بعدين مِنْحطهم في المصفاة ونِغسلهم إكْويس، بعدين مِنْصفيها من الماء وبِنْجيب فرامة ونُفرم عليها الخبيزة قطع صغيرة، بعدين بِنقَطّع بصل وبِنْحطه في الطنجرة وبِنْدير عليه زيت الزيتون، وبِنْظل إنْحرّك فيه لما يِصير لونه أشقر، وبِنْجيب الخبيزة وبِنْحُطها فوقه وبِنْحركها لما تذبل وبِنْحط الملح وقرن الفلفل الحار ونِغَطّيها عشر دقائق، وتِجْهز للأكل.

المعدات:

مصفاة، طنجرة، كفكير، ومغرفة.



حُوسْة الْفيتة (العصار)

المكونات:

نبات الفيتة، بصل زيت زيتون، ملح، بهارات، خبز بلدي، عصير ليمون أم سماق.

طريقة الطبخ:

بَجِيبِ الْفيتة بكون إمْلقطها من البطين أو أي مكان بتطلع فيه الْفيتة، هي من الأعشاب البرية، وبعد ما القطها بِنقبها من العشب وبِفرّزها وبَسلقها وبَعصرها من المية إمْليح على شان يُروح مرارها، على شان هيك سموها العصارة*، بَفرم البصل وثومة فرمة ناعمة وبَقليهن بالطنجرة بزيت الزيتون على بين مايتْذَبّلن ويميل لونهن إلى الأصفر الفاتح، وبَدير فوقها الْفيتة بَحركها بالمعلقة، وبَحُط عليها البهارات والملح، وبَخليها على نار حامية بقدر عشر دقائق وأنا بَقلّب بيها بالمعلقة، وبَحط عليها شوية ميّ، وبَوطّي النار تحتها، وبَغطّي الطنجرة وبَخليها على نار هادية لما تِستوي، بَطفّي تحتها وبَقدمها ساخنة مع خبز بلدى، بَنعْصر عليها ليمون أوسماق حسب الطلب.

فطيرة العَكُّوب

هو نبات شوكى ينمو في بداية فصل الربيع.

طقوس تلقيطه: كانت النساء بِتْروح اِتْلقُط العكوب من الأرض، وكانَنْ يِطْلعن بمجموعات، وإذا لقن بيت عكوب دُغري يِدَورَن على اِجْويرِتها، يعني نبتة عكوب جارة للنبتة الأولى إيماناً من النساء بأن العكوب ينمو ويتجاور لبعضه البعض.

بعد ما يِتْلقّط لازم يِتْنظف وِنْشيل الشوك منه، العكوب يِنقسم لَقسمين: أضلاع وبيوض؛ الأضلاع بِنُفْرمها لأجزاء أصغر لعمل فطاير العكوب والبيوض مُمْكن نعمل صينية مع دجاج بالفرن مثلاً.

المكونات:

نبات العكوب، جاج اختياري، بصل، زيت زيتون، ملح فلفل أسود، ورس، طحين، حبة البركة، سمسم، رشة سكر، خميرة.

طريقة الطبخ:

بعد تنظيف العكوب من الشوك وبعد غسله وفرمه، بِنْحوس بصلة على زيت الزيتون مع رشّة ملح وفلفل وِشْويّة ورص، بعد هيك بِنْضيف العكوب للبصلة ونْقلبه تايِسْتوي، وفي ناس بِتْضيف مُكعب ماجي، بعد هيك نُتركه يبرد، اِبْنِعجن عجينة خميره وطحين زيرو مع قزحة وسمسم ورشّة ملح ورشّة ملح وخميرة، ونْضيف ماء دافئ أول بأول مع العجين لَحَتى نَصل إلى عجينة متجانسة ونُتْركها تِرْتاح وتتخَمّر مع اِتْقسْيها، بعد ما تِخْمر العجينة بِنْقرّصها إما قرص صغير لعمل فطاير حجمها صغير أو كبير لعمل رِغْفة عكوب كبيرة، بِنْرُق القرص على سطح مستوي بعد دهنه بزيت الزيتون، وَبِنْحط كمية تتناسب مع القُرْصة من العكوب والبصل ومِنْسكرها على شكل مثلث وبِنْطبها في سِدر الشَّوي، وإذا كانت القُرْصة كبيرة بِنْرُقها بأيدينا أو بالشوبك وبِنْحُط عليها من العكوب بكمية كبيرة وبِنْرد اِنْرُق قُرْصة أخرى وبِنْحطها فوق القُرْصة الأولى يلِّي حَطينا فيها العكوب وبِنْطبتها على بعض مع الضغط على محيط داير القُرصتين اِمْشان اِيلَزْقَن ببعض ونْحُطها بسِدر الشَّوي بعد دهنه بزيت الزيتون ونِتْرُكها ترتاح اِشْوي، بعد هيك نِضْغط عليها بأيدينا اِمْشان تتوسع وتاخُذ شكل وحجم السدر الدائري وتْصير مثل الرغيف الواسع وبِنْدخلها الفرن الحامي تايِتْحمّر قاعها، بعد هيك مِنْحمّر وجهها من فوق، ولما أَلْطلعها من الفرن نذهنها بزيت الزيتون.



أما تحضير فطيرة البندورة قديماً؛ ما كانت موجودة البندورة على مدار العام مثل وقتنا الحالي فكان الناس يقومون بتجفيف البندورة صيفًا واستخدامها شتاء.

كنا نغسل البندورة ونُصفيها ونُقطعها دوائر أو شرائح رفيعة ونْملحها وجه وقفا إمْليح وبنْشُرهن على شرشف أو على سدور بالشمس على ظهر الدار (السطح)، الملح هون بحفظ البندورة وبساعدها إنها تِفقد المّي بسرعة وبحْميها من الحشرات والنمل وبنْظلن اشْرينْها تحت الشمس من ٣ أيام إلى اسبوع أو أكثر لَحتى تنشف شرحات البندورة من الماء تماماً، بعد هيك مِنْضيفهم بالمرتبانات وبنْضيف الزيت عليهم، وفي ناس اِبْتحفظهم هيك اِمْجففين بأكياس محكمة الإغلاق، وفي الوقت الحالي هناك بعض النسوة تعمل على تجفيف البندورة بسرعة بواسطة الفرن مدة ثلاث ساعات تقريباً لَحتى ينشف الماء يلًى بداخلها شرحات البندورة مع إضافة الملح لها، لكن قَلَّ عَمَل البندورة المجففة حالياً بسبب إننا نجد البندورة الطازجه في الأسواق على مدار العام، لما بدنا نستعمل البندورة المُجَففة لعمل الفطائر ننْقعها بمَى فاترة، بعد هيك بنْصفّيها ونُفْرمها ونُفْرم بصلة ونْحوسَها على النار مع رشِّة ملح وفلفل لَحتى تذبل، بعد هيك نُخْلط البندورة مع البصل ونحْشيها بعد ما انْرُق قُرْص العجين ومنْسكرّها مثل طريقة فطائر العكوب وندخلها الفرن المُحمى مسبقاً لَحَد ما تستوى وتتْحمر، حالياً فطاير البندورة الطازجة غالباًما بتْكون مع لحمة حسب الرغبة، إنْحوس بصلة مع زيت الزيتون ورشِّة ملح وفلفل ونْضيف عليها لحمة مفرومة تاتسوي، بعد ما تستوى وُتبْرد إنْضيف إلْها مكعبات البندورة المفرومة والمُصَفّية بدون ما نْحُطها على الغاز، يعنى نيئة، وفي ناس بتْحب اِتْحُط مكعبات الفلفل الأخضر أو الكزبرة المفرومة لإعطاء طعم مميز، وبعد هيك نُخْلط الخليط ونحْشيه بالعجينة بعد ما نْرُقّه مثل طريقة فطاير العكوب ونشْويه بالفرن، بعد مايتْحمّر بنطلعه وبْندهنه بزيت الزيتون.



الشُّبْسِة/ الحُويرْنِة

هي نوع من الأعشاب ينبت في فصل الشتاء والربيع.

المكونات:

شِّبسة (حويرنة)، لبنة بلدية، ملح، وزيت الزيتون.

طريقة الطبخ:

نُقلّب الشِّبسة، الورق النظيف، بَعدين بِنْحطها في المصفاة إمْشان نِغْسِلها ونْصفّيها على المصفاة إمْشان الماء تتصفى منها، إبْنيجي نُفْرمها فَرْم صغير، بَعدين بِنْحطها في جاط، ومِنْظل إنْرصْرِص فيها لما تطلع المَي كلها من الشِّبسة، وبِنْدير عليها ملح، وبِنْظل نُفْرك فيها، بَعدين بِنْحط عليها اللبنة البلدية ونْظل إنْلوخ في الكفكير لما يصير مخبوطة مع اللبنة والملح إكْويس، وبَعدين بِنْحط إشْوية زيت بلدي، وهيك مِنْصير نأكلها في أي وجبة.

المعدات:

مصفاة، جاط، طنجرة، كَفْكير، غرّافة.



خيار باللبن

المكونات:

خيار، لبن، ملح، نعنع.

طريقة الطبخ:

بَفرم خيار فرمة ناعمة بعد ما أغسله، وبَدير عليها لبن رايب، بعد ما أخفقه إمْليح بحط ملح حسب الرغبة ورشّة نعنع ناشف، وبحركهم إمْليح مع بعض، وهيك بتكون جاهزة للأكل.



سَلَطة العلتْ

المكونات:

نبات العلتْ، بصل، ملح، زيت زيتون، سماق أو عصير ليمون.

طريقة الطبخ:

كنا بِنْلقطه من البراري وقت الربيع، بَنَظف العِلِت من أي ورقة خربانة، وبفرمها فرمة ناعمة وبَحُطها بِجاط وبَرُش عليها أشْوية ملح، وبَفركُه بإيدي، وبَظل أفرك بيها لحد ما تنزل مَيتها منها، وبَعصرها إمْليح من مَيتها، لازم أفرك العلت وأعصره على شان أقيم المَرار منه، وبعدين بَغسْله بالميّة أكثر من مرة غسول إمْليح وبَعصره من الميّة إمْليح، وبعدين بَحُطه بِجاط ثاني، وبَجيب راس بصل وبَفرمه فرمة ناعمة إكثير وبَحُطها فوق العلت وبَحط زيت زيتون وشْوية ملح وسماق بلدي وبَخْلطهن مع بعض إمْليح، وبَذوق طعمها إذا بِدْها سماق أو ليمون زيادة، ممكن تِتّاكل وجبة لحالها ونغمسها بخبز بلدي. ممكن نستخدم الجاطات البلاستك أو الملامين ومعلقة الخشب للتحريك وصحون القزاز.







سَلَطة بَنْدُورَة مع بَصْل (سلطة الحراثين)

المكونات:

بندورة قاسية وحمرا، بصل، سماق بلدي، شوية ملح.

طريقة الطبخ:

بَجِيب البندورة بنقيها قاسية وحمرا وبَفرمها فرمة ناعمة، وبصل بقشره وبفرمه فرمة ناعمة، وبجيب جاط وبخلط البندورة مع البصل وبَرُش عليها السماق البلدي وشْوية ملح وبَحط عليها شوية ميّه، كانوا أول الحراثين يسوّها وهم يحرثوا بالأرض من باقي البصل والبندورة اللي بتكون مزروعة بالأرض لما يخلص الموسم، مع السماق بلموهن الحراثين، بنفرم فرمة ناعمة وبخلطهم مع بعض وبوكلها مع رغيف خبز على شان هيك سموها (سلطة الحراثين)، بنوكلها هاي الأيام مع المجدرة أكثر إشي أو الكبسة أو المقلوبة.

سَلَطة طْحينَة وبندورة

المكونات:

بندورة، طحينة، ليمون، ثوم.

طريقة الطبخ:

بنجيب حبات البندورة القاسية إشوي ونغسلها ونفرمها فرمة ناعمة ونحطها على جنب، وبنجيب إشوية طحينة وبنحطها بِجاط قزاز صغير ونعصر عليها ليمون حسب الرغبة ونخفقها بالمعلقة حتى يصير لونها أبيض، وبعدين بِنْدير عليها البندورة المفرومة، وبنْرُش عليها إشْوية ملح ونفرم عليها سن ثومة، في ناس بِرُش عليها إشْوية بقدونس مفرومة ناعمة، ونخلطهم مع بعض وبتصير السلطة جاهزة وبتتقدم مع السمك والرز.



سَلَطة بطاطا

المكونات:

بطاطا، ثوم، زيت زيتون، ملح، فلفل أسود، بقدونس.

طريقة الطبخ:

بَجِيبِ الطنجرة بَحُط بيها البطاطا زرور قبل ما أقشْرُها، بدير عليها مي وبَحُطها على نار حامية وبِتظل على بين ماتِنْسلق البطاطا، بعدين بَقشّر البطاطا وبقطعها مكعبات إزْغيْرة وبَحُطها بِجاط وبَفرم سنّين ثومة أو بدقها، وبَحطهن على البطاطا وبَحط إشويّة ملح وفلفل وزيت زيتون وشْوية بقدونس مفروم، وبَخلُطها كلها مع بعضها البعض بتكون هيك جاهزة للأكل.

البَيَضْ

ممكن نعمل من البيض إكْثير من الأكلات التراثية، كانت كل عِيلة عندها خُم بِربّوا فيه الدجاج، لما يِجي ضيف عندهن بِذبحوا دجاجة، والدجاجة بِتبيض بيضة أو بيضتين كل يوم على شان هيك كانت البيضة وجبة بوجبة للكبار والصغار لليوم.

البيض الفَقِس مع السمن البلدي:

بِنْسَوّح معلقتين سمن بلدي ومن ثم إمْنفقس البيضة أو ثتنين أو أكثر حسب الطلب، وبعدها مِنْحط إشْوية ملح وفلفل حسب الطلب.

البيض العيون مع السمن بلدي:

مثل البيض المَقْلي بَسْ بِتْظل البيضة على شكل العيون.

بيض عِجّة أو قرص بيض:

بيض وبصل وثوم وطحين قمح أو أبيض، بَخْفُق البيض بِجاط وبعدين بَحط البصل والثوم المفروم والبقدونس وشُويّة نعنع ناشف، وبَخلطهم لما يِصير لزج، وبَحُط سمنة بلدية في المِقلاية أو زيت حتى يسخن، وبعدها بَدير البيض المخفوق حتى يِصير لونه على صفار، وبعدها مِنْحطه على وجبه الفطور أو ممكن وجبه الغداء.

بيض السلق:

بَحُط البيض بطنجرة فيها مَي، وبَحُطها على النار، بَخلّيه لبين ما تِسْتوي البيضة، بعدين بَطَلعها وبَقشّرها وبَقطّعها وبَحُط عليه زيت بلدي مع رَشّة زعتر، وبِتتّأكل على الفطور أو لحالها بخبز شراك أو طابون أو عادى.

الِمْشاط:

هو عبارة عن زهرة إمْقطّعة قطع حجم وسط، وبنِفْقس البيض بِجاط مثل العِجّة، فقط بيض وطحين بَخْفق لما يِصير لزج، ونُسلق الزهرة، وبعدها بِنْغُط الزهرة بالبيض، وبِنْكون حاطين زيت بالمقلى حتى يُسْخن ونْقَلي فيها المشاط، بَخلّيه على النار لما يصير لونه أصفر، وبعدها بكون جاهز للأكل.





بَيْض مع بطاطا قُلي

بَقْلي البطاطا بالزيت حتى يصير لونها على حَمَار، وبعدها في مقلى نِقْلي البطاطا مرة ثانية بالسمن البلدي، ولما إِنْسَخّن السمنة إبْنِفقس البيض عليها، ولما يِسْتوي البيض والبطاطا بِتْغمس بالخبز الطابون أو العادى.

صارت الناس هاي الأيام إبْتستعمل البيض بالسلطات وأكلات المعكرونة وعمل الحلويات مثل الكيك والخبز الحلو.

إمْفَرّكة بطاطا وبيض:

بَقشر البطاطا وبَفْرمها مكعبات وبَحطها بالطنجرة مع السمنة البلدية أو الزيت، بَخليها على نار هادية بَس يصير لونها أصفر بَفْقس البيض عليها، وبعدين بَتركها حتى تنشف، وهيك صارت جاهزة للأكل، كانوا زمان يستخدموا صحون الألمنيوم ومقالي الألمنيوم.







مُربّى الباذنجان

إحدى الأكلات الشعبية في منطقة الأغوار الجنوبية ويستعمل فيها الباذنجان والسكر، وتخلط وتغلى على نار هادئة حتى يتحول الباذنجان إلى مربى.

المكونات:

باذنجان صغير، سكر.

طريقة الطبخ:

في البداية، نحضر الباذنجان ونختار الحب الصغير، ويغسل جيدًا ويُقطّع إلى قطع كبيرة الحجم. ونتخلص من رأس حبة الباذنجان والشوك.

ونخلط قطع الباذنجان مع الماء وتكون كمية الماء كبيرة يعنى أكثر وتغطي الباذنجان الموضوع في طنجرة كبيرة.

ونقوم بغلي الباذنجان مع الماء لمدة ساعة وبعدها نضيف كميات كبيرة من السكر ونخلط حتى يذوب السكر ونحافظ على تماسك قطع الباذنجان.

نضع الباذنجان مرة أخرى على نار هادئة حتى ينضج ونحتاج إلى ساعة ونصف، وبعد ذلك يتحول المخلوط إلى مُربى جاهز للأكل.

يقدم المربى للفطور ويخلط مع زيت الزيتون وهو مغذي وجيد، خصوصًا لعسر الهضم.

هذه الأكلة موجودة في الأغوار بسبب توفر الباذنجان بكميات كبيرة ورخيص الثمن. ويوجد عائلات كثيرة تعمل مربى الباذنجان وهي أكلة ليست معروفة من أيام زمان وما كان يعرف أن الباذنجان يعمل منه مربى.





رَاس العَجْل



راس العجل، الحمص المنقوع، البهارات، ورق الغار، خبز الشراك، لوز ،صنوبر حسب الرغبة.

طريقة الطبخ:

أولاً نغسل الرأس (ويكون مقطع) بالميّ والصابون ونشطفه بالميّ والملح، بعدها بَحط الطنجرة على النار على شان ينْسلق، وبَحط عليه البهارات وورق الغار على شان إتْروح الزنخة، وبعدها إنْحط الحمص المنقوع، وبِظل يغلي حتى يستوي، وبكون إمحضّر بالصينية فتة الخبز الشراك أو القمح البلدي وبنفس الطريقة الطُّراف بعمل رأس العجل، وممكن إنْرش عليه اللوز أو الصنوبر والسمن البلدي حسب الطلب.



الحُمِّص بالطحينة

المكونات:

الحمص ومنقوع، قبل إبْليلة بَحط على مَيّة النقع كربونة على شان ما يْصمّخ، وطحينة وسنّين ثومة وليمون وملح.

طريقة الطبخ:

بَسلق الحمص لحد مايذوب، وبَحُطه بِجاط، وبَدقّه أول إشي بالمدقة أو بَطحنه بالخلاّط على الكهرباء. بَجيب جاط وبَدُق فيه سنّين ثومة، وبَرُش عليه إشْويّة ملح، وبعدين بَحط طحينة وبَعصر عليهم ليمون، وبَحركهم بالمعلقة لحد ما تختلط الطحينة بالليمون ويصير لونها أبيض، وبعدها بَحط الحمص المطحون وبَخْلطهم إمْليح بالمعلقة حتى يتجانس كله مع بعض وبَحط ليمون حسب الطلب، وبَحطه بِجاط وبَزينه بِشويّة حمص حب وبَحط عليه زيت زيتون وبقدمه، أكثر إشي بتتاكل على الفطور وخصوصاً يوم الجمعة.





حُوسة بندورة وكوسا

المكونات:

كوسا كبير، بندورة، فلفل حلو، فلفل أخضر، بصل، ملح، بهارات.

طريقة الطبخ:

بَغسل حبات الكوسا وبَقطُعه مكعبات، والبندورة بِتكون طرية بَقشرها وبَفرمها، وبعدها بَقشِر البصلة وبفرمها فرمة ناعمة، بَجيب القلاية وبَحط فيها إشْوية سمنة نباتية أو إشْوية زيت، وبَحط البصلة الناعمة وبَحط الفلفل الحار الأخضر مفروم ناعم وبفرم إشْوية من الفلفل الحلو بَذبلهن إشْوي على نار هادية، وبعدها بَحط الكوسا بَخليه يِتْذبل إشوية على نار هادية، وبَغطّي القلاية قدر عشر دقايق، وبعدها بَحُط البندورة بَخلّيها على نار هادية وبَغطّيها على بين ما تِعقد، بطفي تحتيها وبقدمها ساخنة للعيلة.



قَلاَّية البنْدُورَة

المكونات:

البندورة الحمرا الطرية ولحمة الخروف مفرومة راس عصفور صغير، وفي ناس بحبها قطع، وبصل مفروم ناعم وسمن بلدي أو شوية زيت حسب الرغبة وبهارات وملح وفلفل. ممكن عمل القلاية بلحم عجل راس عصفور.

طريقة الطبخ:

نغسل البندورة وبَحطها حب بالطنجرة وبدير عليها مَي وبخليها على النار على بين ما تغلى إشْوي على شان أقدر أقشرها بسهوله نفرم البندورة فرم ناعم أو ممكن نفرمها فرمة ناعمة مع قشرها، بعدها إنْقلي لحمة الخروف ونْخليها على النار الهادئة نحط عليها إشوية سمنة أو الزيت حتى تذبل إشوي مع البصل المفروم الناعم، وبعدها نضع البندورة المفرومة على اللحمة وبخليها على نار حامية إشوي أول اشي، وبعدين بَوطِّي النار تحتها وبَغطيها وبَخليها تستوي على مهلها وبَرُوش عليها البهارات والملح والفلفل، وبعدها بَحطها في صينية ألمنيوم، ونْغمِّس في الخبز القمح البلدي وتِتْأكل جماعي.





الخُبز

أيام زمان كنا نخبز كل يوم، أما هاى الايام بنخبز مرة كل اسبوع أو عشر تيام مرة، وبدْنا نحكى كيف رَحْ يخَمّر العجين لَحَتّى يصير خبز، وهو عبارة عن خبز عويص نِعجنه ونْحُط عليه مَىْ ونْحُط ملح، ونُخبزه مُشْ خامر، ولمّا يكون خامر العجين إِبْنعجنه وعليه خميرة، وكانت تِتْسوى الخميرة إنها تِنْحط بصحن أو كاسة وشْوَيّة خميرة ومَيّه حامية وبنْغَطيها بربع ساعة بتكون فايرة، وأيام زمان لما ما كان في خميرة كانوا يخلُّوا خميرة من العجينة نفسها، يعني نوخذ شوية عجين عويص اِنْخمِّرها زَي ما تقول اليوم اِنْصُب اِشْويّة ونْخَمّرها ونْهوّيها، وما كنت أسّوى غير خبز الشراك أيام زمان، ونوكِل مع الخبز زيت وزعتر وسمنة وحمص، وتخبز على الفرن كمان، وطبعاً إِنْنشترى خبز من السوق، وطبعاً اللَّي بنْعَمل على إيدك أزكى، وفيه مثل بقول: (اللّي أمه خباّزة ما بجوع)، ومن وقت كورونا كنا نُخبز يومي ونُوكله طازَه، والخبز الموجود عندى بَخبُزه من قمح مخلوط أبيض ثلثين بثلث، وابْنعمل بالخبز العويص لزاقيات ونْحُطْهن بسمنة بلدية وسكر، وبنعْمل قطع صغيرة من العجين، والقمح أنواع اقْريحة وهيتيّة حمرا، واحنا بنقى بالقمح على شان نطحنه بطلع معنا حبة الكرسنة مرات وهاى الكرسنة أكل أو علف للحيوانات بنقيمها وحبة الطابون زَى السُّودا والطابون هاى بتكون بُين القمح وبنقيمها وبنقيم الحجار ومرات بكون فيه شعير في ناس بخليها تنطحن مع القمح وناس بقيمها، وأحسن إشي الهيتية والقُريحة (الهيتية والقريحة أنواع القمح) دايماً ترْخي وقصدي عن قِشر القمح هاي الأسماء وكنا نروح عند أبو فارس صويص بالفحيص نطْحن القمح طحين، وكانَنْ قبل يفتّن وهِنِّه يُحْبْزِنْ، كان يفتّن فارْدة كل ثنْتين مع بعض، ولما ينْرَق العجين ما بنْرَق النُّص زَي الأطراف، ولما بنْرُقِّه بالنُّص يدقِّر، وكنا ما نْصَدّق يوم ما يصير عِنّا أفراح عَشان نُخْبِر ونِعْجِن، وكله على النار، وأيام زمان كنا نُوكل خبر الشّراك مع قِطْف إعْنب ومع كاسة الشاي، وكنت أقطّع حطب مع أبوي، وكنّا إنْساوي جنْزارة القمح يعني هو عباره عن دواء عَشان أدير بالى على القمح ما يخْرب.





خُبِزْ الشِرَاكُ

المكونات:

الطحين القمح، والطحين الأبيض، الخميرة، الملح، الميّ.

طريقة الطبخ:

بِنجيب الطحين بنخّلة باللقن اللمنيوم بنحُط الطحين قَمح ثاثين بِثلث طحين أبيض وبنِخلَطهَن مع بعض وبنفوّر الخميرة وبديرها عليه أو بحطها على الطحين بدون ما افورها وبحط شوية مِلحْ وبعجن بالميّ الفاترة حتى تتماسك العجينة وبخليها تِتخَمَر وبخبزها على الصاج واذا بدي خبز عويص بعجن العجنة بدون خميرة وبس اعجنها بخليها ترتاح شوي وبخبزها ولما ببلش اخبز بكون مجهز الصاج على النار مولعة وحاميّة لازم يكون الصاج حامي لما احط عليه الشراكِة اذا شفته حامي كثير بظل اكب عليه شويه مي حتى يبرد شوي على شان ما تِنحرِق الشراكِة وانا بخبز بِنستعمل الخبز الشِراك بالمنسف، وبنعمل منه الفطيرة وناس بوكلوه ناشف أو مع زعتر، ولبنه.





خُبز الطَّابون

خبز من أقدم أنواع الخبز اللّي مِنْسوّيه من زمان وسنين طويلة ومن مئات السنين أيام جدودنا وآبائنا.

المكونات:

طحين بلدي، مَي، ملح.

طريقه الخبز:

نضع الطحين في المعجن ونضيف إليه الملح والخميرة بالقدر المناسب ثم نبدأ بالعجن، ونضيف الماء أول بأول ونبقي نعجن حتى يختلط الطحين مع الماء إختلاطًا تامًا (ليس رخوًا وليس شديدًا)، ثم نتركه حتى يختمر.

نذهب إلى الطابون ونحميه بواسطة الحطب وننظف بمكنسة خاصة، ثم نقوم بعمل قطع مناسبة من العجين ونضعها على الطبق، ثم نصنع هذه القطع بعد رقها بحجم مناسب في الطابون. ونغطي الطابون حتى تتوزع الحراراة ونكشف عنه أولًا حتى نرى أن قطع العجين أصبحت ذهبية فنخرجها بواسطة المقلاع ونضعها في الطباقة.

وهذ النوع من الخبز مازال آباؤنا وأجدادنا يتحسرون عليه لطيبته. أما الآن فلم يعد هناك طوابين إلّا نادرًا، واستعيض عن ذلك بالأفران الحديدية.

المعدات:

شرشف أو بطانية، جاط، مقلاع.



الخَامر

الخامر نوع من أنواع الخبز يُقدم في أيام العزاء للمعزيين ويُقدم مع الشاي.

المكونات:

طحين قمح، زيت زيتون، حبة البركة، سمسم، سكر، ملح، خميرة.


طريقة الطبخ:

اِنْبِس كمية من الطحين (طحين القمح) مع زيت أصلي (زيت الزيتون)، ثم نضيف سمسم وقزحة وشُويّة سكر ورشِّة ملح ونضيف خميرة على المكونات، ثم نضيف الماء الدافئ بشكل تدريجي أول بأول مع العجين لَحتى تتكون عجينة متجانسة.

بعد هيك مِّنغطِّي العجينة ونتركها تِرتاح في مكان دافئ حتى تتخمر مضبوط، بعد ما تتخمر بنْقرَصها ونُتْركها تِرتاح، كَمان مرة اِمْشان نِقدر نِفْردها بسهولة ونَاخُذأول قُرصة ارْتاحت ونِفْردها بشكل دائري بأيدينا أو باستخدام الشوبك ونضعها في سدر مُخصص للشَّوي، بعد دهنه بِشْويّة زيت بِنْدخُل السدر في الفرن المْحَمِّى قبل اِبْوقت لَحتى يتحمِّر قاعها، ونِرْجع اِنْحمِّر وجهه الخامر حتى يَاخُذ لون ذهبي ويصبح جاهز للتقديم ونقدمه مع الشاي.



العَرْبود



سبب عمل هذا الخبز بالاصل هو انه يكون الواحد أو المجموعة بمكان بعيد أو ناويين يغيبون مدة من الوقت بأماكن بعيدة مثل الصحراء وما يكون متوفر خبز بهذي الأماكن ولو اخذوا خبز ما يكون صالح للأكل لوقت طويل علشان هذا ياخذون طحين القمح لانه يتحمل التخزين لوقت طويل ويخبزونه عند الحاجة.

يعجن طحين القمح بالماء واهم شي تكون العجينة ثقيلة لاقصى حد لان العجينة الرخوة ما تصلح، يجمع كمية كبيرة من الحطب الجيد ويوقد لما يصير جمر بعده يرق العربود على شكل رغيف غليظ ويقسم الجمر قسمين قسم تحت العربود وقسم فوقه ونغطي بالجمر لما يستوي البعض إذا يلقى صفاة ملسا يوقد النار فوقه وبعد ما تصير جمر يحط الرغيف فوقه ويغطيه بالجمر لأن الصفاة تكون حامية بشكل كافي حتى الرغيف يستوي.

العربود يؤكل اما مع الحليب أو الشاي أو يفت بالحليب والبعض يخلط مع عجينة العربود فلفل اسود وبصل.





سَليقَةُ القَمْحِ (البرغل)

المكونات:

قمح، مي.

طريقة الطبخ:

بِنْجيب قِدِر وبنحط فيه مَيْ وبِنْحُطه على النار، وبَعدين بِنْجيب القمح وبِنْظفه من الحجار الصغيرة وبِنْغُسله بالمَيْ وبِنْحُطه بالقِدِر اللّي فيه مَيْ اللّي على النار، وبِنسُلقه إمْنيح من ساعة لَساعة ونُصْ تقريباً، وبَعدين بِنْشيلُه عن النار وبِنْصفّيه من المَيْ، اللّي بِدُّه ياكُل بِيُوكل أو بِنْدشْره بالشمس لَحَتّى يِنشف وبِجْرُشوه على طاحونة (الرحى) اللَّي هي حجرين دائريات فوق بعض وبِطَلْعوا من هذا القمح بُرغل ناعم وبرغل خشن، البرغل الناعم بستخدموه للكباب والخشن للمْجَدّرة والرَّشوف.



الدلويات النراثية الأردنية

الفَطيْرة

الفطيرة أكثر شيء بعرفوها وتميزوا بيها أهالي الفحيص وهم يعملوها للعريس لما يتزوج كما ويعزموا على أقرى العريس يعنى عشاء العريس لما يرجع من شهر العسل.

المكونات:

خبز الشراك عويص وسمن بلدى أو بلقاوى والقطر، القطر عبارة عن سكر وماء شوية قرفه عيدان.

طريقة الطبخ:

زمان كانوا يخبزوا خبز الشراك العويص على أيديهم، اليوم يشتروا مِشْترى، أجيب خبز الشراك بَفرمه فرم مثل الشعر، يعني ناعمة، بظل أفرم لحد ما أعبي جاط كبير، بَكون أنا بعدها إمْحضرة القطر، بَجيب طنجرة وبَحط بيها ماء وبَحطها على النار، وبعدين أحط عليها السكر بكمية مناسبة وبحط عليها عيدان القرفة على شان يعطيها طعمة زاكية، ممكن أعصر عليها عصرة ليمون وبِتْظل على النار على بين ما تعقد وبَطفي النار وبَشيله، بعدين برجع الخبز الشراك المفروم وبَفركه بالسمن البلدي إمْنيح لحد ما أحس إنه كل الخبز صار عليه سمنة، وبالأعراس بقولوا أغاني إكثيرة على فرم الفطيرة وعلى فركها.



اللِّزَّاقيّات

هي من الأكلات التراثية، وتؤكل في جميع الفصول، طبعًا بِعملوها في الجَمْعات العائلية وبقدموها للناس كضيافة.

المكونات:

العجينة، صحون، خميرة، كركم، ينسون مطحون، حليب سائل، زبدة ملعقة صغيرة، سكر ملعقة صغيرة. أما الشوربة فهى: حلاوة، حليب سائل، ينسون مطحون، زبدة.

طريقة الطبخ:

بِنخْلط مكونات العجين مع بعض اللّي هو الطحين والحليب السائل والخميرة والينسون المطحون والكُركم والزبدة والسكر مع بعضه، مِنْعَجنهم مع بعض لَتْصير العجينة رخوة ومِنتْركها تِرتاح نُصْ ساعة، بَعدين مِنْجيب صاج ومِنْحُطه على النار وندهنه بزيت وبِنْصير إنْصُب من العجين على الصاج بشكل دائري لَنْخَلّص الكمية، بَعدين بِنعمل الشُّوربة وبِنْحُط الحلاوة بطنجرة مع الحليب والينسون المطحون والزبدة، وبِنْظَل نِخْلُطهم، وبِنْحُطهم على الغاز وبِنْظل إنْحرّك بَسْ تِتْماسك بِنْطفّي تحتها، وهَسًا بِنضْغط اللَّوربة، وهِيكْ بكون جاهز وبقدم باردًا.





الحُوحْ العَقْباوي

الحُوح من الحلويات الرئيسية والأساسية بين العقباويين، وهي حلوى شعبية تراثية انتشرت في الأربعينات من القرن الماضي ونعملها في شهر رمضان مثل (القطايف) وفي الاعياد.

المكونات:

طحين، ميه.

طريقة الطبخ:

أول حاجِة نِعجن الطحين بالمَيّه لما تِبقى مثل عجينة العَوّامة بعني (مِرْقَة)، بَعدين مِنْجيب الصاج ونْحُطّه على الفحم أو النار، وعَشان اِنْقيس درجه حرارة الصاج اِنْدير اِشْويّة عجينة على الصاج، وإذا مناسبة نِدهن العجينة على الصاج كامل ونْخلّيها رقيقة اِكْثير مثل ورق السيجارة، وبعد ما تِسْتوي اِنْشيلها عن الصاج ونْحُطّها على قطعة قماش أبيض، وهذه العملية اسمها (تحضير الرقايق).

الحشوة: عين جمل، سكر ناعم، قرفه، جوز هند، زبيب، سمنه بلدية.

إِنْحُط صينية الألمنيوم على النار ونِدْهنها بالسمنة البلدية ونْحُط الرقيقة الأولى ونْحَمّصها، بعد كِدَه نِقلبها على صينية ثانية ونْحمصها، ونِرْجع نِقْلبها عَشان تِتْحمص ونِرْجع نِحْشيها، ونْعيد ونْزيد لَمّا تُخْلص الرَّقايق كلها والحشوة كلها.

نُقدم الحُوح بعد تقطيعها إما بحليب الغنم الدافي أو القطر أو بدون حاجة.










الزَّلابْيا



المكونات:

طحين زيرو أو مخلوط أبيض، زيت زيتون، رشِّة ملح، خميرة، قزحة، سمسم، ماء فاتر.

طريقة الطبخ:

مِنْبلّش نِعْجن ونْضيف الماء بالتدريج حتى نحصل على عجينة متجانسة، نُغطي العجينة ونَتركها تِرتاح وتِخمر، بعد ما تِخمر العجينة بِنْقرّصها قُرْصات متقاربة في الحجم، حجم القُرْصة حسب ما بِتحب إيْكون حجم رغيف الزلابيا، بِنْرُق كل قُرْص لَحاله على سطح مسْتوي بعد دهنه بالزيت وبِنْرقه لَحتى يصير شكله دائري وبالسماكة اللّي بِتْحبها، وبعد هيك بِنْقلب القُرصات بزيت الزيتون الحامي وبِنْقلبها لَحتى تِتْحمر على الوجهين، بِنْطلعها من الزيت على المصفاية لَحتى تِتْخلص من الزيت العالق فيها، وهيك بِتْكون جاهزة للأكل، وإذا ما بِتْحبوا السكر عليها وإذا بِدنا إياها حلوة مِنْغطسها بقطر بارد بدون اي إضافات، وفي بعض ناس اِبْتطحن السكر وبِتْرشُّه على الزلابيا بدل القطر، وفي الوقت الحالي صاروا يضيفوا عليها إضافات مثل القرفة ويخلطوها بالسكر البودرة ويُرشّوها على الزلابيا.

ملاحظة: الزلابيا كانت تعتبر من الحلويات البيتية الشتوية ومُمْكن تقديمها في أيام العزاء وفي خميس الميت.



البُرْبارة

المكونات:

القمح، والسكر، والزبيب، والجوز، والينسون، والزنجبيل، والقرفة، وشوية ملح، كان زمان يسووها من القمح الحب والحمص والعدس والينسون والشومر وشوية ملح.

طريقة الطبخ:

كانوا زمان يعملوا البُرْبارة من القمح والحمص والعدس حب بعد ما ينقوهن بحطوهن بطنجرة النحاس أو ألمنيوم بحطوا الميّ لفوق النص بشوي حتى تغلي، أول أشي بحطوا القمح وبعدها يحطوا الحمص بعد ما ينقعوا طول الليل وبعدين يحطوا العدس ويخلوهن يغلّن مع الميّ حتى يصرن طريات ويستون وبحطوا عليهن الينسون والشومر الناشف بعد ما تستوي البُرْبارة يصفوها من المي ويفردوها على طبق لما تبرد ضيفوها للناس تتاكل باليد، كانوا يسووها على الحطب، وكان يطعموا منها الحلال أو الدجاج، وكل اهل الدار والجيران، سموها البُرْبارة لأنها بتنعمل في عيد القديسة بُربارة.

لكن في هذه الأيام صرنا نعملها من القمح المقشور، نحط ميّه على النار ونحط عليها القمح المقشور وبكون منقوع لمدة ساعتين أو ثلاث وبنحط عليه السكر الينسون والزنجبيل والزبيب والقرفة وبحطها على نار هادية، وبظل احرك فيها بمعلقة خشب على نار هادية لحد ما تستوي، وبعدين أحطها بصحون أو زبادي وبَرُش فوقها خلطة مكونة من المكسرات والقنبز الملون، والجوز وجوز الهند والزبيب والقرفة واللوز والصنوبر حسب الرغبة، وفي ناس بِتْحط إشويّة عسل على وجهها، تِتْاكل باردة أو ساخنة، كانوا يوزعوا منها على الجيران.



الهَيطليّة (المهلبية)

المكونات:

الحليب (انعاج أو غنم أو حليب بودرا)، والسكر، والنشاء، القرفة وجوز الهند والمكسرات للتزيين وحسب الرغبة.

طريقة الطبخ:

بَحُط الحليب بعد ما أصفيه على نار هادئة بالطنجرة، كانوا زمان بِستْعملوا طنجرة النحاس أو الألمنيوم، وبعدها بَحُط السكر حسب الطلب وما بغطي الطنجرة حتى ما يفور الحليب قبل ما يَغلي الحليب بِشْويّة، بَحط النشا وبِكون إمْذوب بالحليب البارد أو الميّه الباردة وبَديره على الحليب المغلي إشْوي إشْوي وبحرك الحليب بملعقة خشب للآخر حتى تِعْقد الهيطلية (وبَحط شوية ماء زهر على الحليب وهو بغلي حتى يصير طعمه أستشى) مِنْحطها بصواني أو جاط قزاز تايُبْرد على الآخر، وبعد ما تبَرُد أحطُها بالثلاجة لما يِتْاكل وبرش عليها القرفة والمكسرات للبحبو بي ناس بحبوا يحطوا عليها سمن بلدي، أو يوكلوها مع خبز شراك أو خبز بلدي مشروح قمح، ممكن تنعمل وتتوزع عن روح الميتين. ممكن تنعمل من الحليب البودرا بعد ما نحله بالمي وبنفس الطريقة السابقة.

زمان كانوا يستخدموا جريشة القمح بدل النشا لانه ما كان بي نشا ينقعوها بالليل ويصفّوا مَيّتها الصبح ويديروها على الحليب المغلى.



البحتة

من الأطعمة المشهورة في محافظة عجلون وتتميز ببساطة مكوناتها، وطعمها اللذيذ.

المكونات:

رز مصري. حليب. سمن بلدي.

طريقة الطبخ:

يغسل الأرز وبعدها ينقع كويس وبنجيب الحليب وبنصفيه ونحطه على النار ونتركه لحتى ما يغلي وبعدها بنحط عليه الرز ونتركه وبس يغلي نحركه عشان ما يلزق ونتركه على نار وسط وكل شوي نحرك فيه لحتى يستوي ويعقد مليح، بنحطه بصحن التقديم ونحط عليه سمنة بلدية في ناس بحط زيت زيتون بدل السمنة البلدية.

ملاحظة: تؤكل كنوع من الحلويات باضافة السكر لها.



الحثيمة

هي نوع من أنواع الأطعمة التراثية التي تعتمد على اللِّبا من الضأن والماعز، وحليب اللبا هو الذي يُؤخذ من الشاة عند ولادتها مباشرة.

المكونات:

حليب اللبا، ملح أو سكر.

طريقة الطبخ:

بعد ما نِحْلب الشاة اللّي ولدت حديثاً، مِنْصَفّية بالمصفاية لَحتى يِنْظف من الشعر والشوائب، وبِنْحُطه في طنجرة وبِنظيف ليه إشْويّة أو سكر حسب الطلب، وبِنْحُط الطنجرة على نار هادية، وبِنْظل انْحوس في الحليب بالملعقة باستمرار لَحتى يِخثر ويتْماسك، وبعدين بِنْقيمُه من عَ النار، وبِنْديره في الزبادي للأكل.

ملاحظة: في ناس بِيأكلوه بالملاعق وفي ناس بيأكلوه بالخبز.

المعدات:

طنجرة، مصفاية، جاط، زبادى، ملاعق.



قراص العيد

تعتبر أقراص العيد من طقوس العيد الأساسية، تعمل غالباً قبل العيد بيوم أي يوم وقفة العيد أو مع صباح أول أيام العيد بعد آذان الفجر مباشرة، ومن الطقوس التي ترافق أقراص العيد في منطقتنا توزيع أقراص العيد على الجيران والأقارب، ويفضل توزيعها وهي ساخنة، أقراص العيد مرتبطة بيوم العيد إلا إذا كان هناك متوفى في العائلة، يُحذر عمل أقراص العيد في أول عيد يأتي بعد العزاء مباشرة ولا تزال هذه العادة الى يومنا هذا، قديماً كان ممنوعاً عمل أقراص العيد في أيام العزاء خاصة عند تقديم الحلويات والمأكولات في أيام زوارة الميت أيام الخميس من أيام العزاء وقد يكون أول خميس بعد دفن الميت تقدم زوارة الميت للمعزيين عن روح الميت، وأيضاً كان ممنوعاً تقديم أقراص العيد حتى في أربعين الميت، لكن في الوقت الحالي تغيرت العادة فصاروا يقدمون أقراص العيد في العزاء وفي زوارة الخميس وفي أربعينية الميت أو أي يوم بعد ذلك عن روحه.

المكونات:

طحين أبيض أو مخلوط، ملح، حبة البركة، سمسم، شومر، ينسون، حليب جاف أو لبن رايب، بيض، سكر، خميرة، زيت زيتون.

طريقة الطبخ:

لعمل أقراص العيد نحتاج طحين أبيض زيرو أو مخلط أبيض وقمح، ونْضيف اِلْهم رشِّة ملح وقِزحة وسمسم وشومر وينسون، في ناس يُفضلونه على أصوله بدون إضافات ثانوية، وفي ناس بتْضيف للعجينة حليب أو رايب أو بيض مثلاً اِمْشان اِتْصير العجينة أكثر طراوة، لكن الأغلب يفضل عجين عادي الأصول، كمان مُمكن اِنْضيف السكر على العجينة اِمْشان نعمل أقراص حلوة المذاق، بعد ما نضيف المكونات على بعض بِنْحُط الخميرة الفورية وشْويّة سكر ومنخلُط المكونات مع بعض، ومِنْبلّش اِنْضيف ماء فاترة أول بأول مع العجين لَحتى نُحصل على عجينة متناسقة، ونْغطيها ونُتركها حتى تِخْمر في مكان دافئ، بعد ما تِخمر العجينة، بِنْقرص قُرْصات متقاربة الحجم ومناسبة لحجم قالب أقراص العيد هو قالب مصنوع من الخشب أو البلاستيك، عليه نقوش مزخرفة ويلصق القرص عليه ويطبع الزخرفة على وجه أقراص العيد، ونترك الأقراص ترتاح مدة من الزمن اِمْشان نِقدر نِفْردها بسهولة، بعد هيك ناخُذ أول قُرصة ارْتاحت ومِنزلُها على القالب بعد ما نِمسحه بزيت الزيتون ونْمِدها لَحتى بغطي القالب مع الضغط عليها اِمْشان تِنْطبع الرسمة اللِّي على القالب على أقراص العيد وتاخُذ شكله اِنْغطِّي القالب مع الضغط عليها اِمْشان تِنْطبع الرسمة اللِّي على القالب على أقراص العيد وتاخُذ شكله

الحلو، وبِنْجيب سِدر مخصص للشّوي بالفرن ونْمْسَحه بزيت الزيتون، ونْحُط الأقراص عليه ونْدَخُلها فرن حامي لَحتى تِسْتوي، وبعد هيك إِنْحمّر وجه الأقراص، ولما إِنْطلعها من الفرن لازم نِدْهنها بزيت الزيتون، حالياً جري تطور على أقراص العيد بعد وصول اللاجئين السوريين للمنطقة صرنا إِنْشوف أقراص العيد محشية عجوة بالقرفة، يعني إِمْنُوخذ القُرص ونعمل فيه حفرة وبِنْحط داخلها كمية من المعمول مِنْضاف إلْها قرفة وزيت زيتون وسكر، القرصة ومنْطبّعها على قالب أقراص العيد امْشان تَاخُذ شكله ونِشْويها بالفرن، وبعد ماتِسْتوي مِندْهنها بزيت الزيتون، ويتم تقديم أقراص العيد من ضمن ضيافة العيد مع الشاي.

أقراص العيد طريقة ثانية

قراص العيد من الأكلات المشهورة الى بتتقدم بالاعياد والمناسبات وتنعمل اجر عن ارواح الموتى.

المكونات:

طحين، سمسم، قزحة، قريش، كمون ناعم، ينسون، عصفر، ورس، قرفة ناعمة، ملح، زيت زيتون، خميرة.

طريقة الطبخ:

نخلط المواد ونعجنها لمدة نص ساعة بالماء الفاتر ونتركها حتى تخمر.

نقطع العجين إلى كرات متوسطة بقدر كرة عجين تزن حوالي ربع كيلو وبعدها تترك ١٠ دقائق ونبدأ نخبز على الفرن العربي. يتم تشكيل الكرات على طبق خشبي مزركش يسمى (طبق خبز العيد) ثم يوضع في الفرن على نار عالية.

ملاحظة: يتم رق العجين على الطبق بوضع زيت الزيتون بالتدريج.

ثم يحمر لثوان بعد الشواء ويدهن بزيت الزيتون ويقدم ساخن مع الشاي بالنعناع.

كعك العيد

المكونات:

كوبين من الطحين، زبدة، ملعقة قهوة بيكنج باودر، ملعقة صودا، كوب واحد من اللبن.

طريقة الطبخ:

نعجنهم في الخلاط، نقسم العجينة إلى قسمين ونغطيهم ونحطهم في البرّاد لمدة ساعة، أما الحشوة فتتكون من الطحين والسكر والقرفة والهال المطحون وجوز مفروم وزبدة، ونخلطهم ويجب أن تظل خلطة الطحين شكلها مثل التراب، يعني مِش كل العجينة، ناخذ قطعة من العجينة ونفردها رفيعة مستطيلة ثم ندهنها بالفرشاة ببياض البيض ونغطيها بالحشوة، والعجينة لسه على شكل مستطيل ثم بالشوكة نعمل ديزاين العجينة على الوجه وندهنها بصفار البيض ثم إنْقطّع المستطيل إلى رولات وضعها على صينية عليها ورق الزبدة ونشويها بالفرن حامى ٣٥٠ درجه لمدة ٣٠ إلى ٣٥ دقيقة.





البَسيسة

المكونات:

قمح، سکر، زیت زیتون.

طريقة الطبخ:

بِنظّف القمح من الحجار والتراب، بَعدين بِنْجيب صاج الخبز بِنقلْبه وَمِنْولع النار تحته، ومِنْحُط القمح بالصاج، ومِنْجيب إشْريطة ومِنْگعبلْها، يعني بِنعْملها زَي الطَّابة ومِنْمْسكها بأيدينا ومِنْحرك القمح بالشَّريطة حتى تكبر حبة القمح، يعني تُنْفخ وتْصير إتْنُط لفوق، بَعدين بِنْشيل القمح على السِّدر ومِنْجيب مَدَق الهاون (طبعًا فيه ناس بِتُخْلط القمح مع البُطُم وَبتُوكله)، بَعدين مِنْحُطه بصحن وِنْحُط عليه سكر وزيت زيتون ونُخْلطهم مع بعض وهيك بِكون جاهز الأكل.

المعدات:

سدر، صاج، قطعة قماش، هاون.



البَسيسَة طريقة ثانية

بِنْحمّس القمح في مقلى على النار لَحتى يِصير لونه بني، بعد هيك بِنْطحنه بالمطحنة الكهربائية، وبنِطحن كمان سكر لَحتى يصير ناعم.

القمح يَلِّي حَمسْناه وطَحنْاه بنسمِّيه قلية، بِنْبس القلية بِشْويَّة مَيْ عَشان ما يِطير لأنه بكون ناعم، وبعد هيك بنْحُط سمن بلدي أو زيت زيتون وبنُخلْطه مع القلية مع سكر بودرة.

البسيسة تُقدم بالعزاء وخاصة إذا كانت المتوفاة امرأة، كمان في الشتاء لأنها تمد الجسم بالحرارة كنوع من الحلوى.



البَسيسة (البتشلية)

أكلة تراثية قديمة جداً منتشرة في أغلب قرى الأردن، ومتوارثة عن الأباء والأجداد، وتُقدم في الأفراح وتُقدم للمكسور كعلاج له، كما أنها أكلة شتوية في الأعياد وتسنين الأطفال، وفيه مثل معروف إبننحكي: (كُلْ البسيسة ونام وإن جعت لومني واعتب علي) وكانوا يوصلوها للحرمة اللّي بِتْرضع، وكان الناس يأخذوها معهم في السفر مثل الحج لأنها ما تغلبهم في الطبخ، وهي سريعة التحضير وتدوم في المعدة أكثر.

المكونات:

قمح وسكر وفيه ناس ما بِتْحط سكر ومَيّه اِبْتغلي وسمنة بلدية أو زيت بلدي، ما بْنُخلط المَيّه عليها بسرعة عَشان ما تُجَبّل (يعنى اِتْصير ناشفة).

طريقة الطبخ:

أول إشي القمح بِنْثَيه (يعني بِنْصَفّيه ونظفه بالحبة)، بعدين مِنْولع نار حطب وبِنْجيب الصاج وبِنْخليه يِحْمي، وبِنْجيب القمح اللّي نحن بَثّيناه وبِنْخليه في الصاج، بِنْظل اِنْحرَك اِشْوي في شريطة لما لونه يتغير للذهبي، وبعدين بِنْزلها الصينية لَمّنْها تُبرد، وبعدين مِنْجيب الرحى وبِنُجْرشها جريش ناعم بيها مثل الطحين، بعدين بِنْجيبها في الصينية وبِنْحُط معها سكر زَي ما بَدّك حسب الرغبة، وإذا بَدْنا اِنْخَزنها ما بِنْحُط معها سكر بَسْ بِنْحط معها ملح، وبعدين بِنْحط عليها المَيّه المغلية اِشْوي اِشْوي ونْحرك ما بِنْحُط معها السمنة البلدية، لما اِنْحُلّص تحريك بِنْقدمها في نفس صينيتها، وكانوا بيثقَلوها مِنْشان ياكلوها بالإيد، وهي الأيام نُطحنها على الخلاّط « المولينكس» وبِنْحط في « بايركس» وناكلها في المعالق.



الخُميْعَة

هي طعام شعبي معروف في الكرك وبعض مناطق المملكة.

المكونات:

خبز بلدي، سكر أو عسل، حليب، سمن بلدي أو زبدة بلدية.

طريقة الطبخ:

يتم التحضير لهذه الأكلة كالتحضير ل (المجللة) التي تُطبخ باللبن، لكن الخميعا تُطبخ بالحليب. يُغلى الحليب حتى الفوران، ويُقطِّع الخبز، ثم يصب الحليب الساخن فوقه ويُضاف السمن إلى الخليط ويُنتظر حتى يذوب فيه ويُرش السكر على الوجه، وهناك من يفضل هذه الفتة بدون سكر.

وقد تكون الخميعا وجبة إفطار صباحية وهناك من يفضلها في كل الأوقات.

ويُعد فصل الربيع الوقت المناسب لهذه الأكلة التراثية، وهناك من يرغبها في فصل الشتاء إذا توفر الحليب والسمن، كونها تمد الجسم بالطاقة، وبعض العائلات تجعل الخميعا وجبة سحور في رمضان لأنها مشبعة وتبعد الجوع عن المعدة الخاوية.



الكَريّزة (النَّمّورَة)

هو إشي حلو بِتْساوي في جميع المناسبات وبِنْوزعه على الأطفال، عمر هاي الطبخة كثير، يعني ٨٠ سنة يمكن، وبِتِتأكل هي وباردة ومقطعة.

المكونات:

سميد خشن، ماء، سكر، صبغة.

طريقة الطبخ:

إِبْنِعْلَي المَيِّهُ بِالطنجرة، بِنْجيب الصبغة ومِنْحلها بالمَيْ لَحد ما تذوب اللون اللّي وُدْنا إياه، بَعْدين مِنْحُط سكر عليهم عَشان يغِلوا مع بعض، بِنْكون إمْنخلين السميد على المصفاي، بِنْديره على الطنجرة لما يُلوخ في بعضه ويِصير خاثر، بِنْدير الكَريزة في صواني وبِنفْردها، بَعْدين بِنْحطها في الثلاجة لما تِجمد، وبنْقطعها وبنْقدمها للأكل.

ملاحظة: سدر وتقطيع أو في صحون وتُقدم في جميع المناسبات وخصوصًا للأطفال.

المعدات:

طنجرة، كفكير، نخالة، سدر.

النَّفْسَة

هي من المشروبات الثلاثية اللِّي بِقدموها للمرأة إِلِّي مخلفة (الوالدة).

المكونات:

قرفة عود، زنجبيل، جوزة الطيب، خُولَنْجان، مَيْ.

طريقة الطبخ:

بِحُطّوا كيلو قرفة ونُصْ كيلو خُولنْجان ونْص كيلو زنجبيل وشْوِّية جوزة الطيب وهي اختياري وبِغْلوا المَيْ على الغاز، وتُقدم بِجيناطيس (الزبادي)، وبِحُطّوا جَنبها معلقة سكر ومكسرات زينة، مثل جوز القلب، وبقدموها ساخنة.

المْحَلَّى

هي أكلة دُرزية بِياكْلوها بعد ما إتْخلّف المرأة بأسبوع يعني على أسبوعية المولود.

المكونات:

رز عادی، می، قرفة، سکر، مکسرات، زنجبیل، خولنجان.

طريقة الطبخ:

بِحيبوا طنجرة وبِحُطِّوا فيها القرفة والزنجبيل والخُولَنْجان والمَيْ، وبِغْلوهم على الغاز إمْنيح، وبَعدين بِحُطُوا الُرز المفتول بدون نَقْع عَشان يِظل النشأ فيه، وبَعدين بِحُطُّوا السكر، وبَعدين بَسْ يِسْتوي الرُّز بِنْطَفّي الغاز تحته، وبِنْحُطه في صينية وبِنْزينُه بالمكسرات، وبِحُطُّوا عليه إشْويّة سمن بلدي، وبِقدْموه للضيوف بعدما يبرد طبعًا، وله قيمة غذائية عالية.

البَكيلِة (البشيلة أو القلّية)

نوع من الحلويات عند البدو، من سنين طويلة تُقدم في المناسبات والأيام العادية.

المكونات:

قمح مطحون بلدي، سكر.

طريقة الطبخ:

بِنْجيب القمح مِنْحطه في الصاج لَنقليه لما يِصير لونه أشقر، بعدين بِنْحطه في الرحى لما يصير طحين ناعم، وبِنْجيب السمنة وبِنْذوبها في القلاية، وبِنْديرها فوق الطحين، وبِنْحط السكر، ومِنِطْحنُه مع بعض بأيدينا قد ما ينْخلط مع بعض كامل، وبصير إنْحمسُه إشْويّة في القلاية، ونُوكُلُه زَيْ ما هو بالملعقة.

المعدات:

قدرة، مصفاة، جاط، قلاية، صاج، الرحى.

فَطاير الحَلِيبُ

المكونات:

بيض، طحين، سكر، حليب سائل، زيت، رشَّة ملح، بيكِنْغ باودر.

طريقة الطبخ:

مِنْجِيب جاط وِمْنُخلط فيه الطحين والسكر والبيكنغ باودر والحليب والبيض والزيت لَيْصير عِنّا عجينة طرية تقريباً زَي عجينة القطايف، وَمِنتْركها على جنب لَتِرتاح نُص ساعة، وبعدها مِنْحمّي المِقْلى على نار وَسَط، وَمِنْحط الخليط بِشاف وِنْصير إنْدير من الشاف على المقلى، وإذا صارت العجينة إتْلرّق مِنْحط مَسْحة زيت وَبِنْحمّر العجينة أَرَقْ من عجينة القطايف، وُبَسْ تُخْلص الكمية بِنْجُطها بصَحن تقديم وبِنْحط جنبها صحن فيه عسل أو ماعور (مزلى)، وَبِنْصير إنْغَمسها بالعسل أو الماعور، وهاي الأكلة تتْأكل فطور أو عشاء.

المعدات:

جاط، شاف، مقلی، صحن تقدیم.

فطيرة السُّكر

نوع من الحلويات، تراثية قديمة متوارثة عن الآباء، مشهورة بها مدينة معان، تُقدم في الأفراح والأتراح، كانوا يحضروها ويِحطُّوها على قبر الميت، وبعد ما يِنْدَفن الميت بِتْناولها على اعتبار أن الميت («صالح» وهو رايح للجنة، ومن هنا أجا المثل المعانى المشهور (إلْحِق الميت فطيرة).

مُشْأي واحد بِعْمل فطيرة مَزْبوط، فيه ناس بِخْلطوا الخبز مع القَطْر مثل العصيدة وبِضيفوا طعم ونكهة للفطيرة.

المكونات:

خبز شراك، قطر، سمن بلدى، سكر.

طريقة الطبخ:

بِنْقَطِّع خبز الشراك قطع كبيرة (٧x٧سم) وبِنْحُط السكر والمَي على النار ساعة زمن، وِلازم اِتْكون كمية السكر مناسبة مع كمية المَي عَشان اِتْصير قطر، وبِنْغطِّس قطع الخبز في القطر ربع ساعة بدون ما نُقلِّبها، وبَعدين بِنْحط السمنة البلدية وبِنْرُش السكر فوق الفطيرة، وبِتتاكل بالأيد.

فطيرة العَقْباوي

نوع من الحلويات متوارثة عند الآباء، وهي صحية وسهلة التجهيز.

المكونات:

تتكون من عجين وقرفة مطحونة وسكر، وهَسّه الناس بتْحُط مكسرات.

طريقة الطبخ:

نعجن العجينة، ومِنْريحها وبعد ما تِرتاح مِنْقطعها قطع صغيرة ونِفْردها على شكل دائري ونْرُقها، بعدين بِنْجيب خليط السكر والقرفة المطحونة ونْرُشّه على العجين، وبعدين بِنْطبق العجين، وهِيك بِتْكون جاهزة للقلي، بَعدين بِنْحمي الزيت ونْغُط المْطَبق في الزيت، وبعدين بِنْحضّر القطر ونِغْلي المُطَبق من الزيت ونْغُطّه في القطر وبِتتاكل بالأيد. وتُقدم في المناسبات والأعياد ولمّة الأسرة.



الكَعِكُ المَعاني

هو أحد أشهر الحلويات التراثية الشعبية المنتشرة في مدينة معان منذ القدم، ومتوارثة عن الآباء والأجداد ويُعد في البيوت إلى جانب المحلات، وفيه قيمة غذائية عالية، ويُعد في الأعياد والأعراس.

المكونات:

طحين القمح، أيام زمان كانوا يستخدموا القمح البلدي، وتطورت الحلوى وصاروا يعدونها بخليط الزبدة مع الحلبة وحبة البركة والسكر والينسون والشومر والمحلب، وإضافة زيت القلي والسمن النباتي والبيض لتحمير وجه الكعكة.

طريقة الطبخ:

أولاً: يوضع طحين القمح الأبيض أو المخلوط مع الزبدة ويوضع فوقه من السمن والزيت والسكر بكميات مناسبة.

ثانياً: نبدأ بِفرك الطحين مع الخليط في بطء إلى أن يتماسك الطحين مع بعضه ثم توضع خميرة العجين في كاس ماء دافئ مع ملعقة سكر ونبدا نحرك بالعجين مع زيادة الماء الدافئ حتى يصبح متماسك، وكانت تُعجن بالأيدي إلى أن تطورت وأصبحت تُعجن في عجانة ثم نتركها للتخمير من ساعة ونصف إلى ساعتين.

ثالثاً: بعد التحمير نبدا مع تقطيع العجين ورَقُّه بالأيدي على شكل قالب دائري حسب حجم المطلوب. رابعاً: ندهن السدر بالزيت، ويوضع الكعك بشكل دائري، ونثقب الكعك من وسط الدائرة، ويُدهن بالبيض قبل الخبز، يخبز فوق الحرارة بدرجة متوسطة بعد نضج الكعك يتم إنزاله إلى تحت الحرارة للتحمير، يصبح جاهز للأكل أو التقديم ويؤكل بالأيدي مع الشاي، ويقدم في مناسبات الحج والعمرة والأعياد ولمّة الأسرة والأفراح.

يجب التنويه إلى أن العديد من ربات البيوت يُسْترزَقن من عَمل الكعك المعاني من خلال إعداده في البيت وبيعه للناس والمحلات في معان ومحافظات أخرى.

طريقة طبخ أخرى:

المقادير: طحين قمح بلدى، سكر، حليب، ينسون مطحون، محلب، حلبة محمصة ومطحونة، حبة



البركة، كركم حتى يعطي صفار للكعك، دقيق الكعك، سمن بلدي، ماء دافئ.

طريقة الطبخ:

أول شيء بِنَّخِل طحين القمح في المنخل الناعم، بعدين بِنْرش رشِّة ملح صغيرة، وبعدين بِنْحط السكر حسب الرغبة، وبعدين بِنْحط الحليب البودرة مع ملعقة ينسون مطحون صغيرة، وكمان بِنْحط ملعقة محلب مطحونة، وبعدين بِنْحط الحلبة المحمصة والمطحونة، وبِنْحط حوالي ملعقة صغيرة، وبِنْحط كمان حبة البركة مع ملعقة ينسون وحب الكركم عَشان يِعطي صفار للكعك مع دقة الكعك، وبعدين كاس سمن بلدي بِنْسخنها على النار ومِنْديرها على العجين ومِنْبلِّش بَسْ الطحين اِكُويس عَشان يِتْشرّب الطحين، على جنب بِنْحط ماء دافئ في الكاسة مع ملعقة خميرة ورشِّة سكر ونْذَوّبها مع بعضها الطحين، على جنب بِنْحط ماء دافئ في الكاسة مع ملعقة خميرة ورشِّة سكر ونْذَوّبها مع بعضها ومِنْديرها بالتدريج ونِعجن حتى تصير طرية، بعدين مِنْخليها تِخمر ربع ساعة وبعد ربع ساعه اِنْقسّم العجين طُبُب ونْرُقها وتْكون خميلة اِشْوية، ونْقطعها على شكل دائري ونعمل في النص ثقب صغير وبِنْخليها ترتاح في الصينية نصف ساعة، بعدين قبل الخبز نِدهن وجه الكعك بالبيض المخفوق، وبعدين بِنْحطها في الفرن والحرارة اِتْكون متوسطة حوالي ربع ساعة، بعد ما يُبرد الكعك يُقدم مع كاسة شاي بالنعناع المعاني.





الحَلاوَة الشِّيشانيّة

المكونات:

طحين ذرة، زيت زيتون، قطر، قوالب تشكيل.

طريقة الطبخ:

بِنْجيب الطنجرة، وَبِنْحمي فيها زيت الزيتون، بَعدين بِنْحط الطحين وِنْظل إنْحرك حتى يتغير لون الطحين لَلْبني الفاتح، مِنْكون إمْحضرين القطر اللّي هو عبارة عن مَي وسكر بَسْ، وبَعدين بِنْحط القطر على الطحين وِمِنْطفي النار ومِنْظل إنْحرك بسرعة لَحَتّى يِتْشَرّب الطحين كل القطر، بَعدين بِنْجيب قوالب التشكيل ومِنْشكّل العجينة فيهم وبِنْصبْهم بالصينية وبِنْقدّمها باردة، ولازم تِتْغطى حتى ما تِنشف ومُمْكن إنْزيّنها بجوز القلب (عين الجمل).

الرُّز بالحَليب

المكونات:

حليب الغنم أو الحليب البودرة ورز وسكر وماء زهر ورشة ملح.

طريقة الطبخ:

بجيب حليب الغنم بَحطه بالطنجرة على نار هادية وبغليه غلي إمْليح، ممكن أجيب حليب بودرة وبذوْبه في ميّة فاترة وبخليه يغلي على نار هادية وبحط عليه السكر وماء الزهر، وبعدها بَدير عليه الرز الليّ بِكون منقوع ومغسل وبَخليه يغلي مع الحليب على نار هادية، وبَظل أحرك بالرز إشْوي إشوي لحد ما يغلي مع الحليب إمْليح ويعقد بعدين بديره بالصينية التيفال أو البايركس أو صحون قزاز غميقة، ممكن تِتّأكل بدل وجبة، فيه ناس بِحط عليها سمن بلدي أو بوكل معها خبز قمح بلدي، وممكن تِتّأكل ساخنة أو باردة.

الأُوبَارَة

هي كعكة بِعملوها عَشان يِسَلّوا المصابين اللّي إنْصابوا بالحرب والمرض، وبِيجي شكلها دائري، بِحُطُّوا عليها رسوم معينة وأشكال وبِعلْقوها بِسقف الغرفة بالوسط، وبِصير يِمَرْجَحوها من واحد لواحد، وبِصيروا يِحاولوا يَأكلو منها، وهي بِتِتْمَرجَح بدون ما يِمسكوها، والناس حواليهم بِتِضْحك عَشان يِنَسّوا المريض والمصاب الوجع ويصير يضحك معهم.

المكونات:

طحین، بیض، سکر، حلیب، زیت، فانیلا، خمیرة.

طريقة الطبخ:

بِحُطُّوا الطحين والسكر والحليب والزيت والفانيلا والبيض، وبِخِلْطوهم مع بعض، وبَعدين بِجيبوا الخميرة وبِحُطُّوا عليها مَيْ دافية وبِذَوْبوها وبِحُطُّوه على الخليط حتى يِصير معنا عجينة متماسكة، ويِتركوها تِرتاح، بَعدين بِجيبوا شُوبك وبِرقّوها رَقْ مِشْ خَميل ولا رقيق، وبِزيْنوها بأشكال كثيرة مصنوعة من نفس العجين، وبِدْهنوا وِجه العجين بالبيض، وبِخبزوها بالفرن، وهِيكُ بِتكون جاهزة.

الحلاوة الشركسية

هي من الحلويات الشركسية المعروفة، بِعْملوها بالعادة لما يِبَلّش الطفل يِخَطِّي (يمشي)، بِكونوا حاطِّين حوالِيها أشياء بشكل دائري زَيْ كتاب أو مقص أو مسدس لعبة وأشياء ثانية، فشُو بِختار الطفل من هاي الأشياء بِتوقّعوا يِطْلع معلم ولو اخْتار مقط بطلع حَلاق ولو اخْتار المسدس بِتْوقعوا يِطلع مقاتل، وهاذ الشَّيْ من باب التِسْلاي.

المكونات:

طحین، سمنة، سکر، می، ماء زهر، مکسرات.

طريقة الطبخ:

بِنْجِيبِ طنجرة، وبِنْحُط فيها السكر والمَيْ حتى يِذوب السكر، وبِنْحُط فوقها ماء، وبَعدين بِنْحَمّص الطحين على نار هادية بمعلقه خشب حتى يِصير لونه ذهبي، بَعدين بِنْحُط عليه المَيْ والسكر، لازم يكون المَيْ والسكر سُخُن والطحين سُخُن وبِنْظل إنْحَرَك حتى يِصير عِنّا عجينة ونِفْردها بصينية وهي ساخنة وبنْقَطعها لأشكال، وبنْزيّنها بالمكسرات.



هي أكلة شعبية كركية خاصة بالنفساء.

المكونات:

طحین، حلیب، سکر.

طريقة الطبخ:

تُخلط المكونات جميعها مع بعض وتُقدم للولادة والغاية من هذه الأكلة هو تنظيف الرحم من الشوائب حسب أقوال النساء كبيرات السن، وبعد هذا الطعام يُقدم للنفساء خبزاً مفتوتاً يسمى (البابية) يمنع النفساء من أكل (سلاها) وهي سوائل الرحم بعد الولادة وهذا من المعتقدات الشعبية التي زالت حاليا.



يعتمد تحضير وتخزين المونة على المواسم والظروف التي يعيشها الانسان بالزمن الماضي، زمن الرعي والاعتماد على الماشية فقط، وكانوا يخزنونها بطرق بدائية ليستفاد منها على مدار العام.

ففي موسم الربيع يخزن الحليب ومشتقاته، إذ يُغلى الحليب ليصنعوا منه عدة أنواع من الأغذية للتخزين وتستخدم على مدار العام، وذلك بغلي الحليب أولاً ودائماً، وبعدها يُحضر لكل صنف بطريقة، فمثلاً: بعد غلي الحليب يضاف له اللبن الرايب ويُغطّى لعدة ساعات فيصبح لبناً رائباً إذا وُضع بالخريطة (كيس من القماش) ويُضاف له قليل من الملح، ويُعجن ويُقلّب في وسط الخريطة ليخرج المصل منه ويتبقى اللبن الجامد. في الوقت القديم كانوا يحضرونه كل يوم ليؤكل يوميًا لعدم وجود الثلاجات أو زيت الزيتون ليُخزّن به (لم يكن هناك متجر للزيتون أو تجارة لزيت الزيتون)، وكانوا يأكلونه وهو أقل كثافة ويُغمس بالخبز.

أما في الوقت الحالي بوجود زيت الزيتون فيكثفون اللبن أكثر ليُصبح لبنة جامدة، تدور وتوضع في مرتبانات وتغمر بزيت الزيتون وتُغلق المرتبانات وتوضع بالنملية (وهي خزانة من خشب، بابها مصنوع من المنخل وتستعمل لتخزين المونة).

أما الحليب المغلي المُروِّب فكانوا يضعونه بِشَكوة أو سِقاء (وهي مصنوعة من جلد الماعز يُنظِّف ويُجفف بالشمس ويصنع منها كيس يسمى الشكوة أو السعن)، أما اليوم فيوجد خضاضات مَياكن لخض اللبن وإخراج الزبدة من المخيض، فيضعوا اللبن بها ويتم خضها أو رَجْها لساعات طويلة حتى تنفصل الزبدة عن المخيض، فتسوَّخ الزبدة ويصنع منها السمن، وذلك بغلي الزبدة على النار مع إضافة الحُواجة والكركم والقليل من الجريشة، وبعد الغلى ينفصل ما تبقى من اللبن مع الجريشة في القاع وتصبح زبدة شفافة نقية بلا عيوب وشوائب أي (سمنة)، وتُخزّن بمرتبانات وعندما تبرد تُغطى وتُوضع بالنملية.

أما عن تحضير الجميد، فيؤخذ المخيض ويوضع بالخريطة (كيس القماش) ويضاف له الملح ويُعجن ويُخلط بداخل الكيس حتى يخرج من مسامات كيس المصل (الماء الزائد من اللبن) فيصبح جامداً ويُؤخذ ويُلف بقطعة متوسطة الحجم ويجفف بالشمس لعدة أيام حتى يجف تمامًا ويُخزن بأكياس القماش ويوضع بمكان جاف فوق النملية.

أما الجبنة البيضة فبعد غلّي الحليب يُضاف له حبوب المَساة (وهي مادة كانوا يأخذونها من معدة وليد الماعز أو الضأن بشرط أن لا يكون قد تغذّى على غير حليب أما الآن فهي مصنوعة في مصانع، وهي تعمل على تكثيف الحليب ليصبح جبنة وتوضع في خرائط حتى يخرج المصل منها بالكامل، وتصبح جامدة وتُغطّى بكمية كبيرة من الملح وتترك لعدة أيام حتى تجف بالكامل، وتُغلى بماء مملح (طوشة بيضة)، وهي طريقة لمعرفه نسبة الملح بالماء وذلك للحفاظ على الجبنة لعام كامل، ويُضاف الماء المغلي والمستكة المطحونة والمحلب المطحون للنكهة وحبة البركة لفوائدها، وكانوا يعتقدوا أن حبة البركة هي لمباركة الجبنة وأيضاً، تُوضع بمرتبانات محكمة الإغلاق في النملية المشهورة.

وأيضاً في الربيع تُجفف النباتات مثل النعنع والزعتر والملوخية والميرمية، أما بالصيف فيبدأ تخزين المربيات مثل تَطْلِي المشمش والدراق والعنب والخوخ والتين، وأيضاً تحضيرًا للنبيذ والخل والقُطِّين والزبيب والخبيصة، وتُحضِّر الخبيصة بعصر العنب وتصفيته وغليه على النار مع إضافة الطحين والمطيبات، ثم يُصب على قماش ويُجفف في الشمس، وأيضًا في فصل الصيف يُخزن القمح إما على شكل طحين الخبز، فيُغربل وينزع منه الشوائب ثم يطحن في الببور (المطحنة)، ويحُضر من القمح أيضًا الجريشة والبرغل وذلك بسلق القمح وتجفيفه في الشمس وطحنه بالببور إما جريشة خشنة أو متوسطة أو ناعمة، وأيضاً يُحضر منه البرغل الناعم أو الخشن، وكل هذه المواد تُخزن في أكياس من القماش حتى لا تتلف وتسوس، وأيضاً بالصيف يُخزن السُّماق وهي حبوب دائرية الشكل حمراء توجد على شكل عناقيد على الشجرة تُجفف وتُطحن وتُغربل حتى يُستخرج منها السماق الناعم الذي نستعمله في عدة وصفات بالطبخ وهو مفيد جداً.

وفي فصل الخريف نُخزن الزيتون بعد قطفه، إذ نأخذ قسم منه ونرصّعه ونخلله ليوكل بقية العام أو نأخذ الزيتون إلى المعصرة ويحول إلى زيت عن طريق المَياكن الخاصة به.

حفظ الطعام

زمان ما كان عند الناس ثلاجات لحفظ الطعام ولا أسواق قريبة يشترون حاجتهم أول بأول، عَلشان هذا كانوا عندهم طُرُق لحفظ الأطعمة تُشبه تحويل الحليب إلى سمن ولبن ومن طُرُق حفظ الطعام.

التَّقْشيم:

هو تحويل شحوم الغنم والإبل إلى دهن حيواني يشبه السمن، يُحَط الشحم بِقِدر على النار ويُطبخ، لما تَذوب الشحوم بِطْلع منه الدخان وبعده يُصفى الدهن ويُحَط معه صَوابيح السمن (الكُركم والحِلبة) ملح، ويُحفظ ويستخدم بالطبخ مثل السمن وزيوت الطبخ.

الديرى:

وأساس التسمية من التدبير، وهي طريقة لحفظ اللحوم، يُقَطع لحم الغنم أو الإبل، ويُقطع معه كمية كبيرة من الشحم ويُطبخ لما يِسْتوي وينتج كمية دهن كبيرة ويُحَط عليه ملح وحوايج مثل (الحلبة والكُركم والملح)، ويُعبأ بِسْطول أو مَرْتبانات قَزاز وهو حامي على أن تكون طبقة الدهن تُغطي اللحم، وبالطريقة هذه بيظل اللحم صالح للأكل ومُحتفظ بطعمه لوقت طويل شرط أنه يَظل مغمور بالدهن.

تنشيف الكَمأ:

الكَمأ أو الفقع نبات برّي يُشبه الفطر أو البطاطا، ينبت في سنوات الربيع في شرق المملكة، وهو لذيذ الطعم ويُؤكل مَشْوي أو مطبوخ باللبن على طريقة المنسف، كانوا زمان يُنشفون الخبز، ويجمعون الكَمأ ويُشرحونه شرائح، ويُصلح ويُنشف، وبعد ما ينْشف يُعبأ بخرايط قماش، وإذا أرادوا طبخه يُنقع بالماء الساخن مدة من الوقت وبعده يُغسل ويكون جاهز للطبخ.

تقطين البندورة:

يعني تجفيف البندورة، والمقطنة هي البندورة المجففة، وكانوا بُقطنون كمية كبيرة من البندورة حتى يطبخونها مع الطعام بأوقات يكونون بعيدين أو يكون ما فيه بندورة متوفرة، والطريقة تكون بتقطيع البندورة، تُقطع حبة البندورة قطعتين وتُملح ويُكثَّر الملح حتى تنشف وما تُعفن، وبعده تُنشر على قطعة قماش أو خشب لَحَد ما تَصير يابسة وتُعبأ بخرايط قماش أي خيش، وعند الحاجة تُغسل وتُنقع بماء دافئ، وبعده تُمرس باليد وتُضاف لمرق الطعام.



الجَميد







بَجِيبِ حليبِ النعاجِ (يوجد حليبِ النعاجِ البيضاء والنعاجِ السمراء (الماعز) ويكون الحليبِ مخلوط من النوعين وفي كثير من الناس يفضلون حليب النعاج السمراء (الماعز) لصناعة الجميد) بنغليه خوفا من الحمى المالطية ولما يبرد بنخضه كانوا زمان يخضوه بالشكوة أو السعن (كيس مصنوع من جلد الخروف لخض الحليب واللبن) أما هاي الأيام صار في خضاضة على كهرباء بتخض أسرع وأنضف بتظلها تخض على بين ما تفصل الزبدة لحالها ولبن لحال بنجمع الزبدة بنحطها بالثلج أو المى الباردة حتى تتجمد يسهل جمعها بنحطها بالثلاجة بنستعملها بعدين أو بنعملها سمنة بلدية، أو بشترى اللبن المخيض من السوق بدون الزبدة، وبَحُط اللبن بالخرايط وبَحُط عليه الملح وبَحُط الخرايط على إشي مرتفع عن الارض بَرّا بالحوش، وكانوا زمان بحُطّوه على سَناسِل الحجار تحت الشجر، ويتركوه لثاني يوم، بكون إتْمصّى من المصل، وبعدين نبدا إنْخرّط اللبن الجامد، يعني بَعجن بيه إشْوي إشْوي بأدّى، وبَظل افتح مسامات الخريطة وأنا بَخَرِّط بالجميد لمدة ثلاث تِيام الصبح والمسا، وكل ما جمد اللبن كل ما كان أحسن واسهل لتقطيعه، قبل مايجمد الجميد بكون رخو شوي بتاخذ منه شوي بتاكل مع خبز قمح أو شراك ونحط علية شوية زيت زيتون بسموه لبن (قطيع) بكون طعمه كثير زاتشي، كل ما أعجنه بَذوق إذا أنه بحاجة للملح ولا لا، لازم يتملح إمليح أحسن للخزين، وكل ما أعجنه بَلِفُه إمْليح بالخريطة وبَحُط عليه إشى ثقيل على شان تِتْمصّى منه المّى إمْليح، وبعد الثلاث تِيام بَحُط اللبن الجامد بجاط وبَعجنُه إمْليح إمْليح، وبَبْدا أدحْبر باللبن الجامد وأسوّيه إزرورْ، وبكون إمْحضر طاولة بَرّا بالشمس وعليها قطعة قماشة خفيفة بيضا مثل قماش الخرايط، وبكون قطعة بلاستك تحت الشرايط وبَظل لليوم الثالث أقلَّب إزرور الجميد على بين ما ينشف إمْليح، وبظل اغير قطعة القماش كل يوم على بين ما ينشف الجميد مرات بصير لون الجميد أصفر والسبب بتكون كمية الزيدة اللي موجودة باللبن اكثيرة، إذا كانت قليلة بظل لونه أبيض، إذا صار لونه أحمر بكون مغشوش وبخرب الجميد.

لما نخزن الجميد ممكن أخزنه بطريقتين في هاي الأيام بوخذ كمية من الجميد الجامد قبل ما انشفه بحطها بأكياس نايلون بفرزه بالفريزر بنزله قبل بيوم لما بدي أطبخه، والطريقة الثانية اللي بنستخدمها من زمان ولليوم بنشف الجميد إمليح إمليح وبكسره على شكل مكعبات ومثلثات وبنحطه بخريطة نظيفة ونرفعه على مكان عالي مشمس بعيد عن الرطوبة وبدخل عليه الهوا أنا بحطه دائما على ظهر الخزانة ممكن يظل لأكثر من سنة محافظ على شكله وطعمة.

الجَميد الكَركي

الجميد هذا يُصنع في كل مناطق الكرك من حليب الضأن، وأهم إشي عندنا إمْشان نُطبخ فيه المنسف والفطيرة والرشوف والمدقوقة، وعمر هذا الجميد فوق ١٥٠سنة، وأهم شَيْ في بيوتنا هو الجميد، وبنقْدر نُوكله مع الشاي لما انْطَقْشُه طِقَش صغيرة.

المكونات:

حليب الضأن (الغنم البيضا).

طريقة الطبخ:

بِنْجيب الحليب وبِنْحُطه في خضاضة أو سقاء، ولما بنْخض إكْويس ويِسْتوي بِطْلع منه الزبدة، بَعدين بِنْحط لبن المخيض في القدر وبِنْسخنه إشوي، وبِنْحط عليه ملح وبِنْحطه في المخلاة ليتْمَصى منه الماء، بَعدين بِنُربطه وبِنْحط عليه حجر كبير، ولما يِقْطع (يجمد قليلاً) بِنْطلعه وبِنْصير ويقال باللهجهة الكركية انزعمط فيه (عمل كرات بحجم قبضة اليد)، وبِنْحطه أول يوم في مكان ظِلّة، بَعدين ثاني يوم بِنْطلعه في الشمس وبِنتْفقده إمشان ما يِتفلق وما يِتشقق، ولما ينشف ويطلع منه الملح الزايد بِنْلمه وبنْخبيه، لما أحطه في كيس وأربط عليه لازم أحط عليه الملح وأخزنه.

طريقة التقديم:

يُطبخ للأكلات المعروفة في الكرك كالمنسف والرشوف الرقاقة والفطيرة والمدقوقة، ويُقدم في جميع الأوقات والمناسبات.

المعدات:

الخضاضة أو السقاء، قدر، المِخْلاة (كيس من قماش أبيض)، حجر كبير، الملح.





جبنة المَساة

نوع من أنواع الأغذية التي تصنع من حليب الماعز أو الضأن أو الأبقار.

المكونات:

الحليب الطازج (غنم أو ماعز أو أبقار)، ملح سكر، المساة وهي من معدة الوليد من هذه الأغنام الذي لم يأكل العشب واعتمد على حليب أمه، وتؤخذ معدته بعد الذبح وتجفف وتستخدم (مساة) للتجبين، وهي الآن على شكل حبوب تباع في الصيدليات.

طريقة الطبخ:

بِنْحُط الحليب في جاط غويط (عميق) ومِنْصفيه من الشوائب ومِنْحطه بالطنجرة، ومِنْخليه على النار ليِفْتُر، بعدين بِنْحط الحليب الفاتر بجاط ثاني كبير وبِنْحُط المساة على الحليب وبِنْغطيه حتى يِجمد، بعدين بِنْحُط الجبنة بِشاشة ومِنْصقطُها في المَيْ ونْظل إنْعصّر فيها، وعَ بِين ما الشاش يقضب على الجبنة بِنْقيم الشاش وبِنْقطع الجبنة لَقِطع متوسطة، وبنْكون أول غلينا الميْ والملح في طنجرة وبْنبدا أِنْسقط قطع الجبنة في الطنجرة، بعدين بِنْطَلّع الجبنة لَحتى تُبرد، ونِحْفظها في نُصّية (تنكة) ونْضيف عليه الملح كمادة حافظة، وتستخدم هذه الجبنة كل السنة.

في ناس بيأكل جبنة المساة بس تِجمد أول مرة بدون تقطيع وبدون إضافة الملح عليه، وطعمها زاكي.

المعدات:

طنجرة، ومصفاية، شاش، كفكير.

الجُبْنة البَيْضاء

بَجِيبِ حليبِ النعاج بَحُطه على نار متوسطة حتى يغلى على شان أضمن ما يكون فيه بكتريا، بَترْكه تايُفتر، بَجيب حبوب مَساة خصوصى لتجميد الجبنة (البكتريا النافعة)، وبنذوبها بشويّة حليب وبنْديرها على الحليب الفاتر وبَحركها إمْليح وبَغطيها وبَتركها بعض ساعات على بين ما تُروب وبَحُطها بخريطة قماش انْظيفة، وبَفردها على سطح مستوي، بوسطها (داخلها) الحليب على إرتفاع خمسة سانتي، بَحط فوقها أي شي ثقيل وبَسْتني عليه أكم ساعة، بكون اتْمصّي من المَصل بلطف حتى يجمد، بَقطِّع الجبنة وهي ببَسط (داخل) الخريطة مربعات، بَطلُّعها شقفة شقفة أو بَلف كل قطعة بشقفة قماش إزْغيْرة حتى تتنشف كل قطعة بقطعتها، بعد ما طلعناها من الخريطة بَرُشها بالملح من جميع الجهات، بَصفطها فوق بعضها البعض بالمصفاية وبنْغطيها بقطعة قماش، بَحُط عليها أي شي ثقيل وبَتركها من خمس إلى ستة أيام بالملح حتى إتْزل عنها المصل كله، بَحضِّرلها (مَى للغلي)، عبارة عن مَى وملح وعيار الملح على طيشة البيضة (بَظل أحط ملح على المَى على بين ما تُطيش البيضة)، وبَحُط بالمَى المحْلب ملفوف بشاشة وبَربطها بخيط، وكمان المستكة ملفوفه بشاشة ومربوطة في خيط على شان تعطى نكهة زاكية، وبَخلّيها على النار على بين ماتغلى إمْنيح وبَحُط الجبنة بيها وبَغليها حتى اخزنها وبَخليها لحد ما تغلى، لما بتغلى الجبنة إمْليح بتصير القطعة إتْطيش فوق المَي، بتْصير أى قطعة بتْطيش بنْشلها بالكفكير، وبَحُطها بجاط على بين ما أغلى كل الجبنة بنفس الطريقة حبة حبة، وبعد ما تبرد الجبنة والميّه بَجيب مطربانات القزاز أحسن إشى وبسفط بيها الجبنة وبعدين بَدير عليهن الميّه اللّي غليت بيها الجبنة، وبَسكّر غطا المطربان بإحكام حتى لا يدخل عليه الهوا مع الوقت إبْتخرب الجبنة، بَخزنها بمكان ما فيه رطوبة ولا شمس بحرارة الغرفة العادية، وبَنخزنها للشتا، وبتتقدم على الفطور أو العشا مع الخبز البلدى والشاى، ممكن نعمل منها المناقيش وبعض الحلويات مثل الكنافة والقطايف.





الجُبنة الشَّركسيَّة

هي جبنة بِعملوها في شمال القوقاز، هاي الجبنة ما بِتْذوب عند القَلي أو عند الخبز، وبِسْتخدموها إكْثير في الأكلات الشركسية، في منها نوعين: الجبنة العادية والجبنة المدخنة ولما يِعملوها بِصبّوها في سَلّة دائرية، وكانوا الرَّحَّالة (المسافرين) بِياخْذوها معهم للأكل، وكانوا زمان الشَّركسية يعتبروها من الأكلات المقدسة.

المكونات:

حليب، مُصْل اللبن، ملح.

طريقة الطبخ:

بِنْجِيبِ الحليبِ وبِنْحُطُّوا في طنجرة على النار حتى يغلي عَشان يِتْعقَّم، بَعدين بِنْحُط مُصْل اللبن وبِنْجيب مِصْفاية فيها وبِنْظل إنْحرّك فيه، بَعدين بِنْجيب مِصْفاية فيها قطعة شاش وبِنْحُط الجبنة ومِنْرُش عليها رَشِّة ملح خفيفة، بَعدين بِنغْليها بالشاش اللِّي بالمُصفاية، وبِنْحُط فوقها وَزِن عَشان تِنزل المَيْ، هاي الطريقة الأصلية الها، بَسْ في ناس صاروا يِحُطُوا عليها حبّة البركة والسمسم، بَسْ تِجْهز بِحُطُّوها بالفريزر عَشان ما تُعَفِّن لأنه ما فيها مواد حافظة. النوع الثاني بِتْكون جبنة إمْدخّنة وهي نفس الطريقة، بَسْ هاي بِحُطُّوها بالفرن وبِتْظَل فترة طويلة من ساعتين لئلاث ساعات.





اللّبنة

بِنجِيبِ حليبِ الغنم السمرا وشْوي نعاج، بَحطه على نار هادية لما يصير على وجهه الرغوة، بَتأكد إنه غلي إمليح، بتركه على بين ما يفتر، بَحط خنصري بالحليب وبَعِدْ للعشرة إذا اتحملت حرارة الحليب معناته فتر وجاهز للترويب، بَجيب علبة لبن رايب من السوق وبَخْلطها بشْويّة حليب من المغلي وبَحركها إمْليح، وبَرُد أديرها على الحليب كله وبَغطيه، وبَحطه في منطقة بعيدة عن الشمس لمدة ثمانية إلى اثنعشر ساعة، وبعدها بَجيب خريطة انْظيفة وبَدير اللبن الرايب بيها.

وممكن آخذ إشوية من الرايب وأحطّه بالثلاجة واستعمله للأكل الوقتي (الاني) وبَحط على اللبن الرايب الملح وبَتركه حتى ما يزل المصل عنه، حتى يصير لبنة بصير أعجنها مرتين باليوم وبخلّيها لليوم الثالث، والرابع بَطلعها من الخريطة وبَحطها على شريطة ناعمة ونظيفة وبعجنها، وفي اليوم الثاني كمان مرة بغيرها على شريطة ناعمة وانظيفه ثانية وبَخليها لحد ما تصير جاهزة للأكل أو التخزين بعد ما تصير اللبنة جامدة وجاهزة للتخزين بَحيب مطربان قزاز حجمه وسط وبَعبّيه بالزيت لنُصّه، وبعدها بُوخذ اللبنة وبِبْدا أدَحْبر بيها وبَسويها إزْرور ازْغار، وكل زر بدحبره طوالي بَحُطه بالزيت، بَظل أدَحبر باللبنة حتى أعبّي المطربان وبَخلّي الزيت يغرّق اللبنة على شان لما أخزنها ما تِخرب اللبنة، وبعدين بَسكّر المطربان إمْليح حتى لا يدخل الهوا إله ويخرّب اللبنة، بَخبّي مطربانات اللبنة بمكان جاف بحرارة الغرفة، بدخله الهوا وبعيد عن الشمس، بَخَزنها للشتا، وبَقدمها على الفطور والعشاء مع بريق شاي.





النّبيذ



وفي طريقة ثانية لعمل النبيذ تقريبا بتشبه الأولى لكن بنقب العنب حبة حبة وما بنخليه على العناقيد في ناس بخلي العناقيد لانه بصير طعمة استشى وممكن نخمره باجرار فخار أو براميل خشب (النبيذ حساس جدًا لازم كل الأدوات تكون نظيفة وناشفة امليح من المي ولما اصفيه اشوي اشوي).



تَقْشيد السَّمْنَة البلقاوية أو البلدي

بِنْجِيبِ الزبدة البلدية اللّي هي بِتنْفصل عن اللبن المخيض لما أنْخض الحليب، أو بَجيبها جاهزة وبَحُطها بالطنجرة وبَسوّخها، بِطيش اللبن اللّي بالزيدة على وجه الطنجرة وبَقيمُه بالكفكير المخزق وبَكِبه لما تبدا تغلي السمنة، بَحُط جريشة القمح، بعد ما أغسلها، على الزبدة على شان اللبن اللي ظل بالزيدة تِمتصه الجريشة، وبتظل على نار هادية، بَحُط عليها معلقتين أو ثلاثة حواجة السمن ورشة ملح إزْغيْره وبَتركها تغلي على نار متوسطة وبَظل أحركها شوي شوي لما توخذ اللون الأصفر المايل للخضار وتغلي مليح بطفي النار عنها وبخليها لما تركد اشْوي، وبعدين بَصفّيها بِجاط نظيف ومَنَشّف إمْليح وبَخلّيها تُرْكد كمان إشْوي وبجيب مطربانات قزاز لتخزين السمنة بعد ما تبرد بعبي المطربانات وبسكرها إمليح بحفظها بعيد عن الشمس والرطوبة، وبَخلّي الجريشة لانه كلها سمن بلدي على جنب، كثير ناس يِلفّوا ورق دوالي عليها وبِطبوخها وبِوكلوها أو بُوكلوها طوًالي بعد ما يصفوا السمنة، سميت بالبلقاوية نسبة إلى أهل البلقاء المميزين في صناعتها.







الخَبيصة/ المَلْبن

الدالية هي النبتة المشهورة في الأردن، وكانت زمان كروم العنب على مد النظر، ولازم كل بيت عندو هاي الدالية لو وحدة، هي بتعطي منظر حلو للبيت، ولما يستوي العنب إبْنِعمل منه إكْثير أصناف، لما بِدْنا إنْقول عن شخص بِعمل إكْثير أشياء بِنْشبهه بالعنب، بِنْقول: (مثل العنب كل شي بخرج)، وكل الأصناف اللي إبْتنعمل من العنب إبْتنعمل في نهاية الموسم.

بَلُم العنب الأشقر بنهاية الموسم، بَنقْبه وبَغسْله وبَحُطه بِجاط كبير وبَفغشُه بِأدّي إمليح، وبعدين بَجيب مِصفاية البندورة الألمنيوم أو البلاستك وبَصفّي العنب من البزر والوَرْش تَبَعُه، وبَحُطه بطنجرة كبيرة ألمنيوم أو تيفال، وبَحُطها على النار، بَخلّيه لحد ما يِغلي، قبل ما أحُطه على النار بُوخذ إشْوية من عصير العنب على جنب وبِظل العنب الباقي على النار، وبَظل أحرك بيه، بُوخذ العصير اللّي مِشْ مَغلي بَذوّب بيه طحين قمح، بنظرة العين بَحدد الكمية، وبَظل أحرك بالطحين على بين ما يذوب، ما بَخليه (يحثرد) يعني يِجبّل، لما يغلي العصير إمْليح على النار بَحط عليه ينسون وبَتركه يِغلي لحد ما يتبخر والقُريش وبَديره عليه، بصير يثقل العصير ويتكاثف وبَرفعه عن النار وبَفردُه بَرًا على قماشة وفوقها والقُريش وبَديره عليه، بصير يثقل العصير ويتكاثف وبَرفعه عن النار وبَفردُه بَرًا على قماشة وفوقها بلاستك، بَكون فاردها على طاولة كبيرة، وبِظل بالشمس لمدة أسبوع، ممكن نعمل الخبيصة رقيقة أو إخْميلة على شان تِطْلع طريّة، ما بَحُط عليها طحين أبيض ولا بَخليها بالشمس أكثر من اللازم، وبَخليها إخْميلة على شان تِطْلع طريّة، ما بَحُط عليها طحين أبيض ولا بَخليها بالشمس أكثر من اللازم، وبَخليها مفرودة عليها أو بقطعها شقف شقف وبحطها بأكياس نايلون وبعطها بمكان ما فيه رطوبة وبعيد عن الشمس وممكن اضيف منها بالعيد وبتتاكل بالشتا وبتعطي طاقة ودفي.



دبْس العنب

كانت أيام زمان في مناطق وسط وشمال الاردن كروم العنب على مد النظر لكن كانوا كل الناس تفزع لتساعد بعض بقطف العنب بموسمه على طريقة الحصيدة. هاي الايام بطل بيه لا مواسم عنب ولا حصيدة قلت الاراضي الزراعية بسبب زيادة عدد السكان والعمارات الاسكانية صرنا منشتري العنب من السوق مشترى، حتى أعمل كل منتوجات العنب، لما بدي أعمل الدبس بَجيب العنب الأبيض، دايمً بكون عمل الدبس في نهاية الموسم، لأنه بكون طعم العنب حلو، بَجيب العنب وبَفَرْطه وبَقيم منه الحبّة الخربانة وبَخُلطه على الماكنة الكهرباء وبَصفّيه بالمنخل، بُوخِد مية العنب وبَحُطها بطنجرة وبَخليها تِغلي غلوة واحدة على النار وبَطفّي النار تحته حتى يهدا إشَّوي على بين ما يترسب الورش اللّي بيه وبَصفّيه بطنجرة ثانية بشاشة ناعمة (تسمى اليانس)، وبَرْجع بَغْليه مرة ثانية على نار هادية وبَحرْكه، كل إشْوي بَقيم الرغوة اللّي على الوجه في بداية الغلي بالكفكير المُخزّق، وبِظل دبس العنب طول اليوم يغلي على النار، وبَظل أحرك بيه كل ربع ساعة، لما يصير يعقد إكْثير بَطفّي النار من تحته وبَخلّه يَرْكد إشْوي، وبعدين بِفرْغه بمطربانات وبَخزنه للشتا، ويكون أزكى إذا بتاكل مع إطْحينية، وبَخلُط الدّبس مع الطحينية بتصير أكلة شتوية ممتازة، بتعطي طاقة وبدفي، وبتغمسه بخبز قمح الرضف.





الزَبيبْ

بَجِيب عنب أبيض، بِكون في نهاية الموسم تقريباً، بِكون العنب إكْثير حلو، وبِنكون غالي مي بطنجرة كبيرة، بَحُط عليها صودا الغسيل قبل ما تغلي بِشْوي وبَحُط على المي كاسة زيت زيتون وبَفْرش شرايط كبيرة على الأرض، بَمْسك كل قِطف عنب لحاله، بَنقب الحبات الخربانة وبَغُطّه بالَميّه المغلية وبَصَفْطُه على الشرايط كل قطف بِجَنب الثاني وبَعْمل كل القطوف بنفس الطريقة، وبَخَلِّه تقريباً خَمِسْ طَعشر يوم بدون ما أقلبه، وبعدها بقلبه على وجهه الثاني ويضل كمان خمس طعشر يوم وبعدها بصير لونه بني وبِنْحطه بِجاطات كبيرة وبِنقْبُه من عيدانه، وبعدها بَجيب جاط بلاستك كبير وبَحُط بيه مَيّة وصابونة بلدية أو نعامة وبَعَسل فيه كل حبات الزبيب بِفَرْكه فرك بِأَدي، وبعدها أشطفه بالمَي النظيفة إمْليح، وبَرُد أفرد شرايط نظيفة على الأرض، وبَفْرد عليها الزبيب بالشمس لمدة يوم أو ثلاثة لما ينشف إمْليح، وبَرُد أفرد شرايط نظيفة على الأرض، وبَفْرد عليها الزبيب بالشمس لمدة يوم أو ثلاثة لما ينشف إمْليح، وبعدين بَحُطه بكْياس نايلون وبَجَهزه للخزين.

كانوا زمان يفرشوا الزبيب بعد ما يغطوة بالمي والكربونة والزيت على أرض سهلة ترابتها حمرا (بصير طعم الزبيبب استشى وطري) لحد ما يصير لونه بني غامق وبعدين يغسلوه بمي وصابون وينظفوا إمليح من الصابون ويرجعوا ينشروه مرة ثانية.





تَطْلي العِنَبْ

بَنقِّي العنب المَليح وبَغسْله بعد ما فَرَطته، بَفغُش العنب وبَصفِّيه بالمصفاية، وبُوخذ عصير العنب، وبَكب الورش، بَوزُن عيارين عصير عنب بعيار سكر أوحسب الطلب، وبَحُطه على النار مع التحريك المتقطع حتى يتكاثف ويصير زَي العسل، وبَنزُله عن النار وبَخليه يبرد أو بظل ساخن، وبَفرغه بالمطربانات وبَسَكرُه بإحكام وبَقلْبه لفترة على شان يِتْفرّغ من الهوا، وكل أنواع التطلي مفيدة بالشتا أكثر، لأنها إبْتعطى طاقة كبيرة.




خَلْ العِنَبْ

لما إمْنِشْتري العنب الأبيض أو الأسود وَبِدْنا نِعمل منه نبيذ، مِنْظّف حبات العنب، مِنْغَسْلُه بالمَي مِنْلِم الحبّات الخَربانة، والحبات المُنيحَة مِنِعْمل منهم نبيذ، ومِنْلم الحبات الخربانة والوَرِش تَبَع العنب كلُّه مِنْنَقَعة بِجاط ومِنْغطّيه، ومِنْغطّيه إشْويّة مَي مِنْغطّيه ومِنْخلّيه بالشمس مدة أسبوعين أو ثلاث، عَشان يِتْخمّر، ويُوخِذ اللون الأحمر أو احتمال إنْسَوّي اللون الأبيض خل، وبعد هِيكْ مِنْصفّيه ومِنْحطُّه بِقزازة وَبِتْسكّر عليه، لأن الخل مُشْ بحاجة، بِنْحُطه بمكان درجة حرارته باردة، وبستخدم بالسلطات والناس بِتِسْتخدمه بالأدوية، وفيه ناس بِتِسْتخدمه بِتْنظيف الخشب والسيراميك. وبأيامنا هاي والناس بِحطُّوه على تنظيف الدجاج ولِتخفيف الزفر، وهذا بِدِلْ على أهمية شجرة العنب أو الدالية بإمكاننا نسْتغل كل أجزائها ومنسْنفيد منها حتى الورق، وورش العنب.



الفنان التشكيلي حازم النمراوي بيت التراث والفنون



المُربيّات/ التَّطْلي

زمان كان فيه مربيات منها: السفرجل والتين والنبق والعنب، والنبق هو الزعرور وبطلع عليه حب أصفر صغير وشجرة الزعرور هيه اللّي بِتْطلّع النبق، ومِنْسوّي منه تطلي، بِنْشيل البزر وَبِنْحُط عليه كمية سكر، زَي السفرجل تقريباً إذا كان كيلة (كيلو) السفرجل بِطلع أقل من الكيلو سكر، وكان عِنّا النْجاص البري، وهايْ المربيات اللّي كانت زمان وبعدين دخل الدراق المشمش والخوخ والتفاح.

تطْلي التِّين

بَنقِّي حبات التين المستوية ما يكون فيها خراب وبَغسًلها من الغَبرة، وبَفغُش حبات التين وبحط عليه مَي أقل من كمية التين بِشْوي، وبَحُطها بطنجرة على النار، ولما تغلي غلوتين، بَنزله عن النار، بحط كل اثنين كيلو تين بكيلو سكر، وبَدير عليه السكر وبَحُطه على النار على بين ما يعقد، بَضيف عليه الينسون الحب والناعم وكبش القرنفل وبَحُط حسب الطلب سمسم، وبعدها بَنزله عن النار وبَخليه لما يبرد بَحُطه بمطربانات القزاز وبَسكْره إمْليح وبَقْلبه إشْوي على شان يطلع منه الهوا الزايد، وبَحفظه بغرفة جافة مِشْ إمْرطبة حتى نستعمله بالشتا.

تطْلي المشمش (مُرَبّي)

بَجِيبِ المشمش وبَغْسله إمْليح، وبَقيم منه البزر، بَحط عيارين مشمش وعيار سكر وبَحُطهن بالطنجرة وبَحطهن بالشمس لمدة ساعة على بين ما يذوب المشمش مع السكر، وبعدين بَحطهن على نار هادية، بَظل أحرك بيهم، قبل ما يغلي بِشْوي بَطلّع التُخمة على الوجه بَقيمها بِكفْكير، بَحط عليه ذرة وملح وليمون، أوعَشان أعرف إن المشمش إستوى إمْليح بَجيب صحن وبَحط معلقة تطلي بيه أو بَفصلها بأصبعي الزَّغير، إذا فَصَلت معناها إستوى، واذا رجعت معناها لِسّا ما اَسْتوى، وِنْعبي بالمطربانات وهو ساخن وبَحط على وجهه نِتْفة زيت على شان يحفظه من العفن وقطعة نايلون وبَسكْره إمْليح، أو بَقلب المطربان على شان يِسَكر إمْليح، بَخَزن التطلي في مكان جاف بعيد عن الشمس ويِتْاكل بالشتا لأونه حلو ممكن يتْاكل مع الزيدة البلدية والمستوردة ويتْغمس بخبز القمح البلدي ويعطى طاقة.







تَخْزين المُلُّوخيّة

لما طلعت موضة الملوخية كل وّحْدة من نسوان الحارة تِشتري بالدور حمل كبير ملوخية بِعْروقها من سيارة كانت بتلف على البيوت تحطهن بهل الحوش أو تحت شجرة اذا عندها بستان كل النسوان والبنات يتجمعن عندها وينقبن الملوخية من عروقها، ويظلن بالساعات على بين ما يكملن تنقيب، بِتْكون المرة عاملة إشي حلو أو طبخة بَسْ يكملوا التنقب بِتْغدن مع بعض، وكل وحْدِه بِتروّح على بيتها، لكن هاي العادة خفت إكْثير وصارت النسوان يشترين ملوخية مقطعة خالصة من السوق.

وأنا كمان بَجيبها من السوق إمْقطّعه خالصة وبَنقّبها إذا بيها خربانة أو عيدان وبَغسلها وبَنشفها من المَى وبَخرنها ثلاثة طرق:

الطريقة الأولى:

بَفرمها فرمة خشنة وبَحطها على نار هادية، وبَستويها نص استواء على بخارها وبَطفّي النار تحتها وبعدها بفردها على السدر على بين ما تبرد وبَقسمها بِكْياس نايلون كل طبخة لحال وبحطها بالفريزر.

الطريقة الثانية:

بعد الغسيل بَفردها بالشمس لمدة يومين أو ثلاثة على بين ما تنشف وتصير إمْقرمشة من الشمس وبَلمها وبَفركها على الغربال على بين ما تصير ناعمة، وبَرد أَنَخلها إشْوي بالمنخل على شان أنزل الملوخية الناعمة إكثير وبَكبها، لأنه ما بْتنفع بالطبخ وبَحط الملوخية الباقية بالخريطة بمكان بُوْصَله شمس وِمْهوًا لتخزينها للشتا.

الطريقة الثالثة:

بأغسل الملوخية بخليها تنشف من المَي وبَفرمها خشنة وبَنشفها بالشمس لمدة ثلاثة أيام، وبَلمها وبَحطها بالخريطة ومكان مشمس، ولما أرجع أطبخها إبْترجع شكلها كأنها طازه.





الدُّقَّة

المكونات:

الكزيرة الناشفة، والقمح المقلي المجروش، وعين الجرادة، والسماق البلدي، ملح الليمون، وشُويّة ملح، الكمون، والشطة الحمرا.

طريقة الطبخ:

وبِنِطْحنهن كلهن مع بعض عند العطار، وإذا بِدّي اياها دُقّة حمرا بَزيد عليها الشطة الحمرا الحلوة، إبْتتاكل مع الزيت ومع خبز قمح بلدي مشروح وبِنعمل منها مناقيش مثل الزعتر.





رصّيع الزيتون الأخضر

تشتهر الاردن بمزارع الزيتون، وهذه المزارع تَنتج أحسن أنواع الزيتون بالعالم، قبل إلقاط الزيتون للطحن على شان يِنْعمل الزيت قبل بثلاثة أسابيع أو أقل إشْوي بتصير النسوان إتْخبي مونة الزيتون وبِرصعنّه، كل وحده قد عيلتها وأولادها، نيجي أول إشي بِنجيب الزيتون وبِنّقي الحبة المُليحة على جال، وبنفرزهن الحبة الصغيرة على جال والحبة الكبيرة لحال، واللّي فيها ضربة لحال والحبة السودا لحال، ونْبلّش إنْدُق الزيتون بالحجر، بكون في بالدار حجر خاص لدق الزيتون، الدق اليوم صار في مياكن يرصْعن الزيتون، لكن الدق بالحجر أحسن لأنه ما بنْدُق الحبة إكْثير بعد دق الزيتون بِنْحطه بجاطات ونحط عليه ميّه عادية لمدة ثلاثة أيام، وبنظل إنْبدلها كل يوم حتى يروح المرار من الزيتون، وبعد هيك بَكون إمْحضرة الليمون والفلفل مقطع، وبَصفّي الزيتون من المّي وبَحُطه بجاط وبَخْلط الليمون والفلفل بالزيتون وبَحُطه بالمطربانات القزاز وتنكة كبيرة، وبَحُط عليه المَي المالحة للآخر، وبعاير الملح على طيشة البيض أو على العيار كاسة مَي ومعلقة ملح وبَسكِّر المطربان إمْليح، وبَخبّيه بغرفة المونة أو مكان المونة لوقت الشتاء، وبيه أنواع من الزيتون البلدي والروماني، وكنا نعمل الزيتون المسبّح يعني إمْسبّح بالمَي بدون دق، بَخلِلُه بنفس الطريقة اللّي حكينا عنها، ولما يصير وقت أكله بِندقُه، وبِنْحط عليه زيت، وبِتأكل صار في أكثر من طريقة هلا كبْس الزيتون في المشطّب والمخروم مع الجزر واللوز.





رصّيع الزيتون الأسود

بِنجيب الزيتون الأسود وبِنقيه بالحبة وبِنحطه بالمصفاية أو بكيس خيش أو بلاستك الخشن تبع البصل، وبنجيب الزيتون الأسود لما بستوي بِكون طري إشْوي، وبِنْرُش عليهن ملح، وبنلفهن بالكيس وبِنحط عليهن وزن مثل حجر كبير أو دلو فيه ميه بظل منقوع بالملح لمدة اربعين يوم أكثر إشي حتى تنزل كل المّي اللّي بيه، وبعده بِنْغسل بالمّي المغلية وبعد ما تبرد بِنْخلّيه تايتْصفّى، بَكون أنا إمْحضرة الليمون والفلفل مقطع وبَخُلطه مع الزيتون وبعبي المطربانات وبغرقة بالزيت وبسكر عليه إمليح، وبَضُبّه بغرفة المونة لما يجي الشتا، بِتأكل مع كل الأكلات التراثية وغير التراثية، وإحنا المسيحية إبْنوكله وقت الصيام أكثر إشي لأنه كل أكلنا نباتات.





المْخَلَّلات



كان زمان بَس نعمل الزيتون وبعدين صرنا نِعمل المخللات من بعد صرنا نزرع الفقوس أول إشي، وبعدها صار إمخلل الخيار، وبعدها اللفت، ومن جديد صارت الناس تعمل مخلل الخضروات ومخلل بعض الفواكه، لكن أنا بِدّي أحكيلك كيف إبنعمل المخللات اللّي إحنا الكبار متعودين عليها، أول إشي بَعيب الفقوس الحبات الصغيرة، وما فيها خراب وبَعسله وبَحط عليه المَي المالحة، بَكون إمْجهزه غليها، بَخليها لما تُبرد، كنا إنْحط ملح حسب طيشة البيضة، ما فيه كان عنّا عيارات مثل اليوم، وأنا طول عمري بَحط بهاي الطريقة أو بالعين، بَجيب المطربان وبَحط فيه الفقوسات وبعدها بدير المَي المالحة وبَحُط زرّين ثلاثة فلفل أو حسب الطلب، وبيه ناس بحطوا سكر أو إشْوية خل على المَي، هذا في حالة بِدّي يتْخلل بسرعة وبِدّي آكل منه على السريع، أما إذا بدّي إياه يطول ما بَحط عليه لا سكر ولا خل، وبَحط على الوجه كم ورقة من ورق الدوالي، وممكن أحط عليه إشْوية حُصْرم حامض حتى يصير طعم الفقوس المخلل حامض وبصير أزكي وبَسَكُّر المطربان إمليح حتى ما يدخل عليه هوا، وبَحطه في غرفة المونة لما يصير وقت أكله، وممكن أعمل خيار بنفس الطريقة، وكنا نعمل كمان اللفت بنفس الطريقة لكن كنا إنقسمه نص دائرة ونحط عليه كم حبة شمندر إمُقطّعه علىشان يصير لونه أحمر، ونْحُط إشْوية فلفل بدون الحصرم، كل هاي المونة بِنْخبيها للشتا أو وقت الصيام، وكنا إنطها بجنب أكلة الرشوف والمجدرة أو المنسف كمان.



الكشك

هو من الأكلات التراثية القديمة يعرفوها أهالي القرى، حتى في مثل بِنِحكى عليها: ياما أكلنا كِشك وياما تسكّر فينا رغْفان.

المكونات:

برغل خشن، مي، لبن رايب، ملح.

طريقة الطبخ:

بِجيبوا جَاط كبير وبِحُطّوا فيه البرغل وبِحُطوا عليه مَيْ بَسْ ما تكون كثيرة، ونْبيّت ليلة كاملة تَيْتشرب البرغل المَيْ، ثاني يوم بِتْكونوا إمْحضْرين لبن رايب إمْحمّض (إمْبيّت خارج الثلاجة) وبِحُطوا معه ملح، هَسًا بِبلْشوا يِحُطوا اللبن مع البرغل مِشْ دفعة وَحْدة، كل يوم دفعة، وبِنْعَجنه مع بعض حتى يصير زَي العجين، بَعدين بِقَطعوه قِطَع صغيرة وبِنْشروه على شَرشَف كبير، بِجيبو مُو كثير شمس ولا برد حتى يِجف، بَعدين بِطْحَنوه على المطحنة (الرحى)، بِصير بَعدين زَيْ الطحين، هِيكْ بِتْكون جاهزة وبِسْتخدموه مع أكلات كثير فيها المعجنات والسلطات الخَظْرا وأكلات ثانية كثيرة.

الزعتر البلدي

بزرع الزعتر حوالين البيت في الحاكورة وبقطعه كله بعيدانه أو بشتريه من السوق بجيبه بعيدانه وبفرده بالشمس وبَخليه على بين ما ينشف، وبعدها بَنقبه عن العيدان أو بسحبه سحب مرة وحدة عن العيدان، وبَجمع الزعتر المُنَقِّب وبَودِّيه على العطار يِطحنلي إياهن، وبَطحن معهن حمص حب قمح مقلي وبي ناس بطحن قضامة صفرا بدل الحمص الحب، وفيه بهارات أو تتبيلة خصوصي للزعتر عند العطار بَحطها عليهن، وبَحطهن إبْجاط وبخلطهن إمْليح، وبعدين بفردهن على قطعة بلاستيك كبيرة وبفركهن بالزيت إمليح على شان ما يِكبُتل، وبحطهن على جنب، وبخلط معهن السماق والسمسم وشوية ملح على شان ما يعفن، ممكن أخزنه بكياس نايلون وأحطه بالفريزر أو مطربانات قزاز في مكان جاف ما فيه رطوبة.





الحوايج

بَلَقُط الحَنْدقوق من حاكورتنا، وهي عشبة برية، وبتكون كمية كثيرة، وبَنشْفه بعيدانه، وبعدين بَسْحب الورق سحب، وبَحُط إشْوية فِيجن (نوع من أنواع الأعشاب) وورد السنوي (الجوري) السمّينة وشومر وورق غار، كل هاي المواد مِنْشفها وبِطْحنها عند العطار وبِحُط عليهم إشْوية ملح، وبعد الطحن بِقَسّمهم نصين، نص بِظل أخضر زي ما هو، والنص الثاني بُخْلطهم بالورص أو الكركم الأصفر، بزيد مقدار ثلثهم كركم، وهيك بِصير عندي حوايج خضرا وحوايج صفرا، تستخدم لمعظم الطبيخ وعمل السمنة البلقاوية (البلدي).



مكدوس البيتنْجان

بِنشْتري من السوق البيتنجان اللّي حبته صغيرة، أول إشي إبنسُلقه سلقة خفيفة ونشطبه بالسكين وبِنْحط ملح خشن على كل حبة، ونْصفّيه بالمصفاية الألمنيوم وبِنحط عليه إشي ثقيل لمدة أِسبوع حتى يتْصفى من المّيه إمْليح، وبَكون إمْحضرة الحشوة وهي جوز مفروم وثومة مفرومة وبَخلطهم إمْليح مع بعض أو بِتكون الخلطة بندورة وبقدونس وثومة مفرومين ناعم، ممكن أعمل نوع أو النوعين بِحشي الحشوة في حبة البيتنجان وبَحطها بالمطربان، وبَس يِتْعبًا بَعْرْقُه بالزيت البلدي وبَسكُرُه إمْليح وبَضُبّه حتى يجي وقت أكله.



بعض الأكانية الني دخلت على الني دخلت على المطبخ النراثي الأردني

لقد احتضن الأردن العديد من الجاليات العربية والشركسية والشيشانية والأرمنية لأنه المكان الأمن، وشعبه العربي الأصيل المضياف الذي يحترم ويقدر الأخرين وقد أصبحت تلك الجاليات بتمازج تام مع الأردنيين، سواء أكان بالنسب أم بالجوار أو بالوظيفة، وصارت الكثير من أكلات تلك الجاليات من مكونات المطبخ الأردني، كما أن الأكلات التراثية الأردنية أصبحت من مكونات مطابخ تلك الجاليات، وصار من الضروري أن يتضمن هذا الكتاب وصفًا لتلك الأكلات، مما أثرى مادة الكتاب، وفتح افاقًا واسعة أمام ربات البيوت لتبادل تلك ألاكلات.

المَانْتش

أكلة تراثية شيشانية.

المكونات:

العجين وهو عبارة عن طحين ومَيْ وملح، والحشوة وهي عبارة عن لحمة مفرومة ناعمة وبصل مفروم ناعم وملح وفلفل أسود.

طريقة الطبخ

أول شَئ بِنْبلّش بالعجين، بِنْحُط الطحين والمّيْ والملح بِجاط وبِنِعْجنْهم لَتْصير عِنّا عجينة متماسكة وبِنتْركها تِرْتاح، وبَعدين بِنْبلّش بالحَشْوة، بِنْجيب مِقْلى بِنْحُط فيه اللحمة المفرومة مع البصل ونْظَل إنْقَلّب فيهم، بَعدين بِنْطفي تحتها إنْقَلّب فيهم، بَعدين بِنْطفي تحتها وبِنْحُطها بصحن حتى تبرد، هَسًّا بِنْجيب العجين وبِنْرُقه وبِنْقسمه مربعات بالسكين طبعًا، حجمها يكون وسط وبِنْبَلش نِحْشي فيها باللحمة وبِنْسكّرها، ومِنْسَقطهم على طبق من الألمنيوم المُخَرم، ولازم الطبق يكون مدهون بالزيت أو السمنة، طبعًا الطنجرة بِكون فيها أكثر من طبق إمْخرّم فوق بعض وهي تقريباً بِتشبه طنجرة المَفتول، طبعًا ويكون تحتها طنجرة ثانية محطوط بيها مَيْ ورَشِّه ملح، مِنِسْتناها لَتِغلي، بَعدين مِنْحط الطبق المخرم، وعادة يكون عدد هاي الأطباق المْخرّمة لغاية أربعة أطباق.

هَسًا بِنْعد ثلث ساعة وِهيكُ بِتْكون إِسْتوت، هَسًا بِنْحُط الصوص تَاعْها، وهو عبارة عن قَلاية بندورة عليها بصل وجزر مبروش وملعقة ملح ورَشِّة سكر ورَشِّة فلفل أسود بِنِطْبخها لَتِتْماسك، وبَعدين مِنْحُط قطع المَانْتش بصينية تقديم، يا مِنْحُط الصوص عليها من فوق أو مِنْحُطهم بصحون وبِنْغمّس حبّات المانتش فيه، وبياكُلوها بالشوك.

المعدات:

طنجرة مانتش، شوبك سكين وشوك، صحون تقديم.

القَلْنَش الشِّيشَاني

المكونات:

طحين، مَىْ فاترة، ملح، لحمة شُقف، بصل، فلفل أسود

طريقة الطبخ:

بِنْجِيب جَاط، بِنِعْجن الطحين مع المَيْ الفاترة ورَشِّة ملح، وبِنِعْجنها إمْنيح ومِنُتْركها تِرتاح أقل إشِي ساعة، وهَسًا بِنْجيب طنجرة مِنْحُط فيها البصل المفروم واللحمة ومِنْقليهم، بعدين بِنْحُط الفلفل الأسود والملح ونْظَل إنْقلب فيهم، بَعدين مِنْحُطها فيه ومِنتْركها تنْسَلق إمْنيح، بَعدين بِنْجيب العجينة ومِنفْرِدها بِخُمل الله المقابع العبينة للسبة ومِنْقطعها الأصابع لَحدود السم، وبَعدين نِفْردها بأصابع اليد، كل قطعة لَحال ومِنْسفّطهم بصينية مرشوشة بطحين، طبقة وَحدْة، بِهاي الفترة بِتْكون شُوربة، ومِنْسقّط الطحين فيها الشُوي إشْوي وكل ربع ساعة بنْحَركها، طبعًا بِتْكون العجين طايفة على الوجه، بِتْكون العجينة نَزلت لِتَحِت بِتْكون السُّوربة بِنْشيلها على طول حتى ما تُعجّن وبِنْطَلّعها على سِدِر تقديم، بَعدين بنْجيب ثومة مدقوقة مخلوطة مع الشُّوربة واللحمة وبِنْحُطها بِصحون تقديم أو كاسات، والشوربة إما بشْربوها مع الأكل أو بعد الأكل، وهاي الأكلة إبْتنْأكل بالشوكة.

المعدات:

طنجرة، شوبك، صينية، مغرفة، شوك، سكين.

شِبسْ بَاسِتة

هي من أشهر الأكلات الشركسية، بِعملُوها في العزايم وبِعْتبروها زَيْ امْتحان للمرأة الشركسية، عَشان يِحكموا عليها إذا إنها ربة بيت ناجحة أو لا.

ىاستة:

المكونات:

رز مصري حبة قصيرة، برغل خشن، ملح ومَيْ.

طريقة الطبخ:

بِنْبلّش بالبَاسِتّة، بِنْغَسل الرز والبرغل وبِنْحُطْهم في قِدِر على النار، وبِنْحُط عليهم مَيْ وملح وِنتْركهم على النار مُشْ عالية عَشان يِلزِّق (يلتصق) الرز مع البرغل وبِصير زَيْ رز إمْعجن، بَعدين بِنْجيب ملعقة خشب كبيرة اسمها (بلاغ) وبِنْبلش نِدْعك الرز مع البرغل، وبَعدين مِنْجيب كَفْكير وصحن عَشان إنْشكّلها أو نِفْردها بصينية، وبِنْقَطعها على شِكل مستطيل وبِنْحُطها في صينية تقديم.

الشِّبِس:

المكونات:

طحین، زبدة، دجاج، جوز مهروس، ثوم مهروس.

طريقة الطبخ:

أول إشي بِنْحَمص الطحين مع الزبدة على نار هادية حتى يِصير لون الطحين ذهبي غامق، وبِنْحُطه على صينية حتى يُبْرد، بَعدين مِنْجيب الدجاج المقطع بِنُسُلقه، وبَعدين بِنُوخِذ مرقة الدجاج وبِنْخُلطها إشْوي إشْوي مع الطحين المحمص، وبِنْحُطها على نار هادية، ونِظَل إنْحَرك فيه حتى يِغْلي، بَعدين بِنُحُط الجُّوز المهروس والثومة المهروسة وشْوَي من المرقة مع الحليب، وبِنِخُلطه مع بعض وبِنْضيفُه على الشَّبِس المَقْلي، بَعدين مِنْجيب الدجاج ومِنْحُط عليه ثوم مهروس مع ملح وبِنْحُطه بِصحن جَنْب الشِّبِس والبَاسِتَّة، هَسًا بِنْحط الدَّاغَة اللِّي هي الزبدة أو السمنة بِنْحُطها بالمِقلى وبِنْحُط عليها فلفل أحمر وبنسكبها فوق صحون الشِّبس باسِتَة.

مَحاشي أُرمنيّة

المكونات:

كوسا وباذنجان وورق دوالى وفلفل حلو.

والحشوة كوبين من الرز وبندورة مفرومة ناعمة وفلفل حار أخضر مفروم حسب الرغبة ٤٠٠ غرام لحمة خروف مفرومة خشن أو عجل، سمنة ملعقتان كبيرتان حسب الرغبة، ملح، فلفل أسود، فلفل أحمر، بودرة، دبس الفلفل، رب البندورة، عصير الليمون.

طريقة الطبخ:

نخلط اللحمة، البندورة، الفلفل الأخضر، الملح، الفلفل، الرز بعد غسله، رب البندورة أي جميع المكونات جيدًا ثم نحشي الباذنجان، الكوسا، الورق، نضع المحاشي في الطنجرة، ونضع المي نصف ساعة، ولا نزيد رب البندورة في صلصة المحاشي، وعندما يستوي نصفي المي ونضعه في إناء آخر ونضيف عليه حبة ثوم مدقوقة ثم نضيف الليمون والنعناع الناشف ونضيفه على المحاشي أو نضعه جانبًا، اللّي بحب يوكل مع المحاشي.

المانتة

هي عجينة ارمنية تتكون من طحين وماء وملح نضعهم جميعاً ونخلطهم جيدًا، وندعها ترتاح لمدة ساعة، والحشوة لحمة مفرومة ناعمة لحم خروف أو عجل حسب الرغبة وفلفل أسود وملح وفلفل وغرام وبصل مفروم ناعم، وممكن أنْجيب ملعقة صغيرة من دبس الفلفل الأحمر نخلطهم جيدًا، ونعمل منهم خلطة مفيدة جدًا، ناخذ العجين ونُرُق العجينة رقًا جيدًا مثل الشيش برك ونُقسمه إلى مربعات صغيرة مثل الشيش برك ونضع اللحمة داخله ونغلقه ونضعه على جنب ونترك الوسط مفتوحًا مثل شكل السفينة أو الفراشة، نأخذ صينية وندهنها بالزيت، والمانتة في منتصف الصينية ونشويها بالفرن حتى تصبح محمرة ومقرمشة، ونعمل صلصة البندورة أو صلصة اللبن وصوص البندورة وماء مغلي أو الصوصة مرقة اللحم، رب البندورة، ملح، فلفل أسود، نعناع ناشف، زبدة، بصل ناعم، بندورة، ثوم مدقوق، أما صلصة اللبن فتكون من اللبن والثوم المدقوق، ممكن تحضير سلطة بدون بندورة مطحونة بس مرقة اللحمة مع رب البندورة وباقي المكونات والبهارات.

مِنْشيل البصل في الزيت في طنجرة ونْضيف عليها البندورة المطحونة، مرقة اللحمة، نْضيف ثوم مدقوق مع رب البندورة، نعناع ناشف، ملح، فلفل أسود، بنْصفي الصلصة على الصينية، نْضيف اللبن مع الثوم ونْزيّن الوجه بالسماق.

تبّولة أرمنية

المكونات:

برغل ناعم كوب واحد وأربع حبات من البندورة الحمراء المفرومة الناعمة، حبتان وسط من بصل أبيض مفروم ناعم وواحد من البصل الأخضر مفروم، ضمة بقدونس مفرومة، نعنع مغسول مفروم، ملح، فلفل أحمر بودرة، رب البندورة، ملعقتين من عصير الليمون، زيت الزيتون ربع كوب، ممكن خلط زيت الزيتون، زيت نباتى حسب الرغبة.

طريقة الطبخ:

نقوم بوضع الزيت في إناء ونضع البصل المفروم ثم نضيف البندورة المفرومة ونقلبهم مع بعض ونضيف الملح والفلفل الأحمر ودبس الفلفل ورب البندورة في ٥ دقائق ثم نضيف عليها البرغل ونحركهم، ويُغطى الإناء حتى يِتْفشش البرغل ثم نضيف البقدونس والنعناع والليمون ونحركهم جيدًا ونسكبه في جاط ونُزيّن الوجه بالبصل الأخضر المفروم مع رشة بقدونس على الوجه، وممكن أن نضيف على الجانب ملفوف ونأكل التبولة مع الملفوف بدل الخس.

الصفيحة الأرمنية

المكونات:

لحم خروف ناعم، بندورة حمراء ١ كيلو، فلفل حار أخضر حسب الرغبة، نصف كيلو بصل ناشف، دبس الفلفل الأحمر، رب البندورة، دبس الرمان حسب الرغبة، ممكن يكون بدون دبس الرمان، فلفل أسود، فلفل أحمر بودرة، ملح، راس ثوم مطحون، بقدونس ضمة.

مكونات العجين:

نص كيلو لحمة و٤ أكواب من الطحين و٢ ملعقة صغيرة خميرة وملعقة كبيرة سكر وملعقة كبيرة زيت الزيتون وملعقة صغيرة ملح، ونخلط الخميرة مع السكر في نصف كوب ماء فاتر، ونتركه لعدة دقائق ليرتاح، ونخرج العجين لتصبح متماسكة، بشكِّل العجين على هيئة كُرات، وندعها ترتاح، ثم ننقل كرات العجين بواسطه المشبك على شكل دائري ورفيع، ونضع فيه الحشوة على شكل قطع عجين، ونِفردها ونخبزها بالفرن دقائق على حرارة عالية، ليس أكثر من ربع ساعة.

طريقة الطبخ:

نضع البندورة والبصل والفلفل الحار والبقدونس بالخلاط أو على الأيدي بدون خلاط، بَس يكون ناعم جداً جداً بنضيف الفلفل الأسود والأحمر والملح ودبس الفلفل ورب البندورة والثوم ونخلطهم جيدًا، ونضيف دبس الرمان، عادة معظم الأرمن يعملوا الخلطة ويضعوها عند الفرن، وإذا بدهم عجينة بالبيت برقّوا العجين رقاً جيدًا، وبمدوا الحشوة عليه ويضعوه بالفرن حتى يختمر.

المَفْتول

المكونات:

سميد خشن، طحين قمح، مَيْ، لحمة أو دجاج، حمص حب، بصل، بهارات إمْشكلة، وفلفل أسود.

طريقة الطبخ:

بِنْحُط السّميد بِجاط ألمنيوم وَبِنْرُش الطحين عليه، وَنْبَلِله بِقطرات مَيْ خفيفة، ومِنْبَلش إنْفَتل فيه إشْوي إشْوي حتى يِصير حبات صغيرة، بَعدين بِنِخُلُه من الطحين بِظُلْ حبّات المفتول بِنْحُطها بالمِفْتلة أو الصفّاية المصنوعة من الألمنيوم، وبِنْحُطهم على جنب، بَعدين بِنْجيب قِدِر بِنفْرم فيه البصل وبِنْحُط عليه الدجاج المُنطَف، وبِنْحُط عليه البهارات المشكلة والفلفل عليه زيت وبِنْقُلبه إشْوي، وبِنْحُط عليه الدجاج المُنطَف، وبِنْحُط عليه البهارات المشكلة والفلفل الأسود والملح، وبِنْظل إنْقَلّب فيه، بَعدين بِنْحُط الحمص المنقوع مع المَيْ، بَعدين مِنْجيب المُفتَلة اللّي فيها مفتول وبِنْحُطها فوق قِدر الدجاج وبِنعْجن عجيبنة ومِنْفتلها حَوالين القِدر والمُفتَلة حتى ما يِسْتوي الدجاج وتِكْبر حبّات المفتول وتْصير ما يطلع البخار من الجوانب، وبِنْحُليها على الغاز لَحَد ما يِسْتوي الدجاج والحمص فوق المفتول اللّي طرية، بَعدين بِنْحط الدجاج والحمص فوق المفتول اللّي بلسدِر والشُّورَبة اللّي سَلقنا فيها الدجاج، وبِنْحطها بِصحون للّي بِدُّه يِشرب المفتول، وصحتين وعافية.

المعدات:

جاط ألمنيوم، منخل، قدر، إمْفتلة أو صفّاية ألمنيوم، سِدر للتقديم، صحون للشُّوربَة.



المَقْلوبَة

هي من الأكلات الشعبية المشهورة جدًا في فلسطين وانتقلت إلى الأردن.

المكونات:

من الدجاج المُقطع، أو اللحمة القطع والخضروات مثل الزهرة أو البطاطا والباذنجان أو الفول، والرز المنقوع وبهارات المقلوبة المشكلة والملح والسمنة النباتية أو البلدية وزيت الزيتون البلدي واللوز والصنوبرحسب الرغبة.

طريقة الطبخ:

نقلي الدجاج أو اللحمة بالسمنة البلدية بالطنجرة على بين ما تستوي، وبَحط ورقة غار أو إكليل الجبل حتى تروح زنخة اللحمة أو الدجاج، بطفي النار تحت الطنجرة وبتركها على جنب، وبعدها بَغسّل قطع الباذنجان أو أي نوع الخضار حسب الرغبة، ممكن أحط أكثر من نوع خضار في نفس الوقت، إذا كانت على الباذنجان بَفضل إيكون لحاله وبقطعه دوائر وبَفرده على صينية وبَرُش على كل قطعة إشويّة ملح، وبتركهم إتْصفّى من الماء على شان (لما اقليه بالزيت ما يفرقع زيت مع المي) وبعدها بَسخن الزيت البلدي أو العادي بالمقلى وبقلى الباذنجان حتى يصير لونه بني فاتح وبَشيلهم وبَحُطهم بِجاط وبحط أي نوع من الورق حتى يتشرّب الزيت، وبعدها بَفْردهم فوق الدجاج أو اللحمة المحمرة في طنجرة، بكون حضّرت الرز المنقوع وغسلته بالمية قبل ما أديره فوق الباذنجان، ويكون إمْبهر بالبهارات المشكلة مع الملح، وبعدها بديره وأحط مية لحد ما يغطي الرز وبخليه على نار حامية لحد ما يغلى الماء مع الرز، بوطي النار على الآخر، وبِتْظل الطنجرة على بين ما تستوي المقلوبة، بعدها بَديرها على السدر، بصير الدجاج أو اللحمة من فوق، ممكن نِعملها من غير لحمة أو دجاج، ممكن نرش فوقها لوز وصنوبر مقلية بالسمن البلدي.





ورق الدَّوالى والكوسا

المكونات:

ورق دوالي وكوسا، رز، لحمة خروف بلدي، بهارات، فلفل حواجة، سمنة، كركم، نعنع ناشف، لحم قطع أو (صفاق)* أو جاج.

طريقة الطبخ:

بَجِيبِ الكوسيات جاهزات للحشي، وبعدها بَجِيبِ الورقات وبَسلقهن وبَحُط ميّه على النار لما تغلي امليح، بَحُط الورق بالميه لما ينسلق ويصير لونه أصفر بقيمهن من الميّه وأصفيهن وأحُطهن على جنب، وبعدها بَحضّر الحشوة، وبَحُط عليهن اللحمة المفرومة وبَحُط السمنة البلدي أو السمنة النباتية أو بَخْلطها حسب الرغبة، وبَرُش عليها البهارات والفلفل والكركم والحواجة والنعنع الناشف، بَحْشي الكوسيات أول شي وبَحُطهن على جنب، وبعدها بَلِف الورقات.

وبعد ما ألِفْهن بَجِيب طنجرة كبيرة وبَفْرش بِقاعها ورق الدوالي مِشْ ملفوف، وبعدها بَشقّح بندورة وبَعدها طبقة ثانية فوق الورق وإذا بِدّي أحط اللحمة أو الجاج بين الورق بَحُطه فوق البندورة، وبعدها بَحُط طبقة ورق دوالي ملفوف، وبعدها الكوسا المحشي، وبعدها طبقة ورق ملفوف، وبعدها كمان طبقة بندورة إمْشقّحة، وبعدها بَرُش إشْوية ملح حسب الرغبة، وبَحُط على وجه الطنجرة إشْوية سمن بلدي، بَحُط معلقة سمنة، وبَحُط مكعبات ماجي وبَعْصر حبة ليمون على وجه الطنجرة وبَدير عليها بلدي، بَحُط معلقة الأخيرة، وبَحُطها على نار حامية لما تصير تغلي، بعدين بَوطيها إشْوي، وبِتْكون الطنجرة إمْعُطية وبَخليها تِستوي على نار هادية، لما تستوي بَكْفُتها على سدر ألمنيوم، وهي أكلة جماعية.

المعدات:

كانوا زمان بِطبوخها بطاسية النحاس ويستعملوا السدر النحاس زمان كانت كروم العنب على مد العين (ومن العنب نسوى اكْثير اشياء).

*صفاق الخروف: هي جزء من القفص الصدري بتكون رقيقة وعليها دهون.





الكوسا المَحشي باللبن أو البندورة

المكونات:

الكوسا والرز واللحمة المفرومة خشنة والجميد البلدي والبهارات والحواجة، ونضع السمنة العادية أو البلدية والكركم.

طريقة الطبخ:

بَجِيب حبات الكوسا المنقورة، بَخَضخضها بالمَيّة والملح، وبَكون إمْحضر الحشوة اللي بْتتكون من الرز المنقوع والمصفى من المَيّه وبَدير فوقهن اللحمة المفرومة، ممكن تكونة اللحمة المدهنة حسب الطلب، وبَرُش عليها إشْوية ملح مع الحواجة والبهارات وبَخلطهن مع بعض بِإيدي وبصير جاهزة الحشوة، بَجِيب الكوسا وبَحْشيه حبة حبة وبَصفْطه بالطنجرة وبعدها بدير عليه المريسة، وبَحُطه على النار لحد ما يغلى ويعقد مع الكوسا.

ممكن نعمل البيتنجان مع الكوسا، وممكن نعمل اكلة شيخ المخشي أو المخشي نحشي الكوسا اللي بكون حجمه إزْغيّر، بَسْ بتكون اللحمة مقلية ومبهرة وعليها صنوبر بالصينية بدير عليه مريسة الجميد أو الطحينة المذوبة بالمَيّه والليمون ونْحمره بالفرن وبِظل بالفرن على نار هادية لحد ما يِتْحمر ويِعقد ويستوي الطبيخ.

وممكن نظيف لطبخة المحاشي (الفلفل الحلو، الفلفل الحار اللّي حجمه كبير، بصل، جز،ر قرع، بطاطا) بتنطبخ على عصير البندورة كمان بنفس طريقة اللبن.

المْسَخّن

المُسخن أكلة شعبية فلسطينية انتشرت في فلسطين بسبب كثرة مزارع الزيتون، وبعدها انتقلت زراعة الزيتون إلى الأردن وأنتقلت معها الكثير من الأكلات الشعبية الفلسطينية.

المكونات:

دجاج كبير، كل دجاجة ٤ قطع، وكمية بصل كبيرة مفروم والبهارات والسماق البلدي والملح وزيت الزيتون البلدي وخبز القمح البلدي المشروح.

طريقة الطبخ:

بَجيب الجاج بَحطهم بطنجرة وبَحط عليهم مَيّ للسلق، بحطهم على النار بظل لما يستوي، بعدها بصفيه من المي وبَحُطه على جنب، وبَخلي ميّة الدجاج على جنب لأني بِدّي أرجع استعملها، بحط على ميّة السلق ورق غار على شان زنخة الدجاج إثروح، وبعدين بَجيب البصل المفروم على شكل هلال وبَقليه بالمقلاة وبحط عليه زيت زيتون بلدي، (أفضل وقت لعمل هذه الطبخة وقت عصر الزيتون البلدي؛ بنجرب الزيت الجديد) بحطها على النار الهادية على بين ما يذبل، وبرش عليه السماق البلدي والملح، وبعدها بطفي النار تحته وبخليه على جنب، بعدين بَجيب الصينية الكبيرة أو السدر الألمنيوم، وأحط بقاع السدر إشويّة زيت زيتون، وبعدها بَفْرش الخبز المشروح أو الحجم الصغير وبَحط فوقيه طبقة من البصل المذبل مع السماق البلدي وبَرُد أحط عليه كمان طبقة خبز مع البصل المذبل، بَجيب إشويّة ميّه من ميّ الدجاج وبَديره على الخبز والبصل على شان يصير إشْوي طري لما أحطه بالفرن، بعدين بَصفًط الجاج فوق الخبز وأدهنه بزيت الزيتون، بَحمّي الفرن، وبعدها بعط السدر بالفرن على بين ما يتْحمر الدجاج، وبعدها بقدمه للأكل، وكل واحد بُوخذ صحنه وبحط قد ما السدر بالفرن على بين ما يتْحمر الدجاج، وبعدها بقدمه للأكل، وكل واحد بُوخذ صحنه وبحط قد ما إليب أو شنينة أو سلطة الحراثين (سلطة البندورة والبصل والسماق).





القذرة



الجاج إمْقطع ثمانية أو أربعة قطع حسب الرغبة، رز منقوع، بصل مفروم شرايح، حمص منقوع قبل بليلة، سمن بلدي، إشعيرية، بهارات، فلفل، حواجة، ملح، كركم، لوز، صنوبر، زيت نباتي.

طريقة الطبخ:

بقلي الشعيرية بالمقلى بزيت الزيتون أو السمن ومِنْحطها على جنب، وبقلي الجاج بقاع الطنجرة بالزيت النباتي لما يصير لونه ذهبي، وبعدين بحط البصل المفروم ومِنقلبه مع الجاج حتى يتذبل، وبعدين بحط الحمص المنقوع ومِنقليه مع الجاج والبصل لما يذبل، وبالآخر بِحط الشعيرية المقلية وبحركهم مع بعض بالملعقة الخشب، وبعدين بحط البهارات والفلفل والملح والكركم والحواجة، وبعدين بحط المي على عدد كاسات الرز بزيادة كاسة مي لما تغلي المي إكْثير، بعدها بدير الرز المنقوع، وبِظل على نار حامية لحد ما يغلي الرز مع المي إكْثير، بعدها بوطي النار تحت الطنجرة وبِظل لحد ما يستوي الرز، بعدها بقْلِبها على السدر، وتتاكل جماعية مع العيلة وممكن نطبخها بالمناسبات.

والقدرة أكلة فلسطينية خليلية وسميت بهذا الاسم لأنها تُطبخ في إناء فخاري.



الكُفْتة بالبندورة أو الطحنية

المكونات:

اللحمة المفرومة ناعمة، بقدونس، بصل، بندورة وبطاطا، والبهارات وفلفل وملح وسمنة نباتية.

طريقة الطبخ:

بَطحن اللحمة ناعمة بماكنة اللحمة أو عند اللحام وبحطها بِجاط، بفرم البقدونس والبصل على إيدي فرمة ناعمة إكْثير، وبَحطهن فوق اللحمة وبَحُط البهارات والفلفل والملح وبَعجنهن إمْليح وبعدين بَجيب الصينية بدهنها بسمنة وبَفْرد اللحمة المعجنة بيها، وبَجيب البندورة المغسلة وبفرمها على شكل دوائر، وبْقشر البطاطا وبفرمها على شكل دوائر وبَصفطهن فوق اللحمة، ممكن أحط ورق الغار عن زنخة اللحمة وبَلفها بالقصدير وبَحطها بالفرن بِكون حامي لما تبلش تغلي، وبعدين بوطيه على بين ما تِستوي اللحمة، وبَقيم القصدير وبَحُط الصينية بالطبقة الفوقا من الفرن على بين ما تِتْحمر، ممكن إنبدل البندورة بالطحينة*، بَقدمها بنفس الصينية وبَحط بِجنبها سلطة، زيتون، مخللات لفت فقوس وخيار.

*تحضير الطحينة في حال بدي اطبخها بالطحنية، بجيب جاط بحط أربع معالق كبيرة طحينة أو حسب الطلب بعصر عليها حبتين ليمون وبضيف عليها كاسة مي بخففها بالمعلقه أو بالخلاط لما تصير الطحنية بيضا.





المُلوخيَّة

المكونات:

ملوخية خضرا أو ناشفة (بقولوا الملوخية أصلها من مصر وبيه ناس بقولوا من فلسطين وبعدها انتقلت إلنا)، الرز، الجاج أو اللحمة، البهارات، الفلفل، الثومة، الشعرية، ليمون، حبات بندورة.

طريقة الطبخ:

بجيب الجاج بسلقه إذا بده سلق بَجيب الطنجرة التيفال وبَحط بيها الجاج وبَحط عليه الميه لَقَبل باب الطنجرة بِشْوي وبحطها على نار حامية إشوي، وقبل ما تغلى بِشْوي بِصير عليها تخمة وبقيمها بالكفكير، وبعدها بَحط إشْوية ورق غار على مية السلق وراس بصل حتى تروح زنخة الجاج وبتظل تغلى المي لحد ما يستوي الجاج، وبعدها بَصفي الجاج من المَيه وبَحطه على جنب، بعدها بَجيب الطنجرة وبَقلي بيها الثومة المفرومة بسمنة نباتية حتى يصير لون الثومة ذهبي، وبعدها بَحط قطع الجاج وبقليها مع الثومة وبَظل أقلب بيها لما تتحمر إشوي وبَجيب الملوخية الخضرا أو الناشفة حسب الرغبة، أنا بحب أخلطها بطلع طعمها وشكلها أزكى، وبَحطها فوق الجاجات وبَظل أقلب بيها وبَرُك أفره زرّين بندورة وبحطهن فوق الملوخيات وبَعصر حبة ليمون على شان تصير الملوخية حامضة وما تُمزُلغ (يعني تِسلِي) وبَظل أقلب بيها حتى تتذبل الملوخية مع الجاج، وبعدها بدير ميّه عليها، ممكن نستعمل مية سلق الجاج بدل ما نُكبها وبَرُش عليها البهارات والملح والفلفل وبتُظل على نار حامية لما تبدا تغلي بَوطي النار إشوي وبخليها تِغلي على مهلها لحد ما تِستوي الملوخية وبَطفي الغاز تحتها لما تبدا تغلي وبَطها على حنب.

وبعدها بفلفل الرز، بكون منقوع بجيب طنجرة ثانية وبَحط بقاعها سمنة نباتية مع الشعرية على نار هادية وبَظل أحرك بيها بمعلقة لحد ما تصير الشعرية لونها أصفر، وبعدها بحط ميّه بقدر كمية الرز بزيادة كاسة مي وبَرُش إشوية ملح على الميه وبَخليها لما تغلي، وبعدها بَدير الرزات على الميه بكون مصفيهن من مية النقع وبَخليه على نار حامية لما تغلي المي مع الرز إمْليح وقبل ما تتنشف الميه عن الرز بَوطّي الغاز تحت الرز وبخليه يستوي على نار هادية، إذا ما اسْتوى الرز بَرُش عليه إشْوية ميّه وبَخليه لما يستوي وبعدها بطفّي الغاز، بخلي الإكل يركز إشْوي، بعدها بصب الأكل كل واحد بصحنه.



الطْرَاف

المكونات:

الكرشات والمصارين الرفيعة،والفوارغ هي المصارين الخميلة, والزموع هي إنْصاص الرجلين ونْصاص الإيدين، والمقادم يعني إدين ورجلين الخروف أو الجدي او العجل ولحمة مفرومة خشنة بلدية وحمص منقوع ورز وسمنة بلدية أو عادية حسب الطلب, والبهارات والفلفل والملح والصنوير واللوز حسب الطلب.

طريقة الطبخ:

إِبْوخذ مكونات الاطراف لما نذبح الذبيحة أو نشتريه من المسلخ او السوق، ممكن نطبخهن مع راس الخروف والعجل، وممكن بدون راس، بكون امْحضرة الحشوة للكرشات والفوارغ اللّي مكونة من الرز بِكون منقوع، واللحمة المفرومة مع ليّة حسب الطلب، وبَحُط عليها سمن بلدي أو سمن عادي معلقتين كبار او حسب الطلب، والبهارات والحواجة والكركم والنعنع الناشف مثل حشوة ورق الدوالي وبَكون الكرشات والفوارغ والمصارين منظفات وبَقطع الكرشات قطع بحجم كف الإيد أو أكبر اِشْوية وبَخيطهم على شكل أكياس إزْغيْرة على شان أقدر أعبي بالكرشة الحشوة، وبعد ما أحشيها بَخيّطها بالإبرة والخيط على شان أسكرها وما تفرط بالطنجرة لما أطبخها، وممكن أحشي الفوارغ كمان بعد ما أقطعها، بِتكون ما أقطعها، وممكن أخلّي المصارين على طولها لأنه ما بُتِنحشي لأنها ضيقة أو ممكن أقطعها، بِتكون هيك جاهزة للطبخ.

بحب أطبخ الطبخات الكبيرة بالطنجرة الألمنيوم وبَحط بيها الطُراف مع الراس وبَحط كمان الحمص المنقوع وبَحط مَيّه لحد قبل باب الطنجرة بِشْوي، على نار حامية، لما يبدا يغلي بَرُش البهارات عليه والفلفل والملح وبِتْظل على النار الحامية لما تِسْتوي الطراف وبَطفّي النار تحته وبعدين الأكل في السدر أو صينية كبيرة نحاسية ولما يصير جاهز الطبيخ بَجيب سدر غميق، وبَفِت بيه خبز الشراك وبَشرّب عليه اِشْوي اِشْوي من مَيّة اللحمة مع الحمص لحد ما يتشرّب الخبز اِمْليح، وبعدها بَصفّط الطُراف والراس فوق فتّة الشراك، وبَشيل اِشْوية حمص لحاله وبَحُطه فوق الطراف للتزيين، وبعدها ممكن أقلي لوز وصنوبر بالسمن البلدي وبَديره فوق سدر الطراف وبَقدمه بالسدر للناس ممكن ينطبخ الطراف مع المفتول والورق دوالي.



فتّوش

المكونات:

البندورة، الفرفحينا، البندورة الجامدة، والبصل، والفجل، والسُماق البلدي، فلفل حار، خُبز مقطع قطع إزغيرة محمص مَقلّي بالزيت النباتي، الملح، والليمون حسب الرغبة.

طريقة الطبخ:

بَجِيبِ الفرفحينا من السوق أو من البطين بَنقِبها من الورقة الخربانة بغسلها وبَفرُمها فَرمة خشنة أو بَنقِب ورقها بدون فرم وبغسل البندورة وبفرمها مكعبات صغيرة وكمان الفجل بَغسله بَفرمه مكعبات صغيرة بَحطهِن بِجاط وبَخلِطهِن مع بعض، وبعدها برش المِلح والسُماق وبخلطهم حسب الرغبة وممكن أفرم قرن فلفل حار واضيفه عليهن واذا ناس بحبوا الحامض زيادة بَعصر عليها شوية ليمون وبعدين بديرهن بجاط قزاز، وبفرم البصل على شكل دوائر وبحطهن على وجه الجاط وبجيب الخبز المحمص وبحطهن على وجه الجاط ممكن تتاكل لحالها أو بجنب مقلوبة أو كبسة.





أَذان الشَّايب (الشُّوشْبَرك)

هذه الأكلة كانت ترتبط في عادات شعبية قديمة في لواء الرمثا ويتم تداولها في شهر رمضان المبارك، فقط تدعى الخميسية، والخميسية كانت عبارة عن عمل أكلة شعبية مثل أذان الشايب أو الكباب أو الكباب أله الملفوف، وغالباً كانت أذان الشايب يَطبخونها يوم الخميس بكميات كبيرة بطناجر كبيرة، بعد هيك تُفرّغ الطبخة بصحون وترسل للعنايا تعبيراً عن صلة الرحم، والعنايا هنا البنات والأخوات وبنات الأخوات وبنات الأخوات وبنات الأخوة المتزوجات، كانوا يعطوا صحون الخميسية للأولاد أو الشباب لتوصيلها للعنايا كل خميس في شهر رمضان، وطبعاً حسب ما مقدرة الأسرة، فكانت الأسرة المقتدرة تبعث الخميسيات كل أسبوع من شهر رمضان أو مرتين خلال الشهر، حالياً تطورت عدد الخميسية وتم استبدالها بدجاجة أو دجاجتين طازجتين، يتم إرسالهم للعنايا حسب مقدرة رب الأسرة والعنية هنا تقوم بمهمة الطبخ لأستها.

كَمان جرى تطور آخر على الخميسية فتحولت إلى مبلغ مالي مثل خمسة دنانير أو عشرة دنانير، وأيضاً حسب مقدرة رب الأسرة ولاتزال إعادة ارسال الدجاج الطازج قائمة إلى يومنا هذا، هي العوائل الغنية جداً مُمكن ترسل اللحم البلدى بدل الدجاج كل حسب مقدرته.

لتحضير أذان الشايب نعمل عجين عويص بدون خميرة، في ناس تعملوا بطحين أبيض ولكن الأفضل خلْط الطحين الأبيض مع طحين القمح بمقدار ثلثين إلى ثلث، ونْضيف عليهم رشِّة ملح ونعجن حتى تتجانس العجينة ونتركها تِرتاح، بعد ما تِرتاح العجينة بِنْقَرصها لَقُرْصات كبيرة أو اِنْقطعها إلى كرات صغيرة، وإذا عملنا قُرص كبير نِفردها بالشوبك، وِنْرُش الطحين اِمْشان ما تُلزِّق العجينة في الشوبك أو بالسطح يلًى بنْرُق عليه.

وبِنْصير اِنْقسم بالعجينة المرقوقة بواسطة كاس، يعني نستعمل الكاس في تقطيع العجينة دوائر باستخدام فتحة الكاس، وإذا قطعنا العجينة مثل الكرات من الأول نِفْرد كل كرة بأيدينا ونِحْشيها مباشرة. أما بالنسبة لحشوة أذان الشايب، مِنْجيب لحمة (حوار) ابن الناقة مفرومة و مخلوطة بِشْوية لحم خروف، عندنا في الرمثا يفضل لحمة الحوار المفرومة لاشتهارها بتربية الجمال في المنطقة، وأيضاً لأن لحمة الخروف تحتوي على الليّة، فإذا استخدمناها وحدها في أذان الشايب اِبْتتوسّخ اللية في أثناء الطبخ وبِتصيرأذان الشايب مصفوقة يعني كأنها مُشْ محشية لحمة أو أن الكمية جُوّا أذان الشايب من اللحمة بِتْصير قليلة، لهيك لما نِحشيها لحمة حوار وما فيها لِيّة اِكْثير بِتْظل الحشوة اِمْحافظة على شكلها وكميتها، لكن نُخْلط اِشْوية لحمة خروف مع الحشوة اِمْشان اِنْظيف نكهة مميزة للحشوة، لأن لحمة الخروف تحتوى على لِيّة وبتُكون أطيب.

بِنْحوس بصل مع زيت الزيتون وملح وفلفل وِنْضيف اللحم المفروم لها والكمون، وفي ناس بِتْضيف الشويّة زعتر ناشف زيادة للنكهة المميزة، ونُتْرك الخليط حتى يِسْتوي على النار، بعد هيك نقلي الصنوبر، طبعاً هاي إضافات جديدة على طبخة أذان الشايب، وَبِنْضيف الصنوبر المقلي أو اللوز المقطع أرباع ومقلي ونُخلطه مع اللحمة، وبعد ما تِسْتوي وهيك بتصير الحشوة جاهزة لوضعها داخل العجينة بِنْحُط مقدار صغير من الحشوة بعد ما تُبْرد داخل كل دائرة من العجينة اللِّي قَطَّعناها سابقاً ومنْبلّش إنْسكّرها.

اِبْنِطوي نُص دائرة على نصفها الآخر بحيث اِتْصير شكل اِهْلال أو شكل الأُذن، من هيك سمّوها أذان الشايب وكانتكبيرة الحجم ثم الضغط على أطراف القوس في الدائرة لإحكام إغلاقها وَثنْيها للداخل، وَبِنْحط طحين في سدر واسع أُونَظيف، وَبِنْحُط أذان الشايب يلي عملناهم جنب بعض حتى لا تلتصق ببعضها.

طَبْخ أذان الشَّايب:

كانوا يُمرسوا جميد وَيْخلّوه منقوع قبل بليلة ويطبخوه على الغاز، ولما يغلي بِدُبُّوا الأذانات فيه، ويتركوها وقت قصير لمده ٢١ دقيقة إلى ربع ساعة حتى لا تْذوب بالطبخ، وكان زمان يُسكُبوا بِسِدر وسيع، تُوكل فيه كل العيلة بالملاعق، حالياً صاروا يُطبخوا أذان الشايب بِشَنينة جاهزة من السوق وبنفس الطريقة، وصار السّكب يختلف، يعنى بصحون وكل واحد يوكل بالمعلقة من صحنه.

أذان بِمَيّة البندورة:

في ناس بِتْحبها بِمَيّة البندورة، يعني بِنْحُط بالطنجرة مَيْ، ومَيّة بندورة، وماجي، وِنْدُب الأذانات فيهالَمدة ٢١ دقيقة إلى ربع ساعة فقط، وِتْكون طعمتها شبيهة بالمعكرونة.

أَذان قَلِي:

مع التطور صرنا إنْشوف بعض السيدات بِتْقوم بِقلي الأذان مثل البرك بزيت القلي المُحَمِّى مسبقاً، بِنْقليها على الوجهين حتى تصبح ذهبية اللون وِنْصفيها في مصفاية حتى تِتْصفِّى من الزيت، وهون ما بِتْكون طَبَق رئيسي بِتْكون طبق جانبي لِسُفرة أو في رمضان، مثل السَمْبوسِك، هذه الأكلة تعد من الأكلات في فصل الشتاء، فهي تُزود الجسم بالطاقة والدفء وتسبب له بشرب كميات كبيرة من الماء.

مْتَبَل بيْذنْجان

المكونات:

بيتنجان أو بيذنجان، طحينة، سنين ثومة، ليمون، ملح

طريقة الطبخ:

بشوي البيذنجان بالفرن أو بلف البيذنجانة بالقصدير وبحطها على الغاز أو بالشتوية بشويه على صوبة الكاز ومرات بسلقه بالميه لما يستوي بنزله عن النار لكن الشوي ازتشى من السلق بكون محضر الطحينة بجيب جاط وبحط بيه سن الثومة ورشة ملح بدقه بالمدقة وبعدين بحط فوقيه الطحينة حسب الرغبة وبعصر عليها الليمون وبخفقهم بالمعلقة أو الخفاقة بضل اخفق مليح على بين ما يصير لون الطحينة أبيض وبعدين بحطهم على البيذنجان المشوي أو المسلوق وبدقهم بالمدقة على بين ما يصير ناعم شوي وبعدها بخلطهم مليح مع بعض وبزيد ملح أو ليمون حسب الطلب إذا حدا بحب المتبل ناعم كثير بخلطه بخلاط الكهربا وبعدها بقدمه بصحن، بزين الصحن بحبات الرمان لأنه بيعطي منظر حلو وطعمة زاتشيه ممكن يتاكل مع وجبة الغدا أو بكون ضمن مازات للمناسبات بتغمس بخبز القمح والأبيض.



فلافل

المكونات:

الحمص المنقوع قبل بِليلة وبقدونس مفروم ناعم، وبصل مفروم ناعم، وبهارات، وكربون الأكل على شان تنفخه، والفلفل، وزيت مازولا للقلي.

طريقة الطبخ:

بجيب الحمص المنقوع بَصفّيه من المَيّه وبَطحنه بالخلاط طحن خشن وبَطحن معه البقدونس والبصل وبَحطهم بِجاط وبَخلطهم مع بعض إمْليح وبحط البهارات والكربونة وفلفل والملح، بَحط شطة بدل الفلفل حسب الرغبة، وبَرجع بَخلطهم إمْليح وبحطهم بالثلاجة تاتِرتاح لمدة ساعتين، وبعدها بَجيب مقلى ألمنيوم كبير وغميق وبَحط الزيت بيه على بين ما يُسخن اِكْثير إذا ما كان ساخن اِبْتتفتفت حبة الفلافل بالزيت، والمطاعم بقلوا بالصاج وبيحطوا بيه الزيت وبقلوا فيه بعد ما يسخن، بَجيب خلطة الفلافل وبَعْملها على شكل كِبب إزغيرة أو بأداة خصوصي لعمل الفلافل وبَقليها على بين ما يصير لونها بني، وبقيمها بالكفكير المخزق وبَحطها بِجاط مفروش بيه ورق محارم المطبخ على شان يِتشرّب الزيت، ممكن أعمل منها ساندويشات مع خبز أبيض، من المعروف الفلافل أكلة شعبية بِحِبْها الغني والفقير مع إنها أكلة الفقراء، وممكن تِتْاكل مع صحن الفول أو الحمص.







إمْدَمّس الفول

أكلة شعبية مصرية من آلاف السنين، انتقلت إلى السودان وبلاد الشام، وكلمة (فول) هي كلمة مصرية قديمة وكلمة إمْدَمّس كلمة قبطية معناها المطمور (المطبوخ تحت الأرض)، وحسب ما ذكره التاريخ أن المصرين كانوا يشمئزوا من الفول وليس له ذكر لكن مع مرور الوقت أصبحت الأكلة الشعبية المهمة في مصر للفقير والغني.

بَجيب الفول الحب وبَنقعه قبل بيومين، بَسلقه الصبح، لما يِستوي بصفيه من مَيْتُه وبَخليها على جنب ما بَكبها لانه بِدّي أرجع استعملها وبَحُط الفول الحب بِجاط وبَدُقُه بِمدقة الخشب أو بطحنه بالمولنكس، بَخليه خشن إشْوي، طعمه أزكى، وبعدين بَقشِّر سِنين ثومة وبَدقهن إمْليح مع ملح وبحطهن على الفول، وبَسوِّي تَتْبيلة خاصة بالفول مكونة من رأس بصل إزْغيِّر، بَفرمه فرمة ناعمة مع زر بندورة إكْبير جامد أو حسب الطلب وبَفرمه ناعم وبَخلط البصل والبندورة بالزيت والليمون، إذا بِدي إيْكون الفول جامد أو مرق إشْوي بصحن غميق وبَحط إشْوية من مَية السلق حسب الطلب، وبَديرهن على جاط الفول، وممكن آذوّب الطحينة بالليمون بِجاط، وبعدين بَحط فوقها الفول المدقوق، وبعدها التَثْبيلة من غير ليمون أو حسب الطلب، وبَقدمها للفطور، وبِتْغمّس بالخبز البلدي القمح مع شاي، وممكن نستخدم المولنيكس أسرع لتحضير صحن الفول.



مَنَاقيش الزّعتَر

المكونات:

عجينة وزيت وزعتر.

طريقة الطبخ:

بَبدا بعمل العجينة، بجيب لقن وبَحط بيه طحين قمح ثلثين وأبيض ثلث ورشة ملح وبحط خميرة في كاسة ميه مع إشوية سكر وميه فاترة لما تفور، وبديرها على الطحين وبعجن الطحين بالميّه الفاترة حتى يتماسك العجين وبحطه على جنب وبَلفه بِحرام عبين ما يِخمر، ولما يخمر بَجيب العجين بقطعُه قراص وبَجيب سدر ألمنيوم وبَحط عليه زيت وبَرُق العجينة بإيدي بَكون إمْحضر الزعتر المخلوط بالزيت وبَفرشه فوق العجين المرقوق وبَحطه بالفرن لحد ما تتحمر المناقيش، ممكن نعمل نفس الطريقة مناقيش البيض والجبنة بتتاكل على الفطور مع الشاي.







فَطاير الكشكْ

من أشهر وأطيب الأكلات في شمال الأردن.

المكونات:

البرغل الحب، اللبنة، الشطة، البصل، زيت الزيتون والملح والكركم والطحين.

طريقة الطبخ:

اول شي نعمل العجين وبعده نُفرُم بصلة متوسطة الحجم ونُطبخها بزيت الزيتون وبنضيف لها البُرغل ويكون مَنقوع طبعا ونضيف لها المِلح والورَص (الكركم) والشطة وبعد نضجه يضاف له اللبن (لبنة) ويخلط جيدًا.

بِنشَكل العجينة كرات حسب الرغبة في حجم الرغيف وتوضع مادة الخليط في داخل العجينة وبعدها تُخبز في الفرن بعد ما نطلعها من الفرن تدهن بزيت الزيتون وتقدم ساخنة مع الشاي.

الفيهة الغذائية الأكارك النراثية الأردنية

يعرف مفهوم وأسس التغذية الصحية: هي تناول الطعام بالكمية والنوعية المناسبة للعمر والحالة الصحية والفسيولوجية بحيث يحصل الجسم على جميع احتياجاته من العناصر الغذائية والطاقة، وذلك للوقاية من الأمراض وتحقيق النمو السليم والتمتع بالصحة والعافية.

تحتوي الأطعمة التراثية في الأردن على الكثير من القيم والفوائد الغذائية من حيث غناها بالألياف كالخضار والحبوب الكاملة مثل القمح والبقوليات كالعدس والحمص والفول، كما أنها تتنوع بحيث يمكن الحصول عند تناولها على جميع العناصر الغذائية بالكميات المناسبة للفرد فتوفر منتجات الحليب وزيت الزيتون والفواكه واللحوم وبدائلها والحبوب والبقوليات يجعل من هذا النوع من الغذاء غذاء صحياً ومتوازناً.

وعند التخطيط لإعداد الوجبات المنزلية يمكن إعداد وجبات منزلية من الأغذية التراثية تمتاز بقيمتها الغذائية العالية، وتكلفتها المادية ضمن حدود إمكانيات الأسرة والفرد وتوفر أدوات تحضيرها في المنزل، وبأنها وجبات شهية ومرغوبة لدى الأسرة وهذا ما تمتاز بها نسبة كبيرة من وجباتنا التراثية.

وأود التذكير هنا بأنه يمكننا تغيير عاداتنا الغذائية عندما ندرك أن هذا التغيير قد يؤثر ايجابيًا على صحتنا وأنه كلما تناولنا غذاء صحيًا بمختلف مراحل العمر كلما زادت السيطرة على نسبة حدوث الأمراض المزمنة كأمراض القلب والسكري وارتفاع ضغط الدم وغيرها على مستوى الأسرة والوطن.

وسأقدم هنا القيمة الغذائية لوجبتين تراثيتين مشهورتين تعدهما الأسرة الأردنية بإستمرار، وهما المنسف والمحدرة:

- 1- المنسف: يعتبر الأرز المصدر الأساسي للنشويات في وجبة المنسف، أما اللحوم فهي المصدر المهم للبروتينات التي يتطلبها الجسم للبناء والنمو كما أنها المصدر الأساسي للعديد من المعادن (كالحديد والفسفور والزنك والنحاس) والفيتامينات (B6، B12)، أما لبن المنسف (المريس) فهو غني بالكالسيوم ومجموعة فيتامينات B وتزيد المكسرات من القيمة الغذائية للمنسف حيث أنها تحتوي على كمية جيدة من المغنيسيوم وزيوت أوميغا 3 وفيتامين هـ إلاّ أن المنسف يفتقر إلى الألياف الغذائية، لذا فإن إضافة طبق من البصل الأخضر والفجل والجرجير قد يساعد في تحسين محتوى المنسف من الألياف وبهذا تكون وجبة المنسف وجبة متكاملة من النشويات والبروتينات والألياف والفيتامينات والمعادن، وأخيراً لجعل المنسف صحيًا يفضل إزالة الدهون ما أمكن في اللحوم المستخدمة وعدم الاستماع إلى مقولة (عيار الشبعان أربعين لقمة) لأن المبالغة في تناول المنسف يؤدي إلى زيادة الوزن أو السمنة.
- المجدرة: وهي من الوجبات التراثية، وتتكون من العدس وصنف أخر غني بالنشويات (الأرز أو البرغل)، أما بالنسبة للقيمة الغذائية للمجدرة فيعد العدس مصدرًا للبروتين ومن أغنى البقوليات





في العناصر الغذائية، وهو غني أيضًا بالكربوهيدرات والألياف والفيتامينات بالإضافة إلى المعادن المختلفة، أما بالنسبة إلى الأرز أو البرغل فهما مصدر مهم للنشويات في وجبة المجدرة وإذا قدم بجانب طبق المجدرة لبن فإنه يزيد قيمتها بالبروتين والكالسيوم، أما إذا قدم طبق السلطة معها بديلاً للبن فتزداد قيمتها من الألياف والفيتامينات.

أخصائي التغذية الأستاذ طارق الفرح

النوائية الأردنية

مناسبات الأعراس

هناك الكثير من الكلمات والمصطلحات التي تتعلق بالطعام وأدوات الطعام والزراعة والمزروعات وتستخدم من خلال الأغاني المرافقة للأعراس تعاليل العريس وسهرة الشباب مثل:

(واللَّى يهوى البيض تكفاه شربة المَيّة) (بیدی قدح رایب ورنَّتْ فناجینه) شباب قوموا العبوا والموت ما عنّه والعمر شبه القمر ما ينشبع منه يا قُويعد عالرجم هيلك ينادونَك قلبي يحبك وهَيلي ما يريدونك يا قويعدِ عالرجم لا تامْن الحيّة واللّى يهوى البيض تكفاه شُربة الميّه يا قويعد عالرجم لا تامْن العقرب واللّي يهوى البيض لا يأكل ولا يشرب ومريتْ ع دارهم لا أبغم ولا أتكلم یا دمع عینی علی حیطانهم علّم مرّیتْ ع دارهم بإیدَی قدح رایب یا دمع عینی علی حیطانهم سایب الشِّق ياللِّي ابْتَني رنّتْ فناجينه شيخ بلا عِزوتُه قلّت مراجيله

وفي حفلات الأعراس يُغنّى يا شْجيرِة التفاح وِشْ حَمِّلك تفاح قلب العَزَب مرتاح ع أم المناديلي يا شْجيرِة الليمون وِشْ حمَّلك ليمون قلب العَزَب مرهونْ ل أم المناديلي









يا شْجيرِة الرُّمان وِشْ حمَّلك رمان قلب العَزَب مَليان عَ ام المناديلي يا ا شْجيرِة الخُوخة وِشْ حَمَّلك تسلم لي يا عريس مِتحرِّم بالجُوخَه

من أغاني الأعراس يستخدم فيها بعض الكلمات مثل الزيتون والشجر والسريس قوموا امرَحَن لُه عَ عروق الشجر هاتوا الطرابيش لَبسون الوِزر قوموا امْرَحن لُه عَ عروق السَريس هاتو الطّرابيش لبْسون العريس قوموا امْرَحن لُه عروق الزيتون قوموا امْرَحَن لُه عروق الزيتون هاتوا الطرابيش لبنَّسون المزيون هاتوا الطرابيش لبنَّسون المزيون يا مُلبس العِرسان وبالله عليك لا توجع العريس ونْدعى عليك



يا مُلبس العرسان وبالقايلة

أغاني يوم الِقْرَى

الِقْرَى هو اسم الطعام الذي يقدّمه العريس للمعازيم الذين يحضرون الفرح، وهو بطبيعة الحال المناسف في كل أنحاء الأردن، وحسب الحالة الاقتصادية والاجتماعية لأهل العرس، ومن الممكن أن يكون الكباب الرمثاوي في الشمال توضع الكباب على المنسف والأرز الحامض في الجنوب وفي معان بالتحديد، وتعكس بعض أغاني يوم الِقْرَى قيم العونة والفزعة الجماعية، والأغاني مثل:

يا مين يعاونًا ويا مين يعينًا ع جر المناسف يا مين يعينًا يا مين يردٌ الحِمل لَ صار مايل وفلان يردٌ الحمل لَ صار مايل

ذبحنا الذبايح عَ المرج الأخضر.. واللّي إمْكذّبنا يِجي اليوم يحضر *****

يا عَلا واطلع المنسف مَليان.. يا عَلا رز ولحم خرفان والمنسف يُدرج يدرج على الطار.. منسف أبو فلان صدر الخطّار والمنسف يدرج يدرج على هُونُه.. منسف أبو فلان خيّر يذكرونه

ومن أغاني الأعراس أيضا

إتْلولَحي يا دالية يَمْ غصون العالية إتْلولحي عَرضين وطول إتلولحي مَقْدر أطول

ومنها أيضاً

شامِمْ رِيحة حَنْدقوق وِشْعلتْ قلبي يَلّي فوق







وشامِمْ رِيحة زَنْزَلَخت وَخَذتْ عقلي يَلّي تحت اقْلَعْ وازْرعْ بيتنجان يلْعن راس أبو الزّعلان

ومنها أيضاً

زَرعنا تينة على الطّريق زَرعنا تينة يِبْلاهِ إِبْسكينة عدوك يا (فلان) يِبْلاهِ إِبْسكينة زَرعنا خُوخة على الطّريق زَرعنا خُوخة يبْلاهِ إِبْدوخة عدوك يا (فلان) يبْلاه إِبْدوخة

ومن هذه الأغاني أيضاً

نَعْنع يا نَعْنع أخضر يا نَعْنع حاكورة صغيرة يا ماما وصبايا إبْتِخْلع

وعند انحباس المطر يغني الفلاحون

يالله الغيث يا ربي تِسقي إزْريعنا الغربي يالله الغيث يا دايم تِسقي إزْريعنا النّايم يالله الغيث غيثينا وِاسْقي حَلال راعينا يالله الغيث غيثينا ومن مَيّاتِك إسْقينا

يا ربي ليش حابسْ والزرع تحتك يابس يا ربى ليش هل غَيضَة وأكلنا عروق الحُمِّيضة

ومن أغاني الحصاد

مِنْجلي يا مِن جلاه راح للصّايغ جَلاه

ما جَلاه إلا بعلبة رِيتْ العِلْبة عَزاه مِنجلي يا بو رَزّه شُو جابَك من غَزهً زَرِعْنا وإحنا إصحابُه بالمناجل ما نْهابُه

ومن الأغاني الأردنية الشعبية

بين الدوالي بين الدوالي في الكرم العالي يا مَحَلا السهرة والبدر يلالِي بين الدوالي سحْجتْنا إبْتلعب مَحَلا دبكتها شبان إبْتطرب زادتْ فَرحتها بين الدوالي حُط إيدي بِيدك خَليك إبْجنبي لَسْمع قصيدك وَفَرِّحْ قلبي بين الدوالي جَنب العّريشِهْ نُرقص ونْغني مَحْلا هالعيشِهْ وحْنا في الجَنّهْ بين الدوالي صَبّاب القهوهْ دُورْ إِبْدلّتها عَالسهره الحلوه ما مِنْفوتْها بين الدوالي







الهجيني

يا بنت ضُبّي شِقير الراس
سَليت عيالٍ كثيرين
أبوها يا كاسب النُوماس
وأخوالها رجالٍ كريمين
والشمس غابتْ يا بِن شِعلان
وأريد أدور معازيبي
والدّلّة تِسكب على الفنجان
يا بهارها جُوزة الطّيب
يا يُمّه طيحي على الغورِ
لقيتِ بالبيت نَشميه
حَطّيت السمن إبْصحن بَلور
والشاي من فوق صينية
يا خيي يالله أنا وِيْاك عَ الغور نزرع بساتين
لازرع لَولْفي ثلاث وردات واسْقيهن من ميّة العين



الهجيني

يا بنت ضُبّي شِقير الراس
سَليت عيالٍ كثيرين
أبوها يا كاسب النُوماس
وأخوالها رجالٍ كريمين
والشمس غابتْ يا بِن شِعلان
وأريد أدور معازيبي
والدّلّة تِسكب على الفنجان
يا بهارها جُوزة الطِّيب
يا بُمّه طيحي على الغورِ
ليا يُمّه طيحي على الغورِ
ولقيتِ بالبيت نَشميه
حَطِّيت السمن إبْصحن بَلور
والشاي من فوق صينية
والشاي من فوق صينية
يالله أنا وِيْاك عَ الغور نِزرع بساتين




الأمثال والأأشعار النراثية الأردنية

أمثال شعبية متنوعة

- مثل إجْريوي الخبّازات (يقال لمن هو مدلل).
- مثل إحمار الدولة يحملوه ذهب ويطعموه تبن. (يقال لمن يخدم الناس بدون أجر).
 - مثل بقر التركمان، إجعار ع قلة حليب. (يقال لمن يخدم بلا فائدة).
 - مثل التربة ما بترد ميت. (يقال لمن يخدم ولا يعطى).
 - مثل الجاجة الأرملة ما بترد الغربلة (يقال للمفجوع على الأكل).
 - مثل الجدي برضع من فوق اللجام. (يُضرب للتحايل).
 - مثل خبز الصاج مقلب على الوجهين. (يضرب للمنافق).
 - مثل خبز الشعير ماكول مذموم. (يضرب لمن ليس له حظ).
 - قنبني ولا تكريني أي لا تحرثني (شجرة الزيتون تقول صاحبها).
 - القمح والزيت سَبْعين بالبيت (أي اسدين) (يبعدان الجوع عن البيت).
 - الجنان جنون والملك زيتون (أي متعة الزيتون لا يضاهيها متعه).
 - أسمع جعجعة ولا أرى طحنا (يقال لمن يحكى كثيراً بلا فائدة).

أمثال الشعبية تخص الفلاح:

- افلح ارضك، واستر عرضك (يقال للعاطل عن العمل)، (يقال للشخص الذي يقع بضيق)، (يقال نصيحه للآخرين: كمّل شغلك بسرعة وبكّير)، (يقال لما الغلط يجي من كبير القوم).
 - إن جار عليك الزمان جود على أرضك.
 - أفلح وثن وازرع بدري.
 - التلم الأعوج من الثور الكبير.
 - إذا خلف بيك الفقر عليك بزراعتها (يقال وقت الضيق).









أمثال تتعلق بالطعام وأسماء الأكلات والأدوات المستخدمة:

- البِسِّة إبْتوكل عشاه (يقال عن الشخص الخجول).
- مثل العنب بخرج كل إشي (يقال للشخص متعدد الهوايات).
 - اللَّى بُوكل على ضرسه بنفع نفسه (الاعتماد على النفس).
 - إتْغدّا وتْمدا وتْعشى وتْمشى (تقال كنصيحة صحية).
- حب لا توكل ومجروش لا توكل وكل لما تشبع (تقال لتصعيب الأمور).
 - العز للرز والبرغل شنق حاله (يقال للتميز بين الناس).
- الخبز الحاف بعرَض الكتاف (دلالة فائدة الخبز، حتى ولو دون طعام).
 - اللَّى أمه خبّازة ما بجوع (يقال للذي يحظى بواسطة مهمة).
 - عيار الشبعان أربعين لقمة (الإلحاح في الدعوة للطعام).
 - من دهنه قلّيلُه (الاكتفاء الذاتى أو منه فيه).
 - بيت السبع ما بخلى من العظام (تقال للشخص الكريم).
 - ضرب الحبيب زبيب. (يقال للمودة).
- اللَّى بدري بدري واللَّى ما بدري بقول كف عدس. (يقال للحقيقة الغائبة والتي لا يعرفها إلاّ قليل)
 - طب الجرة على ثمها بتطلع البنت لأمها. (يقال عن التنشئة).
 - إذا فاتك اللحم عليك بالمرق (الشيء القليل ولا العدم).
 - يا مسترخص اللحم عند المرق تندم (يُضرب بأن لاتشتري الرخيص).
 - ما حدا بقول عن زيته عكر (يقال للبائع الذي يحرص أن يبيع بضاعته بأعلى سعر).
- القهوة على اليمين لو أبو زيد على اليسار (تقال بأن تُدار القهوة من على يمين الشخص الذي يصب القهوة، وهناك قول: أن القهوة قص، والشذاة خص).
- أكل الرجال على قد أفعالها (يضرب بأن الشباب الأقوياء بحاجة إلى طعامٍ كثير، ليعوضوا مافقدوه جرّاء عملهم الكبير).
 - طعمى الثم بتستحى العين (يضرب للدلالة على أن للطعام تأثيرٌ كبير على العلاقات الإنسانية).
 - اللَّى بوكل اشى بكسبه (تقال للدلالة على فائدة الطعام).
 - مثل الجراد بوكل الأخضر واليابس (للدلالة على أنه لايحرم ولا يحلل، وأن الطايح رايح).
- صام صام وأفطر على بصلة (تقال للذي يتعفف عن أشياء ذات قيمة عالية، ولكنه يأخذ الشئ القليل التافه).

- القصة مِش قصة رمانة قصة قلوب مليانة (للدلالة على أنه ليس الذي حدث مباشرة هو سبب المشكلة ولكن هناك مشاكل كثيرة متراكمة سابقة).
- لاقيني ولا تغديني (للدلالة أن بشاشة المعزب في وجه الضيف، أفضل من الطعام المقدم مهما كان غالى الثمن).
- عند البطون تغيب الذهون (للدلالة عن أن الطعام يغطي على ماسواه)، وهناك قول: لاحضر الهرس بطل الدرس، (بمعنى أن الطعام يُوقف القراءة والدراسة).
 - اللَّى بالقدر تطلعه المغرافة (بمعنى أن الشئ الحاصل سيظهر للناس).
 - اللي بسرق بيضة بسرق جمل (للدلالة على أن السرقة تبدأ بالشئ الرخيص والتافه).
 - بصلة الحبيب خروف (للدلالة على أهمية الحبيب مهما كانت هديته متواضعة).
 - يا داخل بين البصلة وقشرتها ما بطولك غير ريحتها (بمعنى أن لاتتدخل بين الأقارب).
- بينا خبز وملح (للدلالة على عدم الخيانة، لأن العرب كانوا إذا أكلوا من بيت أحدهم، فمعنى ذلك أنه أصبح هناك رابط الوفاء، والوفاء عند العرب عالي الشأن، والذي يغدر بعد الملح فهو ساقطٌ بكل المقاييس. وإذا قُدم الطعام للضيف دون ملح فهذا معناه إعلان حرب).
- كُل أكل الجمال وقوم قبل الرجال (تذكير للرجال أن يسرعوا في أكلهم، وينهضوا، لأن العرب كانوا يعايرون كبير البطن الذي يأكل كثيرًا).
 - هين فلوسك ولا تهين ضروسك (عليك أن تأكل ألذ الطعام ولا تبخل على نفسك).
- جيل بعبع بوكل ما بشبع بروح وما برجع بتنادى عليه وما بسمع (للدلالة على الأسف من الجيل الجديد). على فكرة هذه العبارة وجدت في إحدى البرديات المصرية، وهي على لسان إحدى الأمهات تقولها لابنتها المراهقة.
 - إن كان حبيبك عسل لا تلحسه كله (للدلالة على أن لاتطمع بالصديق أكثر من اللازم).
- كُلّه جاي حبُّه على الطاحونة (للدلالة على أن لامناص من حاجة الناس لبعضهم) أو من حتمية القدر.
 - طباخ السم بذوقه.
- من كثر الطباخين إبتخرب الطبخة (للدلالة على أنه إذا كثر المشاركون في مسألة من المسائل، فمصيرها الفشل).
 - جحا أولى بلحم ثوره (للدلالة على أن صاحب الحاجة أولى بحاجته من غيره).
 - اعطي الخبز لخبازه لو أكل نصه (للدلالة على أن الخبرة لها دلالتها وقيمتها الكبرى).
 - اللقمة الهنية بتكفي مية (للدلالة على حب الخير وعظيم فائدته).







- الشمس ما بتتغطى بغربال (للدلالة على أن الحقيقة تظهر مهما حاول الآخرون إخفاءها).
 - خذ من مخه وازرع بصل (للدلالة على غباء ذلك الشخص).
- اللَّى ما بعرف الصقر بشويه (للدلالة على أن قيمة ذلك الشخص غير مقدرة بما يليق بها).
- طوله طول النخلة وعقله عقل السخلة (للدلالة على سخف وهزالة رأي ذلك الشخص، رغم حجمه الضخم).
 - اللقمة الى بتنوعد فيها أحسن من اللّي بتوكلها (للدلالة على أن المستقبل أفضل من الماضي).
- اللَّى ما يطول العنب حامض عنه يقول (للدلالة على العجز في تحقيق أمنية، فيقول باحتقارها).
 - إذن من طين وإذن من عجين (للدلالة على التمسك بالرأي مهما كان خطئًا).
 - الخض بالمَى ما بطلع زبدة (للدلالة على أن لافائدة ترتجى مهما بذلت من جهد).
 - إذا أطعمت فأشبع وإذا ضربت فأوجع.
 - أرخص من سعر الفجل (للدلالة على تدنى سعره).
 - استكبرها لو كانت عجرة (للدلالة على أن للحجم الكبير فائدته).
 - بوكل البيضه والتقشيرة (للدلالة على الطمع الكبير).
 - الكذب ملح الرجال (للدلالة على أن الكذب مباحٌ للرجال).
 - اللّي بِده العنب ما بقاتل الناطور (الوصول إلى الغاية لاتوجب الصراع والحدّة).
 - ◄ بشهر آب اقطف العنب ولا تهاب (للدلالة على نضج العنب في شهر آب).
 - بصلته محروقة (للدلالة على تسرعه).
 - انقعها واشرب ميتها (للدلالة على تفاهة الدليل المقدم).
 - مثل الجاجه الدوره.
 - خلّى السمسم بجراره تا تيجيه اسعاره (للدلالة على أن لاتبيع السلعة الغالية، إلا بسعر عالِ).
 - مثل عدل تين على حمار نطاز (للدلالة على شقاوة الشخص).
 - بأيار احمل منجلك وغار (للدلالة على بداية استواء المحاصيل الحقلية، كالشعير والقمح).
 - ◄ بشهر أيار خوخه وسبلة وحبة خيار (للدلالة على نضج المزروعات).
 - شتوة نيسان تحيى الانسان (تقال لأهمية الشتاء في شهر نيسان، لأنه يطيل عمر المزروعات).
- يا لوزيا مجنون بتزهر بكانون (تقال للدلالة على أن العطاء لايحده حد، فاللوز يزهر في شباط رغم برودة الطقس).
 - طاسة وضايعة (للدلالة على اختلاط الأمور بعضها ببعض، فلا تعرف أين الحقيقة).

- غشيم ووقع بسلة تين (للدلالة على أن قليل الخبرة، لايعرف يقع في أمور لايدري ما نهايتها).
- العنزة الجربانة ما بتشرب إلا من راس النبع (للدلالة على أن الشخص البسيط لايقبل إلا بالأفضل).
 - عسلك يا نحلة ولا تقرصيني (خذ مالك فقط أكفني شرك).
 - اللي بوكل من زوادة غيره ما بشبع (للدلالة على الطمع).
 - افلح أرضك واستر عرضك (للحث على استغلال الأرض بأقصى طاقة).
- إن جار عليك الزمان جود على أرضك (تقال للحث على استغلال الأرض، ولا تبخل عليها من حراثة وتسميد وتقليم الأشجار).
- إذا احتجت الزيت يحرم على الكنيسة (تقال عندما يكون هناك مصلحتان، فالأولى مصلحتي ولو كان مكان العبادة من مسجد أو كنيسة).
- من الطنجرة للحنجرة (تقال عن الطعام الذي يؤكل وهو ساخن جدًا، وتم تناوله من طنجرة الطعام).
 - ثلثين البطن تغني عن ملاته (يقال للقناعة بالقليل).
 - طنجرة ولقت غطاها (تقال عندما يتفق اثنان على نفس وجهات النظر).
 - برد الصاع صاعين (للدلالة على قساوة الرد).
 - لكل فولة كيال (تقال بأن لاشئ يكسد).
 - بتقاقى عنّا وبتبيض عند الجيران (تقال أن خيرك لغيرنا).
 - العين اللي إبتوكل (للدلالة على أن الأثر النفسي للعين على الطعام).
 - اللي عنده قطين بوكل بأيديه الثنتين (تقال للشخص الذي يملك المال).
 - العيون مغاريف الكلام (للدلالة على فهم الشخص من خلال نظرت للمتكلم).
 - اللي بشرب من بير ما يرمى فيه حجر (تقال للحث على الوفاء).
 - كلامه بنقّط عسل (تقال عند الإعجاب بكلام الشخص المتكلم).
- تموز طباخ العنب والكوز (للدلالة على حر شهر تموز، الذي تنضج فيه الفواكه كالعنب والصبر).
 - محل ما يسري يمري (تقال للشخص الحبيب كالابن والأخ وما شابههم).
 - الخل أخو الخردل (تقال لشخصين لافرق بينهما في الطباع والسلوك).
- الضيف أسير المعزب (يقال بأن الضيف لن أقبل أمير وإن جلس أسير أن قام شاعر، بمعنى عليك أن ترحب بالضيف، وعلى الضيف أن لايعترض ولا يحتج على مايقوم به المعزب من إكرامٍ له، وإن رحل فهو سينشر مالاقاه عند مضيفه).









الأقوال والأمثال الشعبية عند الفلاحين في السنة الزراعية:

الناس بنظرتهم الثاقبة للحياة ومعرفتهم بما يدور حولهم، ومايحدث لهم من تقلبات الطقس والجو، يربطون تلك الأحداث بأمثالها ويتحسسون حالات الجو، بل خاضوا غمار التجربة، والمجرب يسبق المعلم، أليس هو من قال (اسال مجرب ولاتسأل حكيم) مستندين بذلك إلى خبرتهم الحياتية السابقة، كانت هذه الأمثال بحق الذخيرة التراثية التي يفخر بها الناس، لأنّها كما قلنا نتيجة التجربة والخبرة العملية بعد المراقبة والتأمل سنين طويلة.

- والمثل الشعبي يقول: (إذا قوّست باكر احمل عصاتك وسافر وإذا قوّست عشية لاقيلك مغارة دفية).
 - أمثالهم تنسجم مع التنبؤ الجوي كقولهم (إذا القمر عالطارة الليلة مطارة).

الكوانين الأوّل والثاني تعتبر بداية الشتاء، وهي عماد حياة الفلاحين وفيها يقال: بعد كانون البرد بهون.. ابرد من كانون.. بكانون كثر النار.. زي عتمة كانون.. في كانون شق الماء وازرع.. وفية يظهر قوس قزح، ان قوست باكر احمل عصاك وسافر، وان قوست عصرية دورلك على مغارة دفية.. من قلة اهدانا انقلب صفنا شتانا..

المربعانية:

- المربعانية يا شمس تحرق يا مطر يغرق.
- ان فاتك الميلادي خلى عدساتك للولادي.

الخمسينية:

وهي خمسون يوما وتأخذ كل شهر شباط وفيه:


- قران السبيعي (المستقرضات)
- الجمرات الثلاث (جمرة الهواء وجمرة الماء وجمرة الارض)
 - ويقال فيه: شباط ما فيه على كلامه رباط ..
 - وشباط انشبط أو لبط ريحة الصيف فيه..
 - وشباط ساعة شمس ساعة أمطار ..
 - بشباط ببيض الدجاج على البلاط...
 - شمس شباط بتخلى الراس زي المخباط...

- شباط جر العنزة بالرباط...
 - شباط عدو العجايز.
- ان أقبلت آذار رواها وإن أدبرت آذار وراها..
 - خبى فحماتك الكبار لعمك آذار..
 - آذار أبو الزلازل والأمطار..
- من أراد رؤية الجنة وأزهارها، فلينظر إلى الغور في آذارها..
- آذار ابن عمي اربعة منك وثلاثة مني بنخلي دولاب العجوز يغني..
 - راح شباط الغدار وأجا آذار الهدار.
 - هواء الخمسان بيشق القمصان...
 - وكل ذروة أفضل من مئة فروة..
 - مطرة نيسان بتحيى قلب الإنسان...
 - ومطرة نيسان بتحيى السكة والفدان.
- سعد الذابح ما بيخلي الكلب على الباب نابح .. سعد الذابح يموت كل كلب نابح، كناية عن شدة الدد.
 - في سعد بلع لا زرع ولا قلع ، بسعد البلع السما بتمطر الأرض بتبلع.. سعد بلع البرد قد انخلع.
 - في سعد السعود بتدب المي في العود وبيدفا كل مبرود.. سعد السعود فيه يخضر العود.
- سعد الخبايا تتفتل فيه الصبايا وبتطلع فيه الخبايا.. وبسعد الخبايا اشلح الفروة وألبس العبايا.. سعد الخبايا فيه تطلع الحيايا.

الاعتدال الربيعي يتم في ٢١ اذار ويدخل فصل الربيع وبدايتة شهر نيسان ويقال فيه:

- في نيسان ضب العدة والفدان..
- في نيسان أربع مطرات كبار..
 - مية نيسان بتحيي الإنسان..





أمثال لها قصص

حراث العونة لا كروة ولا مونة

يعنى (بلا أجرة ولا طعام)

يقال أن رجلاً مزارعًا أخذهُ هطول المطر المستمر عن حراثة أرضه فاستغل فرصة انحباس المطر الستكمال الحراثة فذهب إلى أحد الجيران لمساعدته فجعله يحرث في قطعة مجاوره للقطعة التي يحرثها هو ولكنه نسيه طوال النهار دون أن يرسل له طعامًا أو شرابًا، وحين انهى الرجل الحراثة مر بصديقه وقال على مسامعه معاتبًا (حراث المعونة لا أجرة (كروة) ولا مونة)، فذهبت العبارة مثلاً.

اعط الخبز لخبازه لو أكل نصه

صيغة هذا المثل معروفة في معظم بلاد الشام ومصر.

وأما حكايته فهى:

أن خبازًا كان يدير مخبزه باقتدار، وعاش وزوجته على نحو مقبول، لكن سنه تقدمت فلم يعد يقوى على العمل كما كان، فالتفت إلى عامل عنده دربه على المهنة وقال له: يا بني لقد كبرت كما تراني وأصبحت عجوزًا لا أقوى على إدارة المخبز سأتنازل لك عنه بشرط أن تخبز للناس في الحارة قدر حاجتهم، لا تزيدهم ولا تنقصهم، وأن ترسل لي أربعة أرغفة فقط. بعد حين أعاد الشاب النظر في حساباته وقرر أن يخبز خبزًا كثيرًا وأن يرسل للعجوز رغيفين فقط، فماذا حصل؟

ذهب إلى محل الدجاج ليشتري دجاجة لعشائه، فلم يجد، فذهب إلى الخباز العجوز ليسأله عن الأمر، وكانت زيارته لهم هي الأولى بعد أن استلم المخبز، إذ كان يرسل أحد عماله لدار العجوز ومعه الرغيفان، ووجد أن في واجهة الدار قن دجاج كبير وليس عند المرأة العجوز إلا دجاجة واحدة، فسأل عن قضية الدجاج.

قالت: لنا رغيفان فقط. فقال: قدرت أن الرغيفين يكفيان، قالت العجوز: لا يا بني، وأما الآخران فنقوم بتنشيفهما ودقهما علفًا للدجاج، وحينما قطعتهما، بدأ الدجاج يتناقص حتى بقيت هذه الدجاجة، لذلك إعط الخبز لخبازه ولو أكل نصه.

ويضرب المثل للدلالة على ضرورة تصحيح الحسابات الخاطئة. (حكاية مثل شعبي/ نايف النوايسة، وزارة الثقافة، ٢٠٢٠، ص٣٩)





إن فاتكِ الميري اتمرغْ فِ ترابهْ

أصل كلمة الميري من (الميرة) وهو ما يجمعه الإنسان من الطعام للسفر ونحوه، وامتار الرجل لأهله: جمع الميرة والمؤونة.

ويقال أن الإسكندر الأكبر كان يأخذ القمح الذي يزرعه فلاحو مصر إلى أوروبا، وكان يسمى القمح آنذاك ب (الميري) ولا يسمح للفلاح المصري بأخذ حبة واحدة منه. وانتقلت استخدامات هذه الكلمة إلى العهد العثماني، حيث أطلق العثمانيون على أرض الدولة التي تزرع بالقمح والحبوب إجمالا بالأرض الميرية.

وعودًا إلى الفلاح المصري، فقد كان يبحث عن حبات القمح (الميري) في التراب ليقتات عليها بعد أن يأخذ الحاكم كل ما حوته الصوامع من قمح. لذلك وصف هذا الحال بالمثل (إن فاتك الميري اتمرغ في ترابه) أو اتمرمغ بترابه حسب رواية د. هاني العمد أي تعفر بترابه.


ويضرب المثل للدلالة على القليل من الشيء يكفى عن كثيره

(حكاية مثل شعبي/ نايف النوايسة، وزارة الثقافة، ٢٠٢٠، ص٤٣)





العادات والنقاليد المستخدمة في الأكاردنية الأراثية الأردنية



العادات والتقاليد للأطعمة في شهر رمضان المبارك.

الصيام فريضة على المسلم ومن أركان الإسلام الخمسة، قال تعالى (ياأيها الذين آمنوا كتب عليكم الصيام كما كتب على الذين من قبلكم لعلكم تتقون)..

عندما يهل هلال شهر رمضان، ويتم الإعلان عن بدء الصوم، ينوى المسلم صيام شهر رمضان.

بعد منتصف الليل وقبل أذان الفجر يتناول الصائم وجبة السحور المكونة من: الجبنة والخضروات والفول والحمص وشراب القمردين أو الشاي، وحسب الميسور، ويرفع يده عن الطعام قبل الأذان بقليل ليبدأ صومه الذي يستمر حتى أذان المغرب، وفي هذا الصيام يمتنع عن كل الأطعمة والأشربة واللغو في الحديث والغيبة والنميمة وكل المحرمات.

وبعد الأذان يصلي الفجر وينام قليلاً قبل أن يذهب إلى عمله اليومي..خلال الشهر يداوم على قراءة القرآن وصلاة النوافل وزيارة الأرحام.

وعند أذان المغرب يفطر الصائم وتُسمى أول ليلة إفطار في رمضان بليلة (غرة رمضان)..

في ليلة الغرة يدعو الصائم أسرته الكبيرة (والديه وإخوته وأبنائه) لتناول طعام الأفطار عنده وغالبًا ما يكون الطعام هو (المنسف) أو أي طعام يتفق عليه بين المدعوين كالفطير مثلاً وحسب الرغبة.. أما الشراب فيتكون من المشروبات الساخنة إذا صادف الصيام في موسم البرد مثل (القرفة والشاي والقهوة الساده) بالإضافة إلى ما يتيسر من الفواكه وأما في شهور الصيف فتكون الأشربة من العصائر الباردة والسوس والكركديه بالإضافة إلى الشاي والقهوة، وفي جميع الشهور يتم تقديم الحلويات وعلى رأسها القطائف..

وتتعدد الطبخات طوال الشهر مثلا الفطيرة والمقلوبة والكبسة والبخاري والمسخن والشوربات والمشاوى والمجدرة والملوخية والبامية والفاصوليا وكثير من الخضار المعروفة.

من أهم العادات والتقاليد في هذا الشهر هي:

- عزومة العنايا وهن القريبات من المحارم كالجدات والعمات والخالات والبنات المتزوجات..
- موائد الرحمن التي تُقدم عليها وجبات الإفطار في المساجد أو الجمعيات، وبعضهم يرسل الوجبات لمستوري الحال إلى بيوتهم.
 - المداومة على صلاة التراويح.
 - وينتهي رمضان بإخراج زكاة الفطر قبل صلاة العيد وتقدم للفقراء والمساكين.
- وخلال شهر رمضان كان المسحراتي يطوف في الشوارع والأزقة لإيقاظ الصائمين ليتناولوا وجبة السحور.. وقديما كان الناس يفطرون إذا سمع مدفع رمضان.

صيام المسيحيين

بأيام الربيع وعند الفحيصية تحديدًا كان عندهم سلة غذاء من منطقة أبو طاره، وصقيرية، وبالربيع وقت الصيام بوكلوا من منتوجات الأرض، وبوكلوش لبن، وجاج، وبجيبوا الخبيزة، وجرية الحمامة، والعكوب، والنعنع البري، وحويرنة، وهاي من الجبال وزعتر بري وشومر وحندقوق وبطبخوا بأيام الربيع وصيامنا بيجي بشهر أذار أو نيسان وبكون الحلال توه مولد صيامنا فيه رحمة للحلال والخروف أو الجدي بدل ما نشرب حليبه هو بشرب حليب أمه لازم تفيد الطبيعة والبشر ونفيد إيمانا وهذا الصيام أقرته الكنيسة مأخوذ من صيام دانيال النبي والكنيسة اختارت عيد الفصح تبعنا بعد عيد الفصح اليهودي بإسبوع وبهاي الفترة تكثر الحشائش وبهاي الفترة الإنسان برجع لوضعه الطبيعي كأنه برجع للقداسة في ترتيب رباني في الربيع بتوفر عنا الأكل الصيامي والشتوية مأكولات من الإنتاج الحيواني كالجميد والسمن والهيطلية ومشتقات الألبان والصيفية بالخضار والفواكه (وهذا ينطبق على كل مسيحية الأردن بمواقعهم من القرى الأردنية على سبيل المثال الحصن في الشمال والسماكية بالحنوب).

عند المسيحيين بي أكثر من صيام على طول السنة في عنا صيام العيد الكبير (الفصح) هو الصيام الرئيسي وكل طوائف المسيحية بتصومه ولكل طائفة طقوسها بالصيام زي ما حكينا أن الكنيسة هي وضعت الصيام وعند الروم الأرثوذكس (الطقس الشرقي) وبي كمان صيام عيد الزغير (عيد الميلاد) والعذرا والقديسين بي صيام للكهنة (وبي ناس بتنذر نذر بأنها تصوم يوم الإربعاء والجمعة على طول السنة أو تصوم صيام رمضان كامل أو جزء منه)، كانت الناس زمان لليوم تصوم عن كل شي زفر لمدة خمسين يوم تقريبًا كل الأكل أعشاب وزيت ولا شي من مونتجات الحيوانات لا لبنة ولا جبنة ولا لحمة، زي ما قولنا الكنيسة وضعت الصيام في بعض من الطوائف طوروا عليه صار في ناس بتصوم انقطاع بلا أكل ولا شرب طول اليوم إلا عند الغروب، وناس بتصوم عن إشي بنحبه أو بتشتهي كثير طول فترة الصيام مثل الشوكلاتة أو أي أكلة بحبها الشخص.

احنا قولنا صيام العيد الكبير هو الصيام الرئيسي عند كل الناس بصومه كبار وصغار بظلوا صايمين لآخر يوم، هو يوم سبت النور الصبح أو يوم العيد الصبح، يتناولوا بالكنيسة الخوري بناول كل الناس اللي بدها تتناول (المناولة عباره عن خبز يرمز لجسد المسيح والنبيذ يرمز الي دم المسيح في العشاء الأخير للسيد المسيح عليه السلام) واللي ما بقدر يصوم إلا صيام كله ممكن يصوم ثلاثة أيام وبعدها بتناول بالكنيسة وممكن يصوم يومين بالإسبوع اللي هم الأربعاء والجمعة طول فترة الصيام وبي صيام السيدة العذراء عليها السلام (صيام السيدة) بكون من ١٨/٨ الي ٨٢٨٨ (وهذا الصيام طقس شرقي) بقولوا أنه خصوصي للنسوان لأنها السيدة العذرا صامته وبعد ما يخلص تحتفل الكنيسة بعيد السيدة العذرا بالصلوات وطقوس الكنيسة والناس اللي بتصلي بجيبوا معهم قطوف العنب لأنه بكون موسم تلقيطه وبحطوا قدام الخوري وبصلى عليه لما تنتهى الصلاه بوزعوا على الناس هاي العادة من زمان





موجودة لليوم تدل على انو بدا موسم تقطيع العنب ونشر مساطيح العنب على الحيطان (كأنه إعلان لبدء تصنيع منتوجات العنب) يوجد أكثر من طقس كنسي مرتبط بالطبيعة وهذا يدل على أن الطقوس الكنيسة مرتبطة ارتباط كلي بالعادات الاجتماعية والطبيعة والموروث من الأجيال السابقة (من ما قبل الميلاد وبعد الميلاد كانت تعاليم السيد المسيح عليه السلام من خلال ما يحيط به من الأرض وما عليها والإنسان).

وهناك الكثير من الممارسات والعادات الدينية عند المسيحيين تتعلق بالطعام منها:


- في عيد الغطاس بنعمل بيه الزلابيا (العوامة) شبهوا عملية غطس حبة الزلابيا بالزيت عند القلي بغطس السيد المسيح عليه السلام تحت الماء يوم عماده.
 - عيد الصعود بنعمل بيه الهطيلية (المهلبية) البلدي.
- خميس الأسرار يسمى خميس الصبيان بنعمل بيه أقراص بتشبه أقراص العيد وتسمى أقراص الصبيان.
- عيد الصليب بتوزع بيه حبات الرمان (وتم اختيار الرمانة لأن حبة الرمان كاملة شبهت بالكنيسة وحبات الرمان في الداخل شبهت بالجماعات المؤمنين).
- عيد الميلاد بنضيف بيه منتوجات العنب الخبيصة والزبيب والنبيذ والغدا منسف أو ورق دوالى.
- عيد الفصح بنضيف بيه البيض المسلوق الملون والكعك بالطحين بالعجوة أو السميد والمعمول بالجوز أو الفستق حلبي وأقراص العيد والغدا منسف أو ورق دوالي.
 - عيد البشارة وأحد الشعانين بنعمل بيه السمك.
- عيد راس السنة بنعمل بيه طبخة راس عجل أو روس خرفان مع أطراف (يقال في عيد رأس السنة يؤكل أي شيء يحتوي على رأس مثال رأس ملفوف).
- صلاة كل يوم أحد بتناولوا المصلين القداس عبارة عن خبز كماج خامر والنبيذ يرمز إلى دم وجسد المسيح عليه السلام.
- في عيد الخضر عليه السلام (عيد القديس جورجويس) تذبح ذبائح النذور إذا حدى عليه نذر ويبدأ تخزين الورق الدوالي.
- عيد القديسة بربارة يقدم به صحن البربارة يتكون من قمح مسلوق وعليه مكسرات وزبيب كانوا زمان يسلقوا القمح والعدس فقط ويحطوه على طبق ويضيفوا الناس.
 - بالعماد والأعراس بنعمل بيه المنسف.





هناك عدة ممارسات وعادات في ذبح الذبائح وهي:


- ذبيحة البيدر: تذبح عند انهاء دراسة البيدر (القمح).
 - ذبيحة الجاهة: تذبح وقت طلبة العروس.
 - ذبيحة الضحية: تذبح في عيد الاضحى.
 - ذبيحة الزُوارَة: تذبح عند زوارة العروس.
 - **دبيحة الجيرة (النزالة):** تذبح للجيران الجدد.
 - ذبيحة النَّذر: تذبح لكل من نَذر نِذر.
 - ذبيحة العقيقة: وتذبح عن المواليد الجدد.
- **ذبيحة الرؤيا الصالحة:** مثل الذي يرى نبيا من الانبياء فإن رأيت أول العام سيدنا المسيح في كرمى فقمت بذبح ذبيحة في المكان الذي رأيته به.
 - ذبيحة الحجاج.
 - ذبيحة العماد.
 - ذبيحة الموتى (العشى أو الونيسة).
 - **ذبيحة المطر الغزير:** تذبح عند كبار الملآك.
 - ذبيحة الحصيدة.
 - ذبيحة الصلحة.





مناسبات مرتبطة بمأكولات شعيية

- المعرة: هي عزيمة خاصة بالعَنايَا يجب أن تكون قبل شهر رمضان المبارك بفترة قصيرة، ولا يشترط طبخ أكلة معينة فيها، والعنايا هن البنات والأخوات وبنات الأخوات وبنات الأخوة المتزوجات والعمات.
- الخَميسيّة: عادة شعبية مرتبطة بأيام الخميس من شهر رمضان، قديماً كانت عبارة عن أكلة شعبية قبل أذان الشايب أو الكباب والملفوف، تطبخ يوم الخميس بكميات كبيرة ثم تُفرّغ بصحون وترسل للعَنايا قبل آذان المغرب، وهي تعبير عن صلة الرحم حالياً، أصبحت الخميسية إما أن تكون دجاج طازج أو نيء أو مبلغ مالي كل حسب مقدرته.
- الوَلاَّدة: يُقدم في تجمعات النفساء مشروبُ القرفة مع الجوز المفروم والمْحَلى بالسكر، أيضاً الراحة والبسكويت السادة أيضاً، وصحون تحتوي على الفيصلية والحمص والتوفى (الفيصلية هنا تعني الحمص المغلف بالسكر)، وبعض العائلات تُقدم الكراويه والمكسرات، ومُؤخراً أصبحوا يضيفون الشوكلاته بأنواعها.
- الطُّهُور: كان الطُّهور قديماً له طقوس خاصة فكانوا يجتمعون لليالٍ عديدة في بيت الطفل المراد تطهيره ويغنون، أما في يوم الطُّهور فيتم عمل عزيمة للحاضرين من الأقارب، ويتم عمل مُولَد مع القراءة على الشعر، والحلو وتوزيعه على الحضور، والمقتدر كان يعمل الطعام للحضور طيلة أيام التجمع قبل يوم الطُّهور.
- التَسْنين: يُقصد به ظهور أول سن للطفل سواء كان ذكراً أو أنثى، فيتم توزيع السليقة على الأقارب والجيران ويقصد بالسليقة القمح المسلوق مع رشّة ملح، وبعض الناس كانت تُضيف حلو وشوكلاته للسليقة كنوع من الحداثة، لكن هذه العادة لم تعد موجوده إلاَّ فيما ندر.
- الَّزواج: في ليلة حناء العريس هناك عائلات مقتدرة تقوم بعمل الكباب الرمثاوي وتوزعه على المعازيم في حناء العريس، وتجتمع نساء الحي والأقارب للمعاونة في عمل الكباب، ويكون هذا الاجتماع في يوم حنا العريس صباحاً لعمل الكباب، أما يوم الزواج فإذا كان العريس على الغداء يتم تقديم المناسف باللحم البلدي وأحياناً يوضع الكباب الرمثاوي على وجه المنسف بين اللحم أما إذا كان العريس بدون غداء فتقدم الكنافة النابلسيه للمعازيم.
- صَبْحِة العروس: أو صباحية العروس تكون حصراً من أهل العروس، وتتباين صبحة العروس حسب مكوناتها تبعاً لحالة اهلها المادية، لكن يجب أن تحتوي بشكل أساسي على قُرص العجة (قرص البخت)، ويمكن أن تحتوى العجة في الصبحة على الدجاج واللحمة المشويّة بالفرن، ويمكن أن



• أيام العَزَاء: أول يوم من أيام العزاء لا يتم تقديم القهوة السادة لكن بعد اليوم الأول يصبح الزامياً تقديمها للمعزيين، وفي الرمثا يقوم الأقارب والجيران والأصدقاء بالطبخ للأهل في العزاء، ويحضرون الأكل للرجال والنساء، لكن المناطق الأخرى في محافظة أربد تختلف؛ فمثلاً في (حرثا) يبعث الاقارب الأكل للنساء في العزاء، ويقومون بعزيمة الرجال لتناول الطعام في منازلهم، وفي الأغلب يكون المنسف هو الوجبة التي تُقدم في العزاء.

وهناك أيام الخميس في العزاء، حيث يقوم المُعزّون بإحضار الحلويات للعزاء باستثناء الكنافة والجاتوهات مثلاً، وغالبا ما يحضرون الهريسة والوربات وأقراص العيد، أما أهل الميت فيقدمون ما تجود به أنفسهم في أيام الخميس مثل: التمور والهريسة والوربات، وفي الوقت الحاضر تطورت الضيافة وأصبحت مثلاً للصفايح بأنواعها (القطاير) أو أقراص العيد مع أكواب من الشنينة إضافة لأنواع من الحلويات، وكان قديماً يمنع تقديم أقراص العيد في العزاء لكن حالياً أصبح مسموحاً.

- العيد: قبل العيد بأيام قليلة يتم عمل معمول السميد بأنواعه أو كعك العيد أو كليهما معاً، أما يوم وقفة العيد كيف يتم عمل أقراص العيد؟ ويتم توزيع المعمول والأقراص على الجيران والأقارب كل حسب استطاعته، ويتم تقديمه أيضاً في أيام العيد للزوار لكن إذا كان هناك ميت لأحد ما يعتبر هذا أول عيد يمر عليهم بعد موته فيحذر عمل المعمول أو كعك أو أقراص العيد، ويحذر تقديم الحلوى في العيد ويقتصر التقديم على القهوه الساده.
- وَنيسَة الميت: هي ذبح خروف أو أكثر عن روح الميت في نفس يوم الوفاة، وتُطبخ ويتناول الحضور المعزون منها، واسمها ونيسة مأخوذة من الوَنَس بحيث تكون أنساً للمتوفى في قبره.
- المرأة المُتوحِمَة: يجب عمل أي طبخة تطلبها وأن لم تطلب، يعمل أهلها أي أكلة ويبعثون لها، مثل المعلاق المَشْوي أو الكَعاكيل وغيرها، لأنها من الأكلات المغذية، وهناك اعتقاد سائد بأن المرأة التي تتوحم إذا طلبت أي شيء أو أكلة ولم تأكلها وقامت بحك جلدها فأن الأكلة التي توحمت عليها يظهر شكلها على جلد المولود في نفس مكان الحكة.
- النزالة: عندما يسكن شخص ما بمنزل جديد فإن الجيران والأقارب يقومون بعمل النزالة وهي عبارة عن أي طبخة باللحم أو الدجاج للجار الجديد (الساكن الجديد)، وهذه العادة لا تزال إلى يومنا هذا في الرمثا.
- المَقْطُوطَة: لحمة مفرومة يقلبونها على الغاز لَحالها تاتِسْتوي، وبِحُطوا على وجهها رز المنسف قبل وضع اللحم عليه، المقطوطة كان لها وجود في القديم، وحالياً لم تعد موجودة.





مصطلحات نقال في الأكل النراثية الأردنية



مصطلحات المواسم الزراعية

- العَفير: رمي البذار بالأرض قبل هطول الأمطار.
- الثْرَيّاوي: الوسم الصحيح للبذر، وهو بعد هطول الأمطار في الأول من تشرين الثاني حتى نهايته، وذلك عند ظهور المجموعة النجمية (الثريا) من الشرق بعد مغيب الشمس.
 - الغَطّاسي: البذار بعد موسم الغطاس بعد ٢/١٩.
 - اللُّوكسي: الزراعة المتأخرة.







مصطلحات تستخدم عند الطعام

- **دايمة:** تقال عند الإنتهاء من الطعام.
- صحةو عافية: جواب لكلمة دايمة.
- تفضلوا على الميسور: تقال عند تجهيز الطعام والمعزب يعزم الحضور.
- تطبخوه بالأفراح: تقال عند الانتهاء من الأكل وخصوصاً في عزيمة الوفاة
 - يخلف على المعزب: تقال بعد الإنتهاء من الأكل في المناسبات.
 - **بيتك عامر:** تقال بعد الإنتهاء من الأكل.
 - مهنى والك عنا مثنى: جواب اخر لكلمة دايمة.
 - شرب على المعازيم: زيادة الشراب على المنسف.
 - المعزب رباح: مصطلح يقال لصاحب العزيمة.
 - **كله مع العافية مليح:** أى نوع طعام مع الصحة جيدة مفيد.
 - ونسمى باسم الله: تقال في بداية عملية الأكل.
- الله يطعمك مثل ما اطعمتنا: دعوة تقال للمعزب بعدالإنتهاء من الأكل.
 - ريحة الأكل بتشهى: صفة للطعام الذيذ جدًا.
- الحمد الله على هل النعمة واحفظها من الزوال: تقال بعدالإنتهاء من أكل وجبة الطعام.
 - **هنية:** تقال للفرد الذي انتهى مع عملية الأكل.
 - سفرة دايمه: تقال بعد الانتهاء من أكل الطعام لادامة نعمة الطعام.
 - حكاكة الطّاسة: وهي الجزء الاسفل من الأرز.
 - **دلعّ:** يطلق على الطعام عندما يكون ملحه قليل.
 - امحلون: يطلق على الطعام عندما يكون ملحه قليل.
 - أعُق: ملحه زايدة في الطعام.
 - صبرة ملح: ملحه زايدة كثيرًا.
 - فاتخ: يطلق على الطعام عندما يكون ملحه أقل قليلا من المتوسط.

- بشوي شوي: حار جداً من الفلفل.
 - **زاتشى:** لذيذ الطعم.
 - **بقرِّف:** غير صالح للأكل.
- خمرة: هي من العجين الأصل. اليوم تصنع وتضاف إلى الطحين عندما نعجنه ليتخمر.
 - بفور: بغلی بشدة.
 - خبز محروق: اصابته النار بشدة فاحترق أو احترقت أطرافه.
 - نعمة الله: وهي تطلق على انواع الطعام المختلفة.
 - **ذایب:** ناضج بکثرة.
 - إمنقد: بداية نضج الثمار.
 - إمفرفط: تطلق على الحليب الفاسد.
 - ني: الطعام غير مستو.
 - قبضة ملح أو رشة ملح: كمية الملح بين السبابة والابهام.
 - بتوكل اصابعك وراه: تدل على لذة الطعام.
 - بشلقط: الطعام الحار.
 - بحلقط: الطعام المر.
 - **بنطط:** الطعام الحامض.
 - **رز معجن:** أصبح شكله مثل العجين.
 - رز بعده بقرط: الأرز لم ينضج بعد.
 - **كل رزة بجنب اختها:** يعنى الأرز ناضج بشكل صحيح.
 - فلفلى الرزات: اطبخى الرزات.
- انقعي الرزات أو البرغل أو الجريشة: أي نضع الماء الساخن على الأرز أو البرغل أو الجريشة لفترة من الزمن لتسهيل طبخه.
 - نقي الرزات أو البرغل أو الجريشة: إزالة الشوائب من الأرز أو البرغل أو الجريشة.
 - إقلب الطنجرة: هي قلب الطعام المطبوخ من الطنجرة مثل المقلوبة أو الورق دوالي....الخ.





الأحواث المستخدمة في المطبخ النراثي الأردني

الأدوات المستخدمة للزراعة والطعام والشراب

الأدوات المستخدمة للزراعة والطعام والشراب

الأدوات الزراعية

الغربال الشاعوب المِذراة لوح الدْراس الفرّاعة الحُورة عود الحراث الرَّحَى













القادم المقطف الكربال الصاع

أدوات الطبخ

النملية القِدِر الثانوي الخُوصة (السكينة) السدر النحاس أو الألمنيوم



الصحون الألمنيوم السَّحإلى بأحجام من الألمنيوم أو الستينلس الجَرَّة الكُوز الشَّرْبة الصّاج البَبّور (البريمس) الخَاشوقة (معلقة) كَفْكير (المغرفة) طَهْشطوش (طنجرة فخارية) أو طشوش الشُّوبَك المٍهباش المِحْماسة الدلّة البَكْرج البَّرّادة المِنقل السِّعِن الشَّكوة مروجة طحين جُونة (سلة قش) طَبق الصواني الألمنيوم طبَّاخ القهوة غِربال كاسات فخار









قربة
سلة حديد
قبعة
قبعة
صحون
كاسات شاي
كاسات مي
كاسات مي
مون فخار
طوس



النبائات والأعشاب البرية

النباتات البرية

يوجد هناك عديد من الأعشاب البرية تنبت في أودية الأردن وبواديها تستخدم في الطب الشعبي والأطعمة والرعى، ومن أهم هذه الأعشاب والنباتات:

- الشيح: له رائحة عطرية يبخرون به البيوت لطرد الثعابين، وتستحم به النفساء، ويدقونه ويمزجونه بالملح والكمون والفلفل ويستعملونه بهاراً في الطعام.
- القيصوم: له رائحة زكية، وبالإمكان غليه ثم تُغسل به العين الرمداء، له زهر أصفر جميل، تظهر بظهور الثريا حتى صار أهل البادية إذا رأوا القيصوم قد أزهر علموا أن الثريا عادت إلى فلكها بالشرق.
 - اللَّصف: لا ينبت إلاّ في شقوق الصخور، ولكنه ينبت نشيطًا رائع اللون وهو دواء للروماتزم.
 - الحَمْض: يرققونه.
- العَجرَم: أكبر من الحمض يستخرج منه القلو للتنظيف كالصابون، ويُضاف إلى مواد أخرى لصناعة الصابون.
 - العاذر: نبات يشبه الزعتر، ويستعمل للمغص، يقال إذا رعته الأغنام يتغير طعم لحمها.
 - الرّتيلاء: يُنسج منها الخيوط، متينة من الحرير الأصفر.
 - الحَرْمل: للروماتزم، والماعز لا يأكله.
- العِضِو: نبتة سامة ويعالج بها الجرب، حيث يغلونه ثم يغسلون به جسم المصاب، وليس له أوراق.
 - الحَنْظل: يستعمل في صناعة الأدوية.
- الفَرْقد: نوع من العوسج، ورقه شحمي مثلث الشكل، وله ثمر أحمر كحب الرمان وطعمه حلو، يستخرج منه عسلٌ بعد غليه على النار.
 - الحَوّى: نبتة ربيعية تُؤكل ورقيًا.
 - الهيق: ورقه مثل ورق الفجل وطعمه مثل طعم الجرجير.
 - النَّمير: طعمه مثل اللوز الأخضر.
 - الذّانون: من أنواع الجزر، يؤكل مشوياً وطعمه كطعم الجزر.
 - الإسليح: ورقه كورق الفجل شكلاً وطعمًا.







- الخَمْصيص: يُطبخ مثل الخبيزة.
- السَّيكران: يقال إذا أكلته الاغنام سكرت، ومن أسمائه أيضاً (الغيصلان) ويشبه الزنبق.
- النُّعمان: له زهر أحمر اللون، إذا أكلته الأغنام أحدث لها مغصاً وقد تموت إذا أكلته، لكنه لايضر الانسان.
 - **البصيل:** يشبه البصل.
- المرار: نبات مر المذاق، موطنه البلقاء وكثير من مناطق الأردن، قيل أن قوافل من تجار الفراعنة كانوا يأخذونه معهم من الأردن، لإدخاله في عملية التحنيط.
 - جربوع: نبات بري شائك، عيدانه (سيقانه) تُطبخ، وطعمه لذيذ.
- الدُريهمة: نبات ربيعي له قرص يشبه عين الشمس ويشبه الدرهم الذهبي ومن هنا جاء اسم هذه النبتة، طيب المذاق.
 - الكَرْسنة: حبوب من فصيلة القيطاني وهي علف للحيوانات.
 - أسنيسلة: نبات له سيقان وأوراق تشبه أوراق الشعير.
 - إعْديْسة: نبات ربيعي ينبت في جبال الأردن.
- إجْريسة: نبات أوراقه خضراء، وثمره بحجم حبة البلح، عندما يجف يخرج صوتاً مثل الجرس وهذا مصدر الاسم.
 - لحية التيس: نبات له أوراق رفيعة تشبه أوراق البصل، لذيذ المذاق.
- خُرفيش: نبات طويل الساق أوراقه شائكة ولونها أسود وأبيض، وله قرص محاط بأشواك حادة وحين ينضج القرص يستخرج اللب منه، وطعمه لذيذ جداً.
 - عُرف الديك: ينبت بين الصخور وطعمه حامض، يشبه عرف الديك.
- الطيون: نبات بري وينبت في الحدائق المنزلية، أغصانه وأوراقه خضراء باستمرار يخرج له زهر أصفر.
 - **برید:** نبات ربیعی یشبه الفاصولیا.
 - طقش: نبات ربيعي له ثمر يشبه البازيلا والفاصوليا.
 - لسان الثور: أوراقه خضراء وتشبه أوراق الملفوف.
- بيض أبو المجن: أوراقه خضراء عريضة، تشبه أوراق اللْسيْنة، وثمره أصفر حلو المذاق، والإكثار منه يفقد الإنسان وعيه.

- علت: أوراقه خضراء يعمل منه سلطة مع البصل والزيت، والبعض يضيف إليه البندورة.
- عَكوب: من البقول المشهورة في الأردن، يُطبخ ويُؤكل، ويعمل منه فطائر، وتقول الأغنية الشعبية:
 يا لقًاطات العكوب واطعمني فطيرة

ماصيدى أنا العكوب صيدى البنت الصغيرة

وصيدي تعنى قصدي.

- اشلوية: نبات يعيش على السيول، ويؤكل وطعمه حار.
 - إحْورية: نبات يعيش على السيول ويُؤكل طازجًا.
- حَندَقوق: نبات يعيش على عيون الماء وفي السهول والحدائق المنزلية، يُجفف ويستخدم عند صنع السمنة من الزبدة ويسمى (عشبة السمنة).
 - قريص: نبات شوكى يعيش بين الدور، يلسع كل جسم ناعم يلمسه.
 - **قووض:** نبات شائك.
 - قشع: زعتر فارسي.
 - لوبيدة، أو لِبدة: نبات دائم الخضرة له زهرة صفراء.
- بلان: نبتة شائكة، ينبت عند الصخور، زهره لذيذ يستعمل في علاج الرمل والكلى، وكان يُستخدم في بناء السقوف للبيوت الطينية ليمنع الهوام والحشرات من التسلل إلى البيت.
 - عتير: نبات طويل الساق شائك.
- حلبلوب: نبات أصفر يخرج منه مادة تشبه الحليب، وكان يستخدم في صنع المكانس للبيوت الطينية والبيادر.
 - إحْليان: نبات يشبه لحية التيس، له رأس بالتراب لذيذ الطعم.
 - فُرقُع: نبات أورقه تشبه أوراق البقل، رأسه بالتراب لذيذ الطعم.
 - غَيصلان: أوراقه تشبه أوراق البصل، لا يؤكل وحجمه كبير، وهو السيكران نفسه.
 - **لوف:** ورقه يشبه ورق التبغ لكنه يُطبخ وهو حار جدًا.
 - إبرة العجوزة: نبات ربيعى ثمره يشبه الإبرة.
- إغبيرا: نبات صيفي له رائحة كريهة وبذوره لها تأثير على العيون، وتسمى في مناطق أخرى (عِمّيا).
 - إخوجا: نبات ذو أوراق عريضة.







- هالوكة: نبات ينبت بجانب أشتال البندورة والفقوس والخيار وتعتبر خطرة على الأشتال.
 - حِمْحِم: نبات أزرق الزهر، أوراقه شائكة وعريضة وأزهاره غذاء للنحل.
- الخبيزة: نبات تؤكل أوراقه مطبوخة، وهي من النباتات الشتوية، وقالت النساء على لسان (الخبيزة): خبيزة تبكي وتقول ماخلولي عرق يطول وابن عمى يا هالفول ساعد تالى الخبيزة
 - إلفيتة: نبات أوراقه تشبه أوراق الفجل، وزهره أصفر جميل، وتُؤكل الفيتة مطبوخة.

ومازالت بعض النباتات البرية تستخدم إلى هذااليوم سواء في الطعام أو الطب الشعبي، والبعض منها في تضاؤل واختفاء.



أسماء الأرص

كانت هذه المصطلحات متداولة منذ زمنٍ بشكلٍ أكثر من هذه الأيام، ومازال الكبار يرددونها، والخوف الآن من أن تنقرض، والخوف كذلك على اللهجات المحلية أن تضعف تدريجياً مع الأيام بسبب قلة استخدامها، وهذه المصطلحات هي:

- مارس: أرض مستوية ومستطيلة أو مربعة.
 - تِلْعَة: أرض منبسطة.
- جسر: قطعة منبسطة من الأرض مستطيلة على مرتفع.
- إكْسارة: قطعة الأرض التي نُظفت من الحجارة والأشجار وأصبحت صالحة للزراعة.
- إشكارة: مساحة صغيرة من الأرض مزروعة بالحبوب ويكون انتاجها محدودًا بخاصةً لمن لا يملك ارضًا واسعة.
 - رُوض: الأرض الواقعة على حافة الوادي من الجهتين.
 - نَقَلَة: الأرض المرتفعة.
 - قَرِقَباش: الأرض صعبة الحراثة.
 - بُور: الأرض المتروكة دون حراثة أو عمل.
 - ◄ جَلَدِة: الأرض اليابسة.
 - مُصرّة: الأرض التي يكثر فيها الصْرار (الحجارة الصغيرة).
 - المَراح: الأرض السهلة المنبسطة الواسعة المراح.
 - أرض دقار: الأرض كثيرة الحجارة الثابتة فيها.
 - المَرج: هو أوسع من المارس.
 - وَطاة: قطعة أرض مملوكة.
 - حاكورة: قطعة أرض صغيرة أمام المنزل.
 - عَرْصَة: قطعة أرض صغيرة أمام المنزل.
 - **حوش:** أكبر من العرصة.
 - العْراق: صخر كبير عالى ومنحدر.
 - الطور: حافة العراق المرتفع.





- لِجَف: باطن الطور أو العراق.
 - **إشْقيف:** مغارة صغيرة.
 - عَقَبة: تلة أو طلعة.
- **عرقوب:** ارتفاع أكثر من العقبة.
- حَبَلِة: قطعة من الأرض لا تُحرث ولا تُفلح، رفيعة ويابسة أو صخرية.





صور زيارات فوثيق المطبخ النراثي الأردني

















نبخه عن الجمعية

جمعية بيت التراث والفنون

لقد تم تأسيس جمعية بيت التراث والفنون عام ٢٠١٤م وكانت مبادرة نخبة من المثقفين والمتخصصين في مجالات الفنون المختلفة لخدمة شرائح المجتمع على اختلاف فئاته العمرية والثقافية (والحالات الخاصة) من الجنسين على مستوى المملكة الأردنية الهاشمية وتتطلع للمشاركة العربية والعالمية لتحقيق أهداف الجمعية وأهمها:

- نشر الوعى وتعميم الفعاليات الثقافية ورعايتها وتنميتها.
- رعاية ودعم الابداع والمبدعين في مجالات الفنون التشكيلية والموسيقى والدراما والمسرح والسينما.
 - الحفاظ على الصناعات التقلدية والحرف اليدوية.
 - المحافظة على الأماكن الأثرية.
 - القصص والحفاظ على التراث الشعبى الأردني الإنساني.
 - إقامة المشاريع التي تدر دخلًا للجمعية.

رؤيا الجمعية:

التوثيق والمحافظة على كل ما هو موروث مادي وغير مادي والعمل على تطويره والوصول إلى الفنان والمثقف الأردني والحالات الخاصة في مختلف الحقول الفنية والثقافية والإعلامية ودمجه مع التجارب الغنية العربية والأجنبية لتمكينه من صقل تجربته وتحقيق أهدافه.

رسالة الجمعية:

العمل على تحقيق وصول الفنان والمثقف الأردني إلى أهدافه بما يخدمه ويخدم الأردن في المستقبل للحفاظ على الحضارة والتاريخ والتراث وصونه من خلال التعاون مع الجهات المختصة سواء كانت رسمية أو قطاع خاص أو مؤسسات المجتمع المدني كوحدة تكميلية واحدة ولدعم التنمية الثقافية في الأردن بمجالاتها المتعددة.

صور عن فعاليات جمعية بيت النراث والفنون









































أسماء فريق العمل والمنطوعين

فريق العمل

- الاستاذة اليدا مضاعين مشرف عام.
- الاستاذة حنان دغمش المدير التنفيذي.
- الدكتور أحمدشريف الزعبي المدير الفني.
- الاستاذ نايف النوايسه محرر اللغة العربية.
 - الاستاذ رسمى محاسنة مستشار إعلامى.
- الانسه نتلى الفرح مدخل بيانات /سكرتيرة.
- السيد عبد السلام الخطيب مخرج الفلم الوثائقي.
- السيد جوزيف فرحات مساعد مخرج ومونتاج.
 - الانسة ميريه حتر مصور فوتوغرافي.
 - السيد عايد مضاعين مصور فيديو.
 - السيد إحسان حسين تصميم الكتاب.
 - الآنسة نفين جوابرة.

الفريق الميداني

- السيد محمود الخليفات باحث.
 - السيد عواد النويران باحث.
 - السيد يزن السعود باحث.
 - السيدة ميلاد الهرابيد باحث.
 - السيدة ريحانه سعود باحث.
 - السيد عايد مضاعين باحث.

فريق المتطوعين

- الاستاذة اليدا مضاعين رئيسة جمعية بيت التراث والفنون.
 - الاستاذ رسمي محاسنة مستشار إعلامي.
 - الاستاذة ماجدة صويص زيارات ميدانية.
 - السيدة داليا بطشون زيارات ميدانية.
 - السيدة أريج هلسه زيارات ميدانية.
 - الاستاذ عدي القاسم -محاسب.
 - الاستاذ أحمد غنيمات.

شكرلكل من ساهه في إنباز هذا المشروع

الشكر إلى كل من ساهم في انجاح المشروع

- الوكالة الأمريكية للتنمية الدولية (USAID) من خلال مشروع استدامة الإرث الثقافي بمشاركة المجتمعات المحلية (SCHEP) والمنفذ من قبل المركز الأمريكي للأبحاث (ACOR)
 - عائلة الدكتور احمدشريف الزعبي / اربد / خرجا
 - عائلة الاستاذ نايف النوايسة / الكرك
 - الدكتور غسان طنش
 - السيد هشام المجالي
 - وزارة الثقافة مديريات الثقافة في المحافظات
 - جمعية تل حسبان الثقافية / حسبان / (الاستاذ منصور الشيحان)
 - جمعية الرمثا الثقافية الحرفية / الرمثا / (الممثلة برئيستها السيدة سميره الزحراوي)
 - الانسة ماجدة صويص / الفحيص
 - الفنان الياس جريسات / الفحيص
 - السيد باسل حتر / الفحيص
 - عطوفة المهندس هانى الخطاطبة- مدير المنطقة التنموية لمحافظة معان
 - عطوفة الدكتور ياسين الصلاح مدير مديرية سياحة محافظة معان
 - السيدة عاهدة كريشان / معان
 - وكالة الأنباء الأردنية (بترا)
 - الاذاعة الاردنية
 - منصة هوا الفحيص
 - منصة الفحيص نت
 - اذاعة صوت العرب القاهرة
 - الصحف المحلية و المواقع الالكترونية الاردنية
 - السيدة اعتدال صويص وعائلتها / الفحيص
 - السيدة ام نضال مضاعين / الفحيص

- الحاجة ام ابراهيم العبادي / بدر الجديدة
- الحاجة ام عمر عبدالرحمن المشاعلة /حسبان
 - الحاجة ام برجس توفيق العواودة / حسبان
 - السيدة ام زياد سالم صويص / الفحيص
 - السيدة ام ماهر بطرس حتر / الفحيص
 - السيدة أميرة غانم / الرمثا
 - السيدة ماجدة المومني / الرمثا
 - السيدة منى سمارة / الرمثا
 - عائلة الأستاذ فؤاد العكوك / العقبة
 - السيد عادل يوسف الداود وعائلتة
 - السيدة ام فارس صويص

المصادروالمراجع

- ١. القرآن الكريم.
- ٢. الكتاب المقدس/سفر التثنية/ وسفر الخروج.
- ٣. أبو نجم، يوسف، معجم النباتات الطبية/ بيروت مكتبة البنان/١٩٩٢.
- ٤. التل، غسان نيازي، المجتمع الأردني عالم الكتب الحديث/ أربد ٢٠٠٦.
- ٥. الحصان، عبدالله، التراث الشعبي في مدينة معان/ وزارة الثقافة /٢٠٢١.
- ٦. الدقامسة، علي موفق، قرية إبد/تاريخ الأرض الأنسان ،ج١، مطبعة حلاة، أربد، ٢٠١٧.
- ٧. الرشيد، عبدالله، ملامح الحياةالشعبية في مدينة عمان/ وزاره الثقافة والشباب/ ١٩٨٣.
 - ٨. الروسان، عاطف نهار، الحرّة الأردنية الصفاوي/ عمان ٢٠٠٥.
 - ٩. الزعبي، أحمد إبراهيم.

ألفاظ من التراث الشعبى الأردني.

الأمثال الشعبية ومناسباتها.

١٠. الزعبي، الدكتور أحمد شريف.

الأغاني الشعبية الأردنية/ ٢٠١٥.

الحيوانات الأليفةوالبرية في التراث الشعبي الأردني/عمان.

معجم اللهجة الحورانية وزارة الثقافة/ عمان ٢٠٢٠.

- ١١. الزوال، أحمد سليم، معجم التراث والألفاظ الشعبية/وزارةالثقافة ٢٠١٢.
 - ١٢. الصويص، السيدة رغدا نيشان، أكلات جدودنا والمونة.
- ١٣. الشفاف، عبدالله، معجم العبارات الريفية في شمال الأردن/جامعة اليرموك/ أربد ٢٠٠٠.
 - ١٤. العبادي، أحمد عويدي، المناسبات البدوية/ وزارةالثقافة/ عمان ١٩٧٩.
 - ١٥. العزيزي، روكس بن زايد، معلمة للتراث الأردني/ ١٩٨٦.
 - ١٦. العديلي، اديب عيد، معجم الكلمات العامية/ ١٩٩٦.
 - ١٧. الطوالبة، ضياء الدين عبدالله، قرية سحم الكفارات/ عمان ٢٠١٩.
 - ۱۸. العمد، هانی،

الأمثال الشعبيةالاردنية/ وزارةالثقافة ١٩٧٨.

الأمثال الشعبية الاردنية/ ٢٠٠٨.

١٩. القسوس، نجيب، ملامح التراث الشعبي في محافظة الكرك/ ١٩٩٤.

- ٢٠. المجالي، فراس، العادات الأردنية بين الأمس واليوم/ ٢٠١٦.
- ٢١. المعاني، محمد عطا الله، الموروث الشعبي لمدينة معان/ ٢٠١١.
 - ٢٢. المنزلاوي، عبدالله، التاريخ الثقافي في العقبة/ ٢٠٠٤/١٩٩٣ .
 - ۲۳. النمري، سليم خليل، لوحات من التراث/ أربد ۲۰۱۱.
 - ٢٤. النوايسة، نايف.
 - الطفل في الحياة الشعبية الأردنية/ ٢٠٠٩.
 - حكاية مثل شعبي/ وزارة الثقافة عمان/ ٢٠٢٠.
 - موقع أقحوان الجبل.
 - ٢٥. الهباهبة، طه، الشوبك في التاريخ والوجدان الشعبي/ ١٩٨٤.
- ٢٦. بطمة، الباحثة دينا، الحكايات المحكية المحفوظة لدى كبار السن.
- ٧٧. جوسان، أنطون، العادات العربية في بلاد مؤاب/ ترجمة د.سامي النحاس/ ١٩٩٧.
 - ٢٨. حتر، ناهض، المعزب رباح/ أحمد أبو خليل/ ٢٠١٣.
- ٢٩. حجاب، نمر، مجلة الفنون الشعبية،العدد ٦/ ١٩٧٥/ الأكل الشعبي، وزارة الثقافة.
 - ٣٠. حكمت، نجمة، عاماً من حياة امرأة أردنية/ عمان ٢٠١١.
 - ٣١. السريحين، فاروق، تاريخ مدنية الرمثا ولوائها/عمان ١٩٨٥.
- ٣٢. عبيدات، الدكتور سلمان، دراسة في عادات وتقاليد المجتمع الأردني/١٩٩٥/ ١٩٨٤.
 - ٣٣. هلال، عارف، أعراف البادية/ ٢٠١٠.
 - ٣٤. موقع الصحف اليومية الالكترونية.
 - ٣٥. وزارة الثقافة، مجلة الفنون الشعبية.
 - ٣٦. وزارة الثقافة، موقع الالكتروني.
- ٣٧. وزارة الثقافة، نتائج المسح الميداني القائم على المجتمع المحلى/ محافظة الكرك.
- ٣٨. وزارة الثقافة، نتائج المسح الميداني القائم على المجتمع المحلى/ محافظة البلقاء.
- ٣٩. وزارة الثقافة، نتائج المسح الميداني القائم على المجتمع المحلي/ محافظةالزرقاء.

بالرغم من أنّ فريق العمل سعى جاهدًا لتوثيق هذا العدد من الأكلات التراثية الشعبية، إلاّ أنّ هناك العديد منها والتي لم يسمح الوقت المحدد لانتهاء المشروع بتوثيقها وأرشفتها، آملين بأن تكون هناك تكملة لهذا المشروع الهام بحيث نتمكن من إضافتها وتسليط الضوء عل كل مايتعلق بمطبخنا التراثي الأردني في الطبعات القادمة.

كتبت مواد هذا الكتاب باللهجات المحلية وتمت مراجعتها من قبل متخصصين في ضبط اللهجة. لم يتم التغيير على ماتم جمعه من أفراد المجتمعات المحلية من محافظات المملكة الأردنية من مواد ومعلومات عن الأكلات التراثية الاردنية.

تم دعم أعمال البحث والطباعة بواسطة:





